


টাইম মেশিন

এইচ. জি. ওয়েলস্



টাইম মেশিন

এইচ. জি. ওয়েলস

Time Machine

H. G. Wells

এইচ. জি. ওয়েলস

জন্ম থেকে মৃত্যু

পুরো নাম হারবার্ট জর্জ ওয়েলস্‌। ব্টিশ। জন্ম ১৮৬৬ সালের ২১ সেপ্টেম্বর। কমার্শিয়াল এ্যাকাডেমিতে লেখাপড়া করেন ১৩ বছর বয়স পর্যন্ত। সার্টিফিকেট নেন বুক-কপিং অর্থাৎ পদ্ধতিমাত্তিক হিসাব রাখার বিদ্যায়। ১৮৮০তে শিক্ষানবিস করেন উইন্ডসরের এক বস্ত্র-ব্যবসায়ীর কাছে। ঐ বছরেই ছাত্র-শিক্ষক ছিলেন সমারসেটের একটি স্কুলে। ১৮৮০-৮১তে শিক্ষানবিস কেমিস্ট ছিলেন সাসেক্সে। ১৮৮১-৮৩তে শিক্ষানবিস বস্ত্র-ব্যবসায়ী ছিলেন হ্যাম্পশায়ারের হাইডস্‌ এম্পোরিয়ামে। ১৮৮৩-৮৪তে ছাত্র-সহকারী ছিলেন মিডহাম্‌স্ট গ্রামার স্কুলে। ১৮৮৪-৮৭তে পড়াশুনা করেন লন্ডনের রয়াল কলেজ অফ সায়েন্সে—কিন্তু উত্তীর্ণ হতে পারেন নি পরীক্ষায়। শিক্ষকতা করেন ১৮৮৭-৮৮ সালে রেঞ্জহ্যামের হোস্ট এ্যাকাডেমিতে এবং ১৮৮৮-৮৯ সালে লন্ডনের হেনলি হাইডস্‌ স্কুলে। ১৮৯০তে বি. এসসি ডিগ্রি পান ইউনিভার্সিটি অফ লন্ডন থেকে। দুই বিয়ে। প্রথম বিবাহ হয় চাচাতো বোন ইসাবেল মেরি ওয়েলসের সঙ্গে ১৮৯১ সালে—বিবাহবিচ্ছেদ ঘটে ১৮৯৫তে। ঐ বছরেই দ্বিতীয় বিবাহ হয় এ্যামি ক্যাথারিন রবিন্সের সঙ্গে। দ্বিতীয় স্ত্রী মারা যান ১৯২৭ সালে। দুই পুত্র। লেখক এ্যাক্টনি ওয়েস্টও তাঁর পুত্র—মা ছিলেন লেখিকা রেবেকা ওয়েস্ট। ১৮৯১-৯২তে শিক্ষকতা করেন লন্ডনের ইউনিভার্সিটি টিউটোরিয়াল কলেজে।

পুরো সময়ের লেখক হন ১৮৯৩ সাল থেকে। ১৯২২ এবং ১৯২৩এ ইউনিভার্সিটি অফ লন্ডনের পক্ষে পার্লামেন্টের লেবার নির্বাচনপ্রার্থী হন। ১৯০৩ থেকে ১৯০৮ পর্যন্ত ছিলেন ফেবিয়ান সোসাইটির সদস্য। ১৯৩৬এ ইউনিভার্সিটি অফ লন্ডন থেকে পান ডক্টরেট অফ লিটারেচার সম্প্রদায়। লন্ডনের ইম্পিরিয়াল কলেজ অফ সায়েন্স এ্যান্ড টেকনলজির সম্প্রদায়ের সদস্যপদে থাকার পর দেহাবসান ঘটে ১৯৪৬ সালের ১৩ আগস্ট।

কৃতিত্ব ও ব্যর্থতা

‘দ্য আলি এইচ. জি. ওয়েলস্‌’ নামে একটি নিবন্ধ রচনা করেন বার্নার্ড বার গোজি। কিঞ্চিৎ স্পেষভরে এই প্রবন্ধে তিনি মন্তব্য করেন, ওয়েলস্‌ যদি ১৯০০ খৃস্টাব্দে গত হতেন, তাহলে তাঁর তরুণ আমেরিকান বন্ধু স্টিফেন ক্রো-র মতো ‘মুখ্যত সাহিত্য-শিল্পী রূপেই তিনি স্মরণীয় হয়ে থাকতেন’। ১৯০০-র পর থেকেই ৪৫ বছর ধরে অসীম প্রযত্নে ‘পুস্তিকালেখনের’ (প্যাস্ফলিটিয়ারিং) সুযোগ তাহলে পেতেন না। উচ্চ সঙ্স্কৃতির সমগ্র আকাশ জুড়ে ওয়েলস্‌ থেকে যেতেন দৃঢ়ভাবে। জনসাধারণকে আলোকিত করতে গিয়ে প্রচলিত অন্যায়ের বিরুদ্ধে আন্দোলন করে বিভ্রমনার মধ্যে পড়তে হত না এবং এই জেহাদের ছায়াপাতও তাঁর জীবনকে ম্লান করে তুলত না। ১৯০০-র পর কিছুটা আনাড়ির মতো মূল সাহিত্যউপন্যাস লেখার সুযোগ পেতেন না। বিংশ-শতাব্দীর দ্বিতীয়ার্ধে সাহিত্যসমালোচনার দৃষ্টিকোণ থেকে বিচার করলে, বার্গোজির মন্তব্য ত্রুটিহীন বললেই চলে। ১৮৯৪

থেকে ১৯০১ এর মধ্যবর্তী সময়ে ওয়েল্‌স্‌ যা সৃষ্টি করে গেছেন, একদম প্রথম দিকের ছোট গল্প 'দ্য পলমল বাজেট থেকে 'দ্য ফাস্ট মেন ইন দ্য মুন' পর্যন্ত, তার প্রতিটিই অত্যন্ত কল্পনাসমৃদ্ধ এবং শিল্পসুন্দর কল্প-বিজ্ঞান, সমকালের অন্য কোনো নভেলিস্টের সৃষ্টি তাঁর সৃষ্টির ধারে কাছেও আসতে পারে নি। শুধু তাই নয়, তাঁর সুদীর্ঘ সাহিত্য-জীবনের যা কিছু শ্রেষ্ঠ সৃষ্টি, তা ঘটেছে ঐ সময়ের মধ্যেই। ১৯০০-র পরে ওয়েল্‌স্‌ লিখেছেন মূল সাহিত্যের উপন্যাস, সমাজতন্ত্র, ভবিষ্যৎ ফতোয়া, সাংবাদিকতা সংকলন, বিজ্ঞান ও ইতিহাসের বিশ্বকোষসম পর্যালোচনা—কিন্তু শিল্পগত তুলনায় কোনোটিই তাঁর প্রথম দিকের কল্পবিজ্ঞানের মতো উচুদরের নয়। ১৮৯৪ থেকে ১৯০১-এর মধ্যে কল্পবিজ্ঞানের যে মান উনি নিজেই সৃষ্টি করে গেছেন, পরবর্তীকালে লেখা ওর বেশিরভাগ কল্পবিজ্ঞানই সেই পরিপ্রেক্ষিতে বিচার করলে রসোত্তীর্ণ হয় নি।

ওয়েল্‌স্‌-এর সাহিত্যিক সত্তার সৌভাগ্য, বর্ণোজ্জ্বল দিনগুলিতে ওয়েল্‌স্‌ যা করেছেন তা প্রয়োজনেরও অতিরিক্ত, তাই ঠাই পেয়েছেন অমর সাহিত্যিকদের পংক্তিতে। ১৮৯৪ থেকে ১৯০১ এর মধ্যে উনি লিখেছেন ফ্যানটাসি আর সায়েন্স-ফিকশন—সংখ্যায় বেশি কল্পবিজ্ঞানই। মোট ৬টি উপন্যাস এবং ৩০টিরও বেশি ছোট গল্প। বেশিরভাগই তৎক্ষণাৎ প্রশংসা পেয়েছে পাঠক এবং সমালোচকের। প্রথম উপন্যাস 'দ্য টাইম মেশিন'। সময় পর্যটন নিয়ে বিংশ শতাব্দীতে যত গল্প-উপন্যাস লেখা হয়েছে, সবগুলিরই মূল আদর্শ এই উপন্যাসটি। 'দ্য আয়ল্যান্ড অফ' ডক্টর মোরো' ফ্রাঙ্কেনস্টাইনের গল্পকেই নতুন আঙ্গিকে বলা হয়েছে—কাহিনীর নিগূঢ় প্রচ্ছন্ন শ্লেষ সুইফট-এর রচনারীতিকে মনে করিয়ে দেয়। বিজ্ঞানের ক্ষমতা আছে মানব জাতটাকে লুপ্ত করে দেওয়ার—মানুষ নিজেই ধ্বংস টেনে আনবে নিজের—ভয়ংকর সম্ভাবনার বিরুদ্ধেই কল্পবিজ্ঞানের ইঁশিয়ারি স্বরূপ চিরকালের আদর্শ তাঁর 'দ্য ইনভিজিবল্‌ ম্যান'। পরে এই ধরনের ইঁশিয়ার কল্পবিজ্ঞানগুলো লেখা হয়েছে এই উপন্যাসটিকেই মডেল করে। আন্তঃগ্রহ সংঘর্ষ নিয়ে লেখা প্রথম কাহিনী 'দ্য ওয়ার অফ দ্য ওয়াল্ডস'। 'হোয়েন দ্য স্লীপার ওয়েকস্‌' জামিয়ানতিনকে অনুপ্রাণিত করেছে 'উই' এবং হার্লিকে 'ব্রেভ নিউ ওয়াল্ড' লিখতে। বায়োলজিক্যাল ইঞ্জিনিয়ারিং এবং মহাকাশের পর্যটনের প্রথম স্বীকৃত বিবরণ লেখা হয়েছে 'দ্য ফাস্ট মেন ইন দ্য মুন' উপন্যাসে।

প্রথম দিকের উপন্যাসসমূহের মতো আদর্শ হওয়ার যোগ্য কয়েকটা ছোট গল্পও। প্রকৃতির ভয়াবহতা ফাঁস করে দিয়েছে আধুনিক বিজ্ঞান—এই উপাদান নিয়েই বর্তমান শতাব্দীতেই লেখা হয়েছে বিপুল পরিমাণ বিপর্যয়-সাহিত্য। প্রথম দিকের কয়েকটা গল্পে এই বিষয়টিকে বেশ ভালোভাবেই কাজে লাগিয়েছেন ওয়েল্‌স্‌। 'দ্য ওয়ার অফ দ্য ওয়াল্ডস'-কে ডারউইনীয় রূপকথা হিসেবেও পড়া যেতে পারে। কিন্তু এটি ছাড়াও তিনি লিখেছেন মানুষ-থেকো অর্কিডের গল্প, শূঁড়ওলা অতিকায় সামুদ্রিক জীব কেফালোপডের গল্প, দানবিক পক্ষী আর মাকড়শার গল্প, বিশ্ববিজয়ের পথে পিপীলিকা বাহিনীর গল্প, এবং 'দ্য স্টার' গল্পে উপহার দিয়েছেন জ্যোতিষিক বিপর্যয়ের ধূপদী নিয়মানুবর্তিতার কাহিনী। এমনভাবে বর্ণনা দেওয়া হয়েছে যে পড়বার পর থ হয়ে বসে থাকতে হয়। সম্ভাবনাটা যে অলীক নয়—এটা ধারণা নিয়ে শিহরিত থাকতে হয়। আধুনিক নৃতত্ত্ব বিজ্ঞানকে কল্পনায় প্রয়োগ করেছেন ওয়েল্‌স্‌ তাঁর 'এ স্টোরি অফ দ্য স্টোন এজ' গল্পে এবং এই প্রচেষ্টার অগ্রগণ্যদের অন্যতম তিনি। সায়েন্স এবং টেকনোলজির বিপদ সম্বন্ধে আবার ইঁশিয়ারি এবং ভৎসনা তুলে ধরেছেন 'দ্য নিউ অ্যাকসিলারেটর' এবং 'এ ড্রিম অফ আরমাগেডডন' গল্প দুটিতে—প্রথম ইঁশিয়ারি দিয়েছিলেন 'দ্য ইনভিজিবল্‌ ম্যান' উপন্যাসে। 'এ ড্রিম অফ আরমাগেডডন' গল্পে স্বপ্নাতুর ব্যক্তি বলছেন কাহিনীকারকে— 'আহাম্মকের মতোই মানুষ এই

সব জিনিস বানিয়ে চলেছে।' ভবিষ্যৎ জীবনের দুঃস্থানে স্বপ্নাতুর ব্যক্তিটি দেখেছিলেন যুদ্ধান্ত্র সম্পর্কে গবেষণা। বলেছিলেন, ধীরে যেভাবে বাঁধ নির্মাণ করে, কিন্তু একবারও ভাবে না যে নদীপথ ঘুরিয়ে দিয়ে বন্যায় জমি ভাসিয়ে দিতে চলেছে।'

১৯০১-এ কম্পবিজ্ঞানের প্রবাহ স্তব্ধ হয় নি ওয়েলস্‌য়ের লেখনীতে, কিন্তু কালদেবতা কেড়ে নিয়েছিলেন তাঁর সৃজনী ক্ষমতা, অবক্ষয় ঘটিয়েছিলেন শিল্প দক্ষতার প্রয়ত্ত্ববিহীন হয়ে উঠেছিলেন ওয়েলস্‌। ১৯০২ থেকে ১৯১৪র মধ্যে লিখেছিলেন ছ-টা ফ্যানট্যাসি আর সায়েন্স ফিকশন উপন্যাস এবং ডজনখানেক গল্প। ১৯১৪ থেকে মৃত্যু পর্যন্ত লিখেছিলেন আরও পাঁচটি সায়েন্স ফিকশন উপন্যাস, তিনটে চিত্রনাট্য, এবং মূল সাহিত্য আর কম্প সাহিত্যের মাঝামাঝি এখতিয়ার বিহীন অঞ্চলে বেশ কিছু রচনা। প্রথমদিকের গল্প উপন্যাসে যে সব ইশিয়ারি আর উদ্বেগের প্রকাশ ঘটেছিল, শেষের কিছু লেখায় তাদের পুনরাবির্ভাব দেখা যায় এবং নতুন কথাও বলেন। ১৯০১-এর পর ওয়েলস্‌য়ের লেখা কম্পবিজ্ঞানের মূল বৈশিষ্ট্য এবং পার্থক্য অধিকতর রাজনৈতিক সচেতনতা। বিস্ময়োড়া যুদ্ধছবি একেছেন, পৈশাচিক অস্ত্রশস্ত্রের বর্ণনা দিয়েছেন, মাঝে মাঝে বিশ্বব্যাপী যন্ত্রযুগের রামরাজ্য তুলে ধরেছেন। ১৯০৩ সালে ট্যাঙ্ক যুদ্ধের ভবিষ্যৎকল্পনা করেছিলেন ওয়েলস্‌ (দ্য ল্যান্ড আয়রনক্ল্যাডস), ১৯০৮-এ বলেছিলেন উডোজাহাজ থেকে বৈমানবর্ণ করে শহরের পর শহর ধ্বংস করে দেওয়া হবে (দ্য ওয়ার ইন দ্য এয়ার), ১৯১৪এ ভবিষ্যৎবাণী করেছিলেন এ্যাটম বোমা আবিষ্কারের (দ্য ওয়ার্ল্ড সেট ফ্রি)। নাৎসিবাদকে ব্যঙ্গ করেছিলেন 'দ্য অটোক্রেসি অফ মিঃ পরহ্যামও কাহিনীতে এবং বিষয়টি সুপ্রয়োগ করেছিলেন 'দ্য হোলি টেরর'এ। রামরাজ্যবিষয়ক তাঁর তিনটি উপন্যাস তৎকালীন অসাধারণ সমস্যা সম্বন্ধে প্রজন্ম পটভূমিকায় সুরাণযোগ্য সৃষ্টি (এ মর্ডান ইউটোপিয়া, মেন লাইক গড্‌স্‌, দ্য শেপ অফ থিঙ্ক্‌স্‌ টু কাম)।

১৯০৪ সালে সমালোচকদের এক হাত নিয়েছিলেন ওয়েলস্‌—'সাহিত্য সমালোচকদের এই অভ্যুত্থানটী দুরারোগ্য। আমার প্রথমদিকের রচনাবলীতে যে সরলতা আর শিল্পসৌন্দর্য ছিল, এখন নাকি আর তা নেই। তাঁদের বিলাপেরও অন্ত নেই। শেষের দিকের লেখায় আমি নাকি তর্ক প্রিয় হয়ে উঠেছি। 'আত্ম রক্ষার্থে' যা লিখেছিলেন ওয়েলস্‌ তা যথার্থ। বরাবরই তিনি সমকালের বিষয় নিয়ে লিখেছেন, 'জনসাধারণের জীবনপ্রবাহ'র সঙ্গে সংযুক্ত থেকেছেন। এই পর্যন্ত তাঁর যুক্তিতে খাদ নেই—সত্যিই বলেছেন। কিন্তু কিছুতেই স্বীকার করেন নি যে আঙ্গিকের আর কম্পনাশক্তির ঘটিতে সমাচ্ছন্ন থেকেছে তাঁর শেষের দিকের উপন্যাসগুলো। বিতর্কমূলক লেখা লিখেছেন জর্জ অরওয়েল এবং ওয়াল্টার মিলার জুনিয়র-ও—তর্কপ্রিয়তার জন্যেই তাঁরা বিপুলভাবে স্বনামধন্য। তাঁদের এই খ্যাতির পরিপ্রেক্ষিতেই বলা যায় 'বিশুদ্ধ' সাহিত্য পরিত্যাগ করে 'পুস্তিকা লেখন' সাহিত্যে আত্মনিয়োগ করে ওয়েলস্‌ ভুল সাহিত্য করেন নি। অসহিষ্ণুতা আর বিরক্তিবর্ণনা দিয়ে তাঁর শিল্পের ধার তিনি শুধু নষ্টই করে গেছেন। তা সত্ত্বেও তাঁর কৃতিত্বের পরিমাণ বিরাট। তুলনা হয় না ওয়েলস্‌-এর সেরা রচনাবলীর—শব্দরূপ সমৃদ্ধির জন্মকাল দৃষ্টান্ত হয়ে থাকবে তাঁর এই লেখাগুলো। প্রথমদিকের অন্য কোনো কম্পবিজ্ঞান লেখক এত পথের উন্মোচন ঘটিয়ে যেতে পারেন নি। বিশ্বব্যাপী খ্যাতির দিক দিয়েও তিনি অসাধারণ। পৃথিবীর সব দেশেরই প্রতিটি কম্পবিজ্ঞান লেখক তাঁর লেখা পড়েছেন এই শতাব্দীতে। আধুনিক পদার্থবিজ্ঞানের দুনিয়ায় এ্যালবার্ট আইনস্টাইন যা, অথবা আধুনিক কলশিল্পের দুনিয়ায় পাবলো পিকাসো যতখানি, কম্পবিজ্ঞানের দুনিয়ায় এইচ জি ওয়েলস্‌ ঠিক সেই রকমই কিংবদন্তীসম পুরুষ।

আদি-অন্তহীন সময়ের পথে যার পর্যটন, তাঁকে সংক্ষেপে 'সময়-পর্যটক'ই বলব। খুব জটিল একটা বিষয় আমাদের বোঝাচ্ছিলেন তিনি। কথা বলতে বলতে তাঁর ধূসর চোখ দুটো চিকচিক করে উঠছিল—সাদা-পাণ্ডুর মুখেও লেগেছিল উত্তেজনার রক্তিম-আভা। চুল্লির গনগনে আগুনে ঘরের আবহাওয়া বেশ গরম হয়ে উঠেছিল—আর তারি মাঝে কিছুতকিমাকার চেয়ারগুলোয় মহা-আয়াসে নিজেদের এলিয়ে দিয়ে শুনছিলাম ঠর বক্তৃতা। অস্থিসার লম্বা আঙুল নেড়ে নেড়ে ভদ্রলোক তাঁর অসম্ভব থিওরির দুর্বোধ্য পয়েন্টগুলো বুঝিয়ে দিচ্ছিলেন আমাদের।

'মন দিয়ে শুনুন আমার প্রতিটি কথা। সবাই যা নির্বিবাদে মেনে নিয়েছে, এমন কতকগুলো ধারণা আমি পালটে দেব যুক্তি প্রমাণ দিয়ে। যেমন ধরুন না কেন, স্কুলে যে জ্যামিতি আপনারা শিখেছেন, তা যে আগাগোড়া একটা ভুল ধারণার ওপর ভিত্তি করে লেখা হয়েছে, তা আপনাদের কাবুরই জানা নেই।

বাধা দিয়ে তार्কিক স্বভাবের লালচুলো ফিল্মি বলে ওঠে—'আমাদের বয়েসের তুলনায় বিষয়টা কিন্তু নিতান্তই—'

'তা অবশ্য ঠিক বলেছেন।' বলেন মনস্তত্ত্ববিদ।

'ঠিক তেমনি শুধু দৈর্ঘ্য, বিস্তার আর বেধ থাকলেও 'ঘনক' (CUBE)-এর কোনো আদত অস্তিত্বই নেই।'

'এখানেই আমার প্রতিবাদ—' শুরু করে ফিল্মি।

'সবাই তাই জানাবে। বেশ তো, বুলন তাহলে, কোন 'ক্ষণিক' ঘনকের অস্তিত্ব সম্ভব?'

'মোটাই বুঝলাম না।' বলে ফিল্মি।

'যে ঘনকের স্থায়িত্ব এক কণা সময়ের জন্য নেই—তার অস্তিত্ব সম্ভব?'

আমতা আমতা করতে থাকে ফিল্মি।

সময়-পর্যটক আবার বলে চলেন—'তা হলেই বুঝতে পারছেন, যে কোনো আদত বস্তুর চারদিকে চার রকমের ব্যাপ্তি থাকতেই হবে; অর্থাৎ দৈর্ঘ্য, বিস্তার বেধ ছাড়াও থাকবে স্থায়িত্ব। অবিশ্বাস্য হলেও বাস্তবিকই 'মাত্রার (DIMENSION) মোট সংখ্যা হল চার। প্রথম তিনটে 'স্থানের (SPACE), আর চতুর্থটি হল 'সময়' (TIME)। তুর্থটির অন্তহীন পথেই আমাদের জীবন গড়িয়ে এসে ফুরিয়ে যায় মৃত্যুর দোর গোড়ায়। আসলে প্রথম তিন 'মাত্রা' আর 'সময়-মাত্রা'র মধ্যে বিশেষ কোনো তফাৎই নেই। আমাদের চেতনাবোধ শুধু 'সময়-মাত্রা'র নিরবচ্ছিন্ন পথে যতিহীন গতিতে বয়ে চলেছে—এইটুকুই শুধু যা তফাৎ। এ ছাড়া চতুর্থ 'মাত্রা'র যে সংজ্ঞা আপনারা শুনছেন আজ পর্যন্ত—তা একেবারেই ভুল। কেনন, তাই নয় কি?'

‘সংজ্ঞাটা সম্বন্ধে আমার কোনো ধারণাই নেই।’ স্বীকার করেন প্রাদেশিক মেয়র।

‘খুব সহজ সংজ্ঞা। আমাদের গণিতবিদরা বলেন যে, দৈর্ঘ্য, বিস্তার, আর বেধ—‘স্থানের এই তিন ‘মাত্রা’ প্রত্যেকে প্রত্যেকের সাথে সমকোণে অবস্থিত। কয়েকজন চিন্তাশীল ব্যক্তি হঠাৎ একদিন বলে বসলেন, তাই যদি হবে, তবে ঐ তিন ‘মাত্রার সঙ্গে সমকোণ করে চতুর্থ ‘মাত্রার অবস্থানই বা সম্ভব নয় কেন? আর তাই ভেবেই চার ‘মাত্রার জ্যামিতি লেখার জন্যে উঠে-পড়ে লাগলেন সবাই। এই তো মাসখানেক আগেও নিউইয়র্ক ম্যাথমেটিক্যাল সোসাইটিতে প্রফেসর সাইমন নিউকোর্স এ নিয়ে এক সারগর্ভ বক্তৃতা শুনিয়ে দিলেন আর পাঁচজন গণিতবিদকে। আপনারা জানেন দু’ ‘মাত্রা’-ওলা সমতলে কীভাবে আমরা তৃতীয় ‘মাত্রার ছবি আঁকি। তাঁরা বলেন, ঠিক এই ভাবেই নাকি তিন ‘মাত্রার মডেলের ওপর চতুর্থ ‘মাত্রাকেও দেখানো সম্ভব। বুঝলেন তো?’

‘বুঝলাম।’ কপাল কঁচকে বিড়বিড় করেন প্রাদেশিক মেয়র।

‘বেশ কিছুদিন ধরেই চার ‘মাত্রার এই জ্যামিতি নিয়ে গবেষণা করছিলাম আমি। বিজ্ঞানীমাত্রই জানেন যে, ‘সময়’ কেবল ‘স্থানের’ই আর এক রূপ। আবহাওয়ায় খবর-আঁকা এই কাগজটা দেখলেই বিষয়টা একটু পরিষ্কার হবে আপনারদের। এই যে, এই লাইনটা—এটা গতকালের ব্যারোমিটারের পারার ওঠা নামা নির্দেশ করছে। এবার দেখুন, গতকাল দিনের বেলায় কোথায় ঠেলে উঠছে লাইনটা, রাত্রে নেমে গেছে, আবার আজ সকালে ঠেলে উঠেছে। ‘স্থানের’ যে তিন ‘মাত্রা’কে আমরা জানি, তার কোনোটার ওপরেই কিন্তু পারা এ লাইন আঁকে নি। ঐক্যে ‘সময়-মাত্রার ওপর।’

গনগনে আগুনের দিকে একদৃষ্টে তাকিয়ে বসেছিলেন ডাক্তার—এবার তিনি মুখ খুললেন—‘স্থান-মাত্রার আর এক রূপ যদি ‘সময়,’ তবে ‘স্থানের’ আর তিন ‘মাত্রার’ মধ্যে আমরা ইচ্ছামতো যেমন ঘুরে ফিরে বেড়াতে পারি, তেমনটি ‘সময়ের’ মধ্যে কেন পারি না?’

হেসে ওঠেন সময়-পর্যটক—‘সত্যিই কি তাই? ‘স্থানের’ তিন মাত্রার মধ্যে আমাদের গতিবিধি কি একেবারেই অবাধ? ডাইনে, বামে, সামনে, পেছনে গেলাম—অর্থাৎ শুধু দুটো ‘মাত্রার’ ভেতরে ইচ্ছামতো চলাফেরা করলাম, কিন্তু ওপরে নিচে আসা-যাওয়া কি সম্ভব? মাধ্যাকর্ষণ তো বাধা দিচ্ছে সে দিকে।’

‘দিলেই বা। বেলুন তো রয়েছে সে বাধা কাটাবার জন্য।’

‘কিন্তু বেলুন আবিষ্কারের আগে ওপরে নিচে খাড়াভাবে চলাফেরা করার কোনো পন্থাই মানুষের জানা ছিল না।’

‘কিন্তু লাফঝাপ দিয়ে ওপর-নিচে সামান্য নড়াচড়াও তো করা যেত?’

‘ওপরে ওঠার চাইতে নিচে নামাটা ছিল আরও সহজ।’

‘আরে মশাই, ‘সময়ের’ মধ্যে তো আপনি তাও পারছেন না। বর্তমান মুহূর্ত থেকে দূরে সরে যাওয়ার কোনো ক্ষমতাই নেই আপনার।’

‘ভুল করলেন মশায়, ভুল করলেন ঐখানেই। সারা দুনিয়া ভুল করছে ঠিক ঐ জায়গাটিতে। বর্তমান মুহূর্ত থেকে আমরা নিয়তই দূরে সরে যাচ্ছি। দোলনা থেকে ঝবর পর্যন্ত একটা নিরবচ্ছিন্ন সমান গতিতে আমাদের নির্মাত্রা, নির্বস্ত মানসিক স্থায়িত্ব ‘সময়-মাত্রার’ ওপর দিয়ে এগিয়ে চলেছে—অনন্তকাল ধরে প্রবহমান এই অবিরাম গতির

মধ্যে নেই যতির আয়েস, অনিয়মের দিকহীনতা অথবা স্ব-ইচ্ছার শ্রুততা। পৃথিবীর পঞ্চাশ মাইল ওপরে ছেড়ে দিলে আমরা যেমন শুধু নিচের দিকেই নামাতে থাকতাম—ঠিক তেমনি জন্ম থেকে মৃত্যু পর্যন্ত কাল-পথে আমাদের যাত্রাও রয়েছে অব্যাহত।

‘কিন্তু অসুবিধেটা কী জানেন,’ বাধা দিয়ে বললেন মনোবিজ্ঞানী, ‘স্থানের তিন ‘মাত্রা’র মধ্যে আপনি যে দিকে খুশি বেড়াতে পারেন—কিন্তু ‘সময়ের’ মধ্যে তো আপনি তাও পারছেন না।’

‘আমার আবিষ্কারের মূল উৎস তো সেইখানেই। ধবন, অতীতের কোনো একটা ঘটনা চিন্তা করছেন আপনি। তৎক্ষণাৎ আপনার মন উধাও হয়ে যাচ্ছে পুরোনো দিনের মাঝে। কিন্তু ইচ্ছেমতো আপনার মনকে আপনি সেখানে ধরে রাখতে পারছেন না। যেমন, মাটি থেকে ছ’ফুট লাফিয়ে উঠেও কোনো বর্বরই পারে না ছ’ফুট উচুতে নিজেকে ধরে রাখতে। কিন্তু সভ্য মানুষের মাথা বর্বর মানুষের চেয়েও অনেক উন্নত। তাই বেলুন আবিষ্কার করে তারা যদি মাধ্যাকর্ষণ শক্তিকে হারাতে পারে, তবে নতুন কিছু একটা আবিষ্কার করে ‘সময়-মাত্রা’র মধ্যে পিছিয়ে যাওয়া অথবা যেদিকে ইচ্ছা যাওয়ার ক্ষমতাই বা তারা পাবে না কেন বলুন?’

‘অসম্ভব!’ শক্ত গলায় বলে ফিল্মি।

‘কেন অসম্ভব?’ জানতে চান সময়-পর্যটক।

‘যুক্তি দিয়ে সাদাকে কালো প্রমাণ করতে পারেন, কিন্তু আমার মনে বিশ্বাস তো আর গেঁথে দিতে পারেন না।’

‘তা অবশ্য ঠিক। আচ্ছা, এখন শুনুন, ‘চার-মাত্রা’র জ্যামিতি নিয়ে গবেষণা করার পেছনে আমার আসল উদ্দেশ্যটা কী। অনেকদিন আগে আমার মাধ্যম একটা মেশিনের পরিকল্পনা আসে—’

‘সময়ের’ মধ্যে ঘুরে বেড়ানোর জন্যে!’ উদ্গত বিস্ময় আর চাপতে পারে না পাশের ছেলেটি।

‘চালকের ইচ্ছামতো ‘স্থান’ আর ‘সময়ের’ মধ্যে যে দিকে খুশি, যেভাবে খুশি, যতক্ষণ খুশি ঘুরে বেড়াবে সেই মেশিন।’

খুক খুক করে হেসে ওঠে ফিল্মি।

‘যতসব গাঁজাখুরি থিওরি!’ মুখের ওপর বলে দেন মনোবিজ্ঞানী।

‘আমার কাছেও এটা একদিন থিওরী ছিল— ছিল অলীক অবাস্তব এক কল্পনা। এবং এ থিওরী আপনাদের সামনে কোনদিনই হাজির করতাম না, যদি না—’

‘এক্সপেরিমেন্ট!’ আর চুপ করে বসে থাকতে পারি না আমি। ‘আপনি এবার হাতে নাতে আপনার ঐ উদ্ভট থিওরী প্রমাণ করতে শুরু করবেন নাকি?’

‘এক্সপেরিটে!’ গোল হয়ে ওঠে ফিল্মির চোখ।

‘দেখাই যাক না থিওরির মধ্যে গাঁজার পরিমাণটা কত!’ শ্রেষভরে বলেন মনোবিজ্ঞানী।

সামান্য একটু হাসলেন সময়-পর্যটক। তারপর ঠোঁটের কোণে হাসিটুকু নিয়ে প্যাটের দৃশ্যকেটে হাত ভরে এগিয়ে গেলেন বারান্দা দিয়ে ওপাশে। একটু পরেই ফিরে এলেন তিনি।

২ মেশিন

চক্চকে ধাতুর তৈরি একটা যন্ত্র দেখলাম সময়-পর্যটকের হাতে। টাইমপিসের চেয়ে সামান্য বড় যন্ত্রটা, কিন্তু নিখুঁতভাবে তৈরি। হাতির দাঁত আর কয়েকটা স্বচ্ছ কৃষ্টাালের কারুকাজও দেখলাম তার মাঝে। যন্ত্রটার বিচিত্র গঠন দেখে কৌতূহল না জেগে পারে না।

এর পরে যা ঘটল তা সত্যই অবর্ণনীয়। আটকোণা একটি টেবিল এনে রাখা হল আগুনের সামনে। ওপরে মেশিনটাকে বসিয়ে একটা চেয়ার টেনে নিয়ে সামনে বসলেন ভদ্রলোক। মেশিন ছাড়াও টেবিলের ওপর ছিল একটা শেড দেওয়া ল্যাম্প—টিকমিক করছিল মডেলটা তার আলোয়। ঘরের মধ্যে এদিকে—সেদিকে আরও প্রায় ডজনখানেক মোমবাতি থাকায় আলোর অভাব ছিল না মোটেই। আগুনের একেবারে কাছেই বসেছিলাম আমি। সময়-পর্যটকের পেছনে বসল ফিল্মি। বাঁদিকে বসলেন ডাক্তার আর প্রাদেশিক মেয়র—ডানদিকে মনোবিজ্ঞানী, অল্প বয়েসী ছেলেটা রইল আমার ঠিক পেছনেই। প্রত্যেকেই চোখ-কান খুলে বেশ সজাগ হয়ে বসে—কাজেই এ রকম পরিস্থিতিতে হাতসাফাই যে একেবারেই অসম্ভব, তা বুঝলাম সবাই।

আমাদের ওপর একবার চোখ বুলিয়ে নিলেন সময়-পর্যটক। তারপর টেবিলের ওপর কনুই রেখে দু'হাতের তালুতে আলতোভাবে ধরলেন মেশিনটাকে।

বললেন, 'ছোট্ট একটা মডেল—আর কিছু না।' সময়ের মাঝে খেয়াল খুশিমতো ঘুরে বেড়ানোর অভিনব এক পরিকল্পনা। মেশিনটার নিখুঁত কারুকাজ, এদিকের এই সুন্দর রঙটা, ও পাশের ঐ লিভার—প্রতিটিই লক্ষ্য করার মতো, মনে রাখার মতো। খুবই ক্ষুদ্রে এই মেশিন। কিন্তু একেই তৈরি করতে আমার পুরো দুটি বছর গেছে। লিভারটা টিপলে মেশিন উধাও হয়ে যাবে ভবিষ্যতের গর্ভে; আর এটা টিপলে যাবে ঠিক উল্টো দিকে—অতীতের হারানো পাতায়। এই আসনটা হল চালকের বসবার জায়গা। ভালো করে দেখে রাখুন মডেলটা—টেবিলের ওপর নজর রাখুন সবাই। পরে যেন বলে বসবেন না যে, ধান্নাবাজের মতো হাতসাফাইয়ের ভেলকি দেখিয়ে বোকা বানিয়েছি সবাইকে।'

পুরো এক মিনিট সব চুপচাপ। মনোবিজ্ঞানীর বোধহয় কিছু বলার ইচ্ছে ছিল—কিন্তু ভেবে তিনিও বোবা হয়ে গেলেন।

সবু একটা লিভারের ওপর হাত রাখলেন সময়-পর্যটক। তারপরেই চট করে বললেন 'না, আপনিই আসুন। এগিয়ে দিন আপনার আঙুল।'

ভয়ে ভয়ে তজ্ঞনী এগিয়ে দেন মনোবিজ্ঞানী। সময়-পর্যটক আঙুলটা দিয়ে ঘুরিয়ে দিলেন লিভারটা।

চোখের সামনে দেখলাম লিভারটা ঘুরে গেল। কোনো হাতসাফাই নেই, চোখের ধাঁধা নেই। কোনো রকম চালাকি থাকা সম্ভবও নয়। কিন্তু পরক্ষণেই এক ঝলক বাতাসে লাফিয়ে উঠল ল্যাম্পের আঁকাপা শিখাটা। দপ করে নিভে গেল ম্যাটেলের ওপর রাখা একটা মোমবাতি।

আর, টেবিলের ওপর ছোট্ট মেশিনটা দুলতে শুরু করল। দেখতে দেখতে অস্পষ্ট হয়ে গেল তার নিখুঁত খাতব অঙ্গ। সেকেণ্ডহানেকের জন্য চিক্মিকে তামা আর হাতির দাঁতের একটা ফিকে ভৌতিক ছায়া দুলে উঠল ছায়ামায়ার মাঝে। আর তারপরেই অদৃশ্য হয়ে গেল সেটুকুও। ল্যাম্প ছাড়া টেবিলের ওপর আর রইল না কিছুই।

ঠিক পুরো একটা মিনিট কারও মুখে কোনো কথা ফুটল না।

সম্ভিৎ ফিরে পেয়ে প্রথমে মনোবিজ্ঞানীই হেঁট হয়ে টেবিলের তলাটা দেখলেন।

আর প্রসন্নমুখে হাসতে লাগলেন সময়-পর্যটক। ধীর-পায়ে এগিয়ে গেলেন ম্যান্টলপিসের সামনে—পাইপটা বার করে তামাক ঠাসতে লাগলেন আপন মনে।

হতভঙ্গের মত আমরা এর-ওর মুখের দিকে তাকালাম। ডাক্তার ফস করে বলে ওঠেন ‘আরে মশাই, আপনি কি সত্যি ভেবেছেন যে, ঐ বিদ্যুটে মেশিনটা ‘সময়ের’ পথে হাওয়া খেতে গেল?’

‘কোনো সন্দেহই নেই সে বিষয়ে।’ পাইপে আগুন লাগিয়ে মনোবিজ্ঞানীর দিকে ফিরে দাঁড়ান সময়-পর্যটক। মোটেই ঘাবড়ে যান নি, এমনি ভাব দেখিয়ে মনোবিজ্ঞানী ভদ্রলোক তাড়াতাড়ি কাঁপা হাতে একটা সিগারেট ধরাবার চেষ্টা করতে লাগলেন। মুচকি হেসে বলে চললেন সময়-পর্যটক, ‘ল্যাবরেটরিতে বেশ বড় সাইজের একটা মেশিন শেষ হয়ে এল প্রায়। তারপর তো হচ্ছে আছে নিজেই একদিন বেরোব।’

এরপর আমরা কেউ আর কোনো কথা বললাম না। অথবা বলবার চেষ্টা করেও পারলাম না। সকৌতুকে আমাদের বিস্ময় আঁকা মুখগুলোর ওপর একবার চোখ বুলিয়ে নিলেন উনি, তারপর বললেন, ‘আসুন, আসল টাইম মেশিনটা দেখাই আপনাদের।’

বলে, একটা মোমবাতি নিয়ে পা বাড়ালেন বারান্দার পথে। পিছু পিছু চুস্বেক টানা লোহার মতো আমরাও এগিয়ে গেলাম। লম্বা টানা বারান্দার দেওয়ালে আমাদের লম্বা ছায়াগুলো মোমবাতির কাঁপা শিখায় কঁপে কঁপে উঠে কেমন জ্ঞানি শিরশিরে ভাবে ভরিয়ে দিল আমার অন্তর।

ল্যাবরেটরিতে এসে যা দেখলাম, তা ড্রইংরুমে চোখের সামনে অদৃশ্য হয়ে যাওয়া ক্ষুদ্রে মেশিনটারই বিরাট-সংস্করণ। কতকগুলো অংশ চক্চকে নিকেলের তৈরি, সাদা হাতির দাঁতের কাজও দেখলাম কয়েক জায়গায়। পাথুরে কৃষ্ট্যালও বসানো আছে এখানে সেখানে। মেশিনটা প্রায় সম্পূর্ণ হয়ে এলেও কতকগুলো বেকানো কৃষ্ট্যালের ডান্ডা তখনও পড়েছিল পাশের বেঞ্চে। একটা তুলে নিয়ে পরীক্ষা করে দেখলাম—মনে হল কোয়ার্টজের তৈরী।

ডাক্তার বললেন ‘আপনি কি মশাই তামাশা জুড়েছেন, না সত্যিই সময়ের পথে ঘুরে বেড়ানোর মতলব আঁটছেন?’

মাথার ওপর বাতিটা তুলে ধরে বললেন সময়-পর্যটক—‘এই মেশিনে বসেই আমি আমার অভিযান চালাব সময়ের বুকে—এই আমার প্রতিজ্ঞা। জীবনে এর চাইতে বেশি সিরিয়াস যে আর আমি হই নি—তা আপনারা বিশ্বাস করতে পারেন।’

সময়-পর্যটকের প্রত্যাবর্তন

তখনও কিন্তু আমাদের কেউই টাইম-মেশিনকে মনে-প্রাণে বিশ্বাস করে উঠতে পারে নি। দুনিয়ায় এক শ্রেণীর মানুষ আছে, যাদের চতুরতার পরিমাপ করা সাধারণ মানুষের সাধ্য নয়। চতুর-চুড়ামণি সময়-পর্যটকও এই শ্রেণীর মানুষ। নিত্যনতুন ফন্দি খাঁর মাথায় অহরহ গজাচ্ছে, তাঁর সব কথা হট করে বিশ্বাস করে বোকা বনতে মন চায় না কিছুতেই। ডাক্তারের সঙ্গে এ বিষয়ে পরে আমার কথা হয়েছিল। তিনি তো বললেন, এ একটা রীতিমতো উন্নত ধরনের ম্যাজিক ছাড়া কিছুই নয়। মোমবাতি নিভে যাওয়ার সঙ্গে মেশিন উধাও হওয়ার নিশ্চয় সম্পর্ক আছে। কিন্তু সে সম্পর্কটা যে কি তা তিনি অনেক গবেষণা করেও আবিষ্কার করতে পারলেন না।

সেদিন সময়-পর্যটকের ড্রইংরুম কয়েকজন রাজকার অতিথির মধ্যে আমিও ছিলাম। তাই পরের বৃষ্টিবার যথাসময়ে হাজির হলাম রিচমন্ডে। গিয়ে দেখি আমার আগেই জনা-চার-পাঁচ ভদ্রলোক জমায়েৎ হয়েছেন। এক তা কাগজ হাতে আগুনের চুল্লির সামনেই দাঁড়িয়ে ছিলেন ডাক্তার। কিন্তু আশে-পাশে কোথাও সময়-পর্যটকের টিকিটি দেখতে পেলাম না।

‘সাড়ে সাতটা বেজে গেল’, ডাক্তারই প্রথমে কথা বললেন, ‘এবার ডিনার শুরু করা উচিত, কী বলেন।’

‘কিন্তু গৃহস্থায়ী গেলেন কোথায়?’ শুধাই আমি।

‘এখনও এসে পৌঁছান নি। অবশ্য আমাকে একটা চিরকুটে লিখে গেছেন যে, তাঁর জন্য অপেক্ষা না করে আমরা যেন সময়মত ডিনার খেয়ে নিই।’

‘ডিনার ঠাণ্ডা হতে দেওয়া বুদ্ধিমানের কাজ নয় মোটেই।’ বললেন, নামকরা একটা দৈনিক সম্পাদক।

সূত্রাং ঘন্টা বাজিয়ে ডিনারের আদেশ দিলেন ডাক্তার।

অভ্যাগতদের মধ্যে আমি আর ডাক্তার ছাড়াও ছিলেন মনোবিজ্ঞানী, ব্র্যাঙ্ক নামধারী সম্পাদক ভদ্রলোক, আরও দু’জন সাংবাদিক। এঁদের মধ্যে আবার দাড়িওলা ভদ্রলোকটি এমনই মুখচোরা যে সারাটা সময় একবারও মুখ খুলতে দেখলাম না তাঁকে। ছুরি-কাঁটার সঙ্গে সমানে মুখও চলতে শুরু করে। গত সপ্তার রোমাঞ্চকর এক্সপেরিমেন্টের হাত সাফাইয়ের বর্ণনাটা বেশ রসিয়ে রসিয়ে শোনাচ্ছেন মনোবিজ্ঞানী, সম্পাদক মশাইও তাল মিলিয়ে মাঝে মাঝে রসালো টিল্লনী ছাড়ছেন, এমন সময়ে কোনো রকম শব্দ না করে খুব আস্তে আস্তে বারান্দার দরজাটা ফাঁক হয়ে যেতে লাগল।

দরজার দিকে মুখ করে আমি বসেছিলাম, তাই আমারই চোখে পড়ল প্রথম। দরজাটা আস্তে আস্তে সম্পূর্ণ খুলে যেতেই দেখলাম, দোরগোড়ায় দাঁড়িয়ে সময় পর্যটক স্বয়ং।

‘এ কী ব্যাপার?’ অবাক হয়ে চোঁচিয়ে উঠি আমি।

‘কী করে হ’ল এমন অবস্থা?’ এবার ডাক্তারের চোখে পড়েন তিনি।

আর, তার পরেই সবার দৃষ্টি গিয়ে পড়ে তাঁর ওপর।

ঝড়োকাকের মতো চেহারা নিয়ে দাঁড়িয়েছিলেন তিনি। ধুলোভরা কোটটা

এখানে-সেখানে ছিড়ে গেছে, হাতাতে লেগেছে সবুজ রঙের ছোপ। উল্কাখুল্কা চুল; আর, অন্তত আমার তো মনে হল ধুলোময়লার জন্যেই হোক বা সত্য সত্যই ফ্যাকাসে হয়ে যাওয়ার জন্যেই হোক, চুলগুলো আগের চাইতে যেন অনেক সাদা হয়ে গেছে। মুখ তার বিরঙ, বিবর্ণ, পাথুর। চিবুকে একটা দগ্ধগে কাটার চিহ্ন, আর একটা শুকিয়ে এসেছে। দারুণ পরিশ্রমে তাঁর ভাবভঙ্গি কেমন জানি অবসাদময়, ক্লান্তিতে শিথিল। হঠাৎ জোর আলোয় চোখ ধাঁধিয়ে গেলে যেমন হয়, তেমনি ভাবে মুহূর্তের জন্য দোরগোড়ায় পা ঘসটালেন তিনি, তার পর ঘরে ঢুকলেন খোঁড়াতে খোঁড়াতে। নির্বাক হয়ে আমরা তাকিয়ে রইলাম তাঁর পানে।

একটা কথাও বললেন না তিনি। বেদনায় মুখ বিকৃত করে টেবিলের কাছে এসে স্যাম্পনের দিকে আঙুল তুলে দেখলেন। তাড়াতাড়ি একটা গেলাস তাঁর দিকে এগিয়ে দিলেন সম্পাদক ভদ্রলোক। এক চুমুকে সেটা নিঃশেষ করে দিয়ে যখন মুখ তুললেন তখন ঠোঁটের কোণে তাঁর পুরোনো হাসি আবার ফুটে উঠেছে ম্লান হয়ে।

ডাক্তার শুধান, ‘কী ব্যাপার বলুন তো আপনার?’

প্রশ্নটা সময়-পর্যটকের কানে ঢুকেছে বলে মনে হয় না। নীরবে আর এক গেলাস স্যাম্পন শেষ করে উঠে দাঁড়ান তিনি। গালে-মুখে-চিবুকে রক্তের আভা একটু একটু করে ফুটে উঠছিল। থেমে বললেন তিনি, ‘এখন চলি আমি... হাত-মুখ ধুয়ে জামা-কাপড় বদলে আসছি এক্ষুনি। আমার জন্যে শুধু কিছু ম্যাটন রেখে দিন—অনাহারে নাড়িভুঁড়ি শুদ্ধ শুকিয়ে এসেছে।’ বলে পা টেনে টেনে দরজার দিকে এগিয়ে গেলেন তিনি। আর তখনই লক্ষ্য করলাম, তাঁর পায়ে জুতো নেই; হেঁড়া মোজাজোড়া রক্তে মাখামাখি। আর কিছু দেখার আগেই বন্ধ হয়ে গেল দরজা।

আবার গুঞ্জন শুরু হয় ডিনার টেবিলে। সম্পাদক ভদ্রলোক আপন মনেই বিভ্রিড় করতে থাকেন—‘প্রখ্যাত বিজ্ঞানীর আশ্চর্য ব্যবহার’। বোধহয় পরের দিনের কাগজের শিরোনামটাই আউড়ে নেন তিনি।

আমি বললাম, ‘জল্পনা-কল্পনা আপাতত বন্ধ রেখে আসুন আধ-খাওয়া খানাটা এবার শেষ করা যাক। উনি ফিরে এলে সব কিছু শোনা যাবে।’

‘উত্তম প্রস্তাব।’ বলে ছুরি-কাঁটা তুলে নিলেন সম্পাদক ভদ্রলোক। ‘আচ্ছা মশায়, ভদ্রলোক না হয় মেশিনে চড়ে একপাক ঘুরেই এলেন। কিন্তু ভবিষ্যতের মানুষগুলোর কাছে কি কোট ঝাড়বার ব্রাশ বা চুল আঁচড়াবার কোনো চিবুণিও নেই?’

দমকা হাসিতে ফেটে পড়ে সবাই। আবহাওয়া অনেকটা লঘু হয়ে যাওয়ায় মনোবিজ্ঞানী আবার গত সপ্তার এক্সপেরিমেন্টের সরস বর্ণনা শুরু করেন। কিন্তু তা শেষ হওয়ার আগেই ফিরে আসেন সময়-পর্যটক। সাধারণ সাক্ষ্য-পোশাক তাঁর পরনে। চোখের দৃষ্টি তখনও কেমন জানি উদ্ভ্রান্ত।

সোল্লাসে টেচিয়ে ওঠেন সম্পাদক—‘কী ব্যাপার মশায়? শুনলাম নাকি আগামী দিনগুলোতে বেড়াতে গেছিলেন আপনি? তা রোজবেরির কী খবর শুনে এলেন বলুন শুন।’

নীরবে চেয়ারে এসে বসলেন সময়-পর্যটক। স্বভাবসিদ্ধ মৃদু হেসে বললেন, ‘আমার ম্যাটন কোথায়?’

‘গল্প আগে!’ চৈচিয়ে ওঠেন সম্পাদক।

‘চুলায় যাক গল্প। পেটে দানাপানি না পড়লে একটা কথাও বলেত পারব না আমি। ধমনীতে বেশ কিছু পেপটোনের দরকার এখন।’

‘একটা কথা শুধু বলুন। সত্যি কি সময়ের পথে বেড়িয়ে এলেন?’

‘হ্যাঁ।’ মুখভরা মাংস চিবুতে চিবুতে জ্বাব দিলেন সময়-পর্যটক।

‘আপনি যাই বলুন না কেন, লাইন-পিছু এক শিলিং দেব আমি।’ প্রত্যুত্তরে আর এক গলাস স্যাম্পেন পান করলেন সময়-পর্যটক।

ডিনারের বাকি সময়টুকু আর বিশেষ কোনো কথা জমে না। খাওয়া শেষ হলে পর একটা সিগারেট ধরিয়ে বললেন তিনি, ‘যে কাহিনী আপনাদের শোনাব তা যেমনি অবিশ্বাস্য, তেমনি আশ্চর্য রকমের সত্য। বিশ্বাস করা না করা অবশ্য আপনাদের অভিরুচি। বেলা চারটার সময়ে ল্যাবরেটরিতে ছিলাম আমি... তারপর থেকে পুরো আটটা দিন কাটিয়েছি আমি... এমনভাবে কাটিয়েছি যা কেউ কল্পনাও করতে পারবে না... কিন্তু সে বিরাট কাহিনী শুনতে হলে আসুন স্মোकिং-রুমে গিয়ে বসি।’ স্মোकिং রুমে আরাম-কেদারায় বসার পর আবার শুরু করলেন, ‘একটা শুধু শর্ত আছে, আমাকে কেউ বাধা দেবেন না। রাজি থাকেন তো বলুন।’

‘কিন্তু একটা অলীক ব্যাপার শুনতে হলে—’ মুখ খোলেন সম্পাদক।

‘আজ রাত্রে কোন তর্ক নয়, বড় শ্রান্ত আমি। অথচ না বললেও ঘুম হবে না আমার। যা বলব, তাই শুনতে হবে। কোন বাধা নয়, রাজী?’

‘রাজী।’ বললাম সবাই।

তখন শুরু হল সময়-পর্যটকের আশ্চর্য ভ্রমণ কাহিনী। চেয়ারে হেলে পড়ে বলে যাচ্ছিলেন তিনি দ্রুততর গতিতে। লিখতে লিখতে কনুই পর্যন্ত টনটনিয়ে উঠছিল আমার। নিশ্চয় খুব মন দিয়ে এ কাহিনী পড়ছেন আপনারা। কিন্তু তবুও ল্যাম্পের আলোক-বলয়ের মাঝে বস্তার ফ্যাকাশে মুখ আপনারা দেখতে পাচ্ছেন না। শুনতে পাচ্ছেন না তাঁর আবেগ-কাঁপা গম্গমে কণ্ঠস্বর। আলোক-সীমানার বাইরে অন্ধকারে বসে রইলাম আমরা। আর দক্ষ-শিল্পীর মিড-গড়ক-গমক-মুর্ছনা সৃষ্টির মতো শব্দের ইন্ডজাল সৃষ্টি করে আমাদের মস্তমুগ্ধ করে রেখে দিলেন সময়-পর্যটক।

8

সময় পর্যটন

গত বৃহস্পতিবার আপনাদের কয়েকজনকে টাইম-মেশিনের মূল সূত্রগুলি আমি বুঝিয়ে দিয়েছি। অসমাপ্ত মেশিনটাও ল্যাবরেটরিতে নিয়ে গিয়ে দেখিয়েছি। এখনও সেখানেই আছে মেশিনটা—এতটা পথ ঘুরে আসার ফলে একটু ময়লা হয়ে গেছে অবশ্য। তাছাড়া হাতির দাঁতের একটা রড চিড় খেয়ে গেছে, আমার রেলিংটা গেছে বেকে। বাদবাকি সব ঠিক আছে। ভেবেছিলাম গত শূক্রবারেই শেষ হয়ে যাবে মেশিনটা, কিন্তু শূক্রবারে কাজ যখন প্রায় শেষ হয়ে এসেছে, দেখলাম একটা নিকেল রড প্রায় ইঞ্চিখানেকের জন্যে ছোট হচ্ছে। কাজেই নতুন করে তৈরি করতে হল রডটা। সেই কারণেই বেশ খানিকটা দেরি হয়ে

গেল। আজ সকালে সম্পূর্ণ হল টাইম মেশিন। আর সকাল দশটার সময়ে শুরু হল তার জীবন-যাত্রা। চারদিকে টোকা মেরে শব্দগুলো আর একবার দেখে নিয়ে কোয়ার্টার্সে রওদে আরও এক ফাঁটা তেল ঢেলে দিলাম। তারপর চেপে বসলাম আসনে। খুলির কাছে পিস্তল ধরে আত্মহত্যা করার আগে মানুষের মনে যে বিচিত্র ভাবের উদয় হয়, আমারও হল তাই। একহাতে স্টার্ট দেওয়ার লিভারটা ধরে, অপর হাতে বেশ করে চেপে ধরলাম গতিরোধের লিভারটা। তারপর প্রথমটা ঠেলার পরমুহূর্তেই দ্বিতীয়টাও ঠেলে দিলাম। মনে হল, মাথা ঘুরে গেল আমার; দুঃস্বপ্নের ঘোরে মনে হল যেন তলিয়ে যাচ্ছি অতলে; আর তারপরেই চারপাশে তাকিয়ে দেখি ঠিক আগের মতো অবস্থাতেই ল্যাবোরেটরিতে রয়েছি আমি। কিছুই তো তাহলে হল না! মুহূর্তের জন্য সন্দেহ হল বুঝি বা আমার মেধা শেষ পর্যন্ত ছলনা করল আমার। পরক্ষণেই আমার চোখ পড়ল ঘড়ির ওপর। এক মুহূর্ত আগেও তো ঘড়ির কাঁটা দাঁড়িয়েছিল দশটা, কি খুব জোর দশটা বেজে এক মিনিটের ঘরে। আর এখন দেখলাম কাঁটা দুটো ঘুরে এসে দাঁড়িয়েছে সাড়ে তিনটার ঘরে।

জোরে নিঃশ্বাস নিয়ে দাঁতে দাঁত চেপে দু'হাতে আঁকড়ে ধরলাম স্টার্ট দেওয়ার লিভারটা, আর পরক্ষণেই এক ধাক্কায় ঠেলে দিলাম সামনের দিকে। ধোয়ার মতো আবছা হয়ে এল ল্যাবোরেটরি, রাশি রাশি আঁধারে ভরে উঠতে লাগল ঘরটা। মিসেস ওয়াচটে ভেতরে এলেন, আমাকে যেন দেখতে পান নি এমনভাবে এগিয়ে গেলেন বাগানের দরজার দিকে। পথটুকু পেরোতে বোধহয় তাঁর মিনিটখানেক লেগেছিল, আমার কিন্তু মনে হল যেন রকেটের মত সাঁৎ করে বেরিয়ে গেলেন তিনি। এবার একেবারে শেষ ঝাঁটিতে ঠেলে দিলাম লিভারটা। ফুঁ দিয়ে প্রদীপ নিভিয়ে দেওয়ার মতো ঝাঁপিয়ে পড়ল নিশার তমসা, পরের মুহূর্তেই রাত কেটে গিয়ে ফুটে উঠল ভোরের আলো। অস্পষ্ট আর আবছা হয়ে উঠতে লাগল ল্যাবোরেটরি, আরও অস্পষ্ট... আরও.... আরও। আবার রাত এল ঘনিয়ে, তারপরে আবার দিন, আবার রাত, আবার দিন—ক্রমশ অস্পষ্ট ভোমরার গুঞ্জন মত একটা ধ্বনি আবর্তের পর আবর্ত রচনা করে চলল আমার কর্ণকুহরে, আর একটা অজানা, বোবা বিমূঢ়তা চেপে বসতে লাগল আমার মনের ওপর।

সময় পর্যটনের সে অদ্ভুত অনুভূতি আপনাদের আমি বোঝাতে পারব না। অত্যন্ত অস্বস্তিকর, অস্বচ্ছন্দ সে অনুভূতি। অসহায় অবস্থায় তীরের মত সামনের দিকে উন্মাদবেগে ছুটে যাওয়ার যে অনুভূতি, এ যেন অনেকটা তাই। যে কোন মুহূর্তে একটা প্রবল সংঘাতের আশংকায় শিউরে উঠল আমার অন্তর। যতই এগিয়ে চললাম, কালো ডানা ঝাপটানোর মত রাত কেটে গিয়ে ফুটে উঠতে লাগল দিনের আলো। দূর হতে দূরে সরে যেতে লাগল ল্যাবোরেটরির ধোয়াটে রেখা—দেখলাম আকাশের এ প্রান্ত থেকে ও প্রান্তে এক এক লাফে এগিয়ে চলেছে সূর্য, এক এক লাফে কাটছে এক একটি মিনিট আর প্রতিটি মিনিট সূচনা করছে এক একটি দিনের। মনে হল ল্যাবোরেটরি যেন ধ্বংস হয়ে মিলিয়ে গেল শূন্যে—খোলা বাতাসে এসে পড়লাম আমি। ক্রমশ বৃষ্টি পেতে লাগত গতিবেগ। ধীরগতি শামুকও চোখের পলকে মিলিয়ে যেতে লাগল দৃষ্টিপাথের বাইরে। আঁধার আর আলোকের ঘনঘন আনাগোনা বেজায় যন্ত্রণাদায়ক হয়ে উঠল আমার চোখে। তার পরেই দেখলাম সবিরাম আঁধারের মাঝে দ্রুতগতিতে কলা পরিবর্তন করে অমাবস্যা থেকে পূর্ণিমা আর পূর্ণিমা থেকে অমাবস্যার পথে গড়িয়ে চলেছে চন্দ্র—চারপাশে অস্পষ্টভাবে ঝিকমিক

করছে ঘূর্ণ্যমান তারার রাশি। দেখতে দেখতে গতি আরও বেড়ে যেতেই দিন-রাতের স্পন্দন টানা একটা ধূসর রেখায় মিশে এক হয়ে গেল। আশ্চর্য গাঢ় নীল রঙে ঘন হয়ে উঠল আকাশ, গোখলির শুরুতে যেমন সুন্দর বর্ণচ্ছটা ছড়িয়ে পড়ে এ যেন তেমনি। সূর্যের ঘন ঘন লাফ মিলিয়ে গিয়ে দেখা গেল শুধু আগুনের একটা টানা রেখা, যেন মহাশূন্যের মাঝে জ্বলজ্বলে এক তির্যক খিলান। আর অস্পষ্টভাবে ঝাঁক রেখার মাঝে জ্বলতে নিভতে লাগল চাঁদ। তারপর আর কোনো তারাই দেখতে পেলাম না, শুধু নীলের মাঝে একটা জ্বলজ্বলে বৃত্তের দপদপানি জেগে রইল আমার চোখের সামনে।

চারপাশে দৃশ্যপটও কুয়াশার মত অস্পষ্ট হয়ে উঠল। যে পাহাড়ের নিচে দাঁড়িয়ে এ বাড়িটা, তার সামনেই দাঁড়িয়েছিলাম আমি। ধোয়ার মতো ধূসর পাথরের রেখা আমার অনেক উচুতে উঠে গেছিল। দেখলাম, চোখের সামনে বৃদ্ধি পাচ্ছে গাছের সারি। এক এক ফুৎকারে পালটে যাচ্ছে তার আকৃতি। বাদামি থেকে সবুজ, তারপরেই ধূসর। এর পরেই ডালপালা ঝাঁকড়া ঝাঁকড়া হয়ে উঠে কাঁপতে কাঁপতে গেল শুকিয়ে। দেখলাম, বড় বড় প্রাসাদ গড়ে উঠছে, সুন্দর কিন্তু আবছা, তারপর মিলিয়ে যাচ্ছে স্বপ্নের মতো। সমস্ত ভূতল মনে হল পালটে যাচ্ছে, চোখের ওপর গলে গলে স্রোতের মতো বয়ে চলেছে। ডায়ালের ওপর গতি-নির্দেশক ছোট ছোট কাঁটাগুলোর গতি দ্রুত থেকে দ্রুততর হয়ে উঠল। ক্ষণপরেই দেখলাম কর্কট ক্রান্তি থেকে মকর ক্রান্তির মধ্যে দুলছে সূর্যবলয় রেখা এক মিনিটেরও অল্প সময়ের মধ্যে, ফলে এক এক মিনিটে পেরিয়ে যেতে লাগলাম এক একটি বছর। আর মিনিটে মিনিটে সাদা তুষার-চাঁদর ঝলসে উঠতে লাগল পৃথিবীর ওপর, আর পলকের মধ্যে তা মিলিয়ে গিয়ে ফুটে উঠতে লাগল সংক্ষিপ্ত বসন্তের ঝকঝকে সবুজাভা।

যাত্রারস্ত্রের সে অস্বচ্ছন্দ অনুভূতি আর ততটা তীব্র ছিল না। কীরকম জানি মুচ্ছাবেশের মত এক বিচিত্র অনুভূতিতে ভরে উঠেছিল আমার অন্তর। কী জানি কেন এলোমেলোভাবে দুলছিল মেশিনটা। কিন্তু আমার চিন্তাশক্তি তখন এমনই অসাড় হয়ে উঠেছে যে দুলুনি ধামাবার কোনো প্রচেষ্টা আমি করলাম না; উত্তরোত্তর বেড়ে যাওয়া একটা উন্মাদনায় অবশ হয়ে এল আমার সর্ব ইন্দ্রিয়, দূরন্ত বেগে ভবিষ্যতের গর্ভে খেয়ে চললাম বাধাহীন গতিতে। প্রথমে গতিরোধের কোনো চিন্তাই আসেনি আমার মনে, শুধু ঐ বিচিত্র অনুভূতি ছাড়া আর কোনো কিছুই উপলব্ধি করি নি তখনও। কিন্তু অচিরেই নতুন একটা চিন্তাধারা আমার মনে জেগে উঠতে লাগল—বিশেষ একটা ঔৎসুক্য আর সেই সাথে বিশেষ এক আতঙ্ক—শেষে আমার সমস্ত স্নায়ুতে স্নায়ুতে ছড়িয়ে পড়ল সেই চিন্তাধারা। চোখের সামনে ধাবমান জগতের ধোয়াটে পট পরিবর্তন দেখে ভাবলাম, না জানি মনুষ্যত্বের কী বিচিত্র বিকাশ, আমাদের আদিম সভ্যতার কী চরম অগ্রগতিই দেখব এবার! দেখলাম, বিরাট বিরাট জমকালো স্থাপত্য নিদর্শন, আমাদের এখনকার বাড়ির চাইতে অনেক বিপুল তাদের আকৃতি, আর তবুও যেন কিল্মিলে কুয়াশা দিয়ে তা গড়া। দেখলাম, পাহাড়ের পাশের জমি উজ্জ্বল সবুজ রঙে ঝলমল করে উঠল, এমন কি শীতের প্রকোপেও অগ্নান রইল তাদের ঔজ্জ্বল্য। চেতনার বিহ্বলতা সঙ্গেও বুঝলাম বড় সুন্দর হয়ে উঠেছে পৃথিবী। আর তাই এবার গতিরোধের চিন্তাই প্রবল হয়ে উঠল আমার মনে।

আর তখনই অদ্ভুত একটা ঝুঁকির সম্মুখীন হলাম আমি। যে স্থানটুকু আমি বা আমার মেশিন দখল করে রয়েছে, সেখানে অন্য কোনো বস্তু থাকা খুবই সম্ভব। সময়ের মধ্যে

দিয়ে দারুণ বেগে ধেয়ে চলার সময়ে অবস্য এসব সম্ভাবনার কোনো প্রশ্নই ওঠে নি; কেন না, এক কথায় বলতে গেলে আমি সুস্থরূপে সঙ্কীর্ণ জোড় পথে বাষ্পের মতো পিছলে যাচ্ছিলাম এক বস্তু থেকে আর এক বস্তুর মধ্যে দিয়ে। কিন্তু হঠাৎ গতিরুদ্ধ হওয়া মানেনি পথে আসা যে কোনো বস্তুর অণুতে অণু গৈথে যাওয়া ফলে আমার প্রতিটি পরমাণু বাধার প্রতিটি পরমাণুর সাথে এমন নিবিড় সংস্পর্শে আসবে যার পরিণাম ঘটবে একটা কম্পনাভীত রাসায়নিক বিক্রিয়া—সম্ভবত দিগন্তবিস্তারী একটা বিস্ফোরণ, আর মেশিনসমত রেণু রেণু হয়ে সম্ভাব্য সবকিছুর মাত্রা ছাড়িয়ে কোন অজ্ঞানায় আমার মিলিয়ে যাওয়া। মেশিনটাকে তৈরি করার সময়ে এ সম্ভাবনা বার বার ভেবে দেখেছি আমি, কিন্তু শেষ পর্যন্ত অপরিস্রব ঝুঁকি হিসেবে তা আমি প্রসন্নমনেই মেনে নিয়েছিলাম—বৈতে থাকতে গেলে যেমন একটা না একটা ঝুঁকি মানুষকে নিতে হয়, এও অনেকটা সেই রকম আর কী। কিন্তু সত্যই যখন সে ঝুঁকির মুখোমুখি হলাম, তখন আমার হাত-পা ঠাণ্ডা হয়ে এল। অচেনা-অজানা গতিবেগ, দীর্ঘকাল ধরে পতনের গা-গুলোনা অনুভূতি আর মেশিনের অবিরাম ঝাঁকুনি দু'নীর ফলেই বোধহয় আমার স্নায়ুও আর ধাতস্থ ছিল না। আপনমনে বললাম, না, থামা উচিত হবে না কোনোমতেই; কিন্তু পরমুহূর্তেই স্থির করলাম থামতেই হবে। ঐযহীন মুখের মতো আচমকা ঝুঁকে পড়লাম লিভারের ওপর—তৎক্ষণাৎ পাক খেতে খেতে উল্টে পড়ল মেশিনটা, আর শূন্যপথে ছিটকে গেলাম আমি।

রাশি রাশি বাজের দামামা বেজে ওঠে আমার কানের পরদায়। মুহূর্তের জন্য হতবুদ্ধি হয়ে পড়েছিলাম আমি। চারপাশে শুনলাম শুধু শিলাবৃষ্টির হিসহিসে শব্দ আর দেখলাম উল্টেপড়া মেশিনের সামনেই নরম ঘাসজমির ওপর বসে রয়েছে আমি। তখনও সবকিছু ধোঁয়াটে ধোঁয়াটে লাগছিল—কিন্তু কিছুক্ষণের মধ্যেই চোখের ঘোর কেটে গেল। চারপাশে ভালো করে তাকলাম। বাগানের মধ্যে ছোটোখাটো একটা লনের ওপর বসেছিলাম আমি, চারপাশে রডোডেনড্রনের ঝোপ; আরও দেখলাম, বরফের অবিরাম আঘাতে রডোডেনড্রনের ঘনবেগুনি আর টুকটুকে লালরঙের মুকুলগুলি ঝরে ঝরে পড়ছে মাটির ওপর। মেশিনটাকে মেঘের মতো ঘিরে ধরে নেচে নেচে উঠছিল শিলার টুকরোগুলো, ঠিকরে গিয়ে ধোঁয়ার মতো গড়িয়ে পড়ছিল মাটির ওপর। দেখতে দেখতে ভিজ়ে সপসপে হয়ে উঠল আমার সর্বাঙ্গ। আপ্যায়নের চমৎকার নমুনা। আপনমনেই বলি, ‘অসংখ্য বছর পেরিয়ে যে তোমায় এল দেখতে, সে মানুষটার কী হালই করলে তুমি।’

তারপরেই ভাবলাম বোকার মতো বসে বসে ভেজার কোনো মানে হয় না। উঠে দাঁড়িয়ে চারপাশে তাকলাম। রডোডেনড্রন কুঞ্জের ওপারে অস্পষ্ট শিলাবৃষ্টির মধ্যে দিয়ে দেখলাম সাদা পাথরে খোদাই প্রকাণ্ড একটা আবছা মূর্তি। এ ছাড়া জগতের সবকিছু রইল অদৃশ্য।

আমার তখনকার অনুভূতি বর্ণনা করা সত্যিই কঠিন। শিলাবৃষ্টি যতই পাতলা হয়ে আসতে লাগল ততই স্পষ্ট হয়ে উঠতে লাগল সাদা মূর্তিটা। বেজায় উচু মূর্তি, একটা সিলভার বার্চ গাছ তো কাঁধের কাছে গিয়ে ঠেকেছিল। আগা-গোড়া সাদা মর্মরে তৈরি তার দেহ, আকারে অনেকটা ডানাওলা স্কিফ্লে—এর মত, কিন্তু ডানা দুটো খাড়াইভাবে নিচে না নেমে এসে শূন্যে মেলা রয়েছে, যেন উড়তে গিয়ে হঠাৎ স্থাণু হয়ে গেছে। বেদীটা মনে হল ব্রোঞ্জের তৈরী, ওপরে পুরু হয়ে জমে রয়েছে সবুজ কলঙ্ক। মুখটা ফেরানো ছিল আমার

দিকেই, দৃষ্টিহীন চোখদুটো যেন আমাকেই লক্ষ্য করছিল, ঠোঁটের কোণ ছুঁয়ে গড়িয়ে পড়ছিল হাসির ছায়া। রোদে জলে ক্ষয়ে এসেছে মূর্তিটা, দেখলে জঁরাগ্রস্ত বলে মনে হয়। বেশ কিছুক্ষণের জন্যে দাঁড়িয়ে দাঁড়িয়ে দেখতে লাগলাম—আধ মিনিট কি আধ ঘণ্টা তা জানি না। মূর্তির সামনে আছড়ে-পড়া শিলাবৃষ্টির চাদর কখনও গাঢ়, কখনও ফিকে—আর সেই সাথে মূর্তিটাও যেন কখনও যাচ্ছে পিছিয়ে কখনও আসছে এগিয়ে। শেষকালে ক্ষণেকের জন্যে জোর করে চোখ ফিরিয়ে দেখলাম শিলাবৃষ্টির ঘন পর্দা দ্রুত ফিকে হয়ে যাচ্ছে, সূর্যের স্বাক্ষর বুক নিয়ে উজ্জ্বল হয়ে উঠছে নীল আকাশ।

চোখ ফিরিয়ে আবার তাকলাম গুঁড়ি মেরে বসা সাদা মূর্তিটার দিকে। হঠাৎ আমার এই অভিযানের গোঁয়ারত্বমি সমস্ত অন্তর দিয়ে উপলব্ধি করলাম। অস্পষ্ট ঐ পর্দা একেবারেই মিলিয়ে যাওয়ার পর না জানি কি দৃশ্য দেখব আমি। মানুষ আজ কি অবস্থায় এসে দাঁড়িয়েছে? নিষ্ঠুরতাই কি তাদের সহজ প্রকৃতি? এই সুদীর্ঘকাল পরে মানুষ যে তার মনুষ্যত্ব হারিয়ে একটা অমানবিক নির্মম আর কল্পনাতীত শক্তিমান প্রাণীর পর্যায়ে নেমে যায় নি, তা কে বলতে পারে? হয়ত তাদের চোখে আমি আদিম বিদঘুটে আকারের ভয়ানকদর্শন বর্বর জানোয়ার ছাড়া আর কিছু না, যাকে দেখামাত্র নিধন করতে তৎপর হয়ে উঠবে তারা।

ইতিমধ্যে আরও কয়েকটা বিপুল আকার দেখতে পেলাম। কমে আসা ঝড়ের বুক চিরে অস্পষ্টভাবে চোখের সামনে ফুটে উঠল সারি সারি মস্তবড় বাড়ি, চওড়া আলসে, উঁচু থাম আর পাহাড়ের পাশে বনভূমি। হঠাৎ নিঃসীম আতঙ্কে আমি যেন উন্মাদ হয়ে গেলাম। পাগলের মতো টাইম-মেশিনের দিকে ছুটে গিয়ে তাড়াতাড়ি কলকস্জাগুলো ঠিক করতে শুরু করে দিলাম। দেখতে দেখতে ঝড়বৃষ্টির মধ্যে দিয়ে উঁকি দিল অরুণদেবের সোনার মুকুট। ধূসর শিলাবৃষ্টি আরও দূরে সরে গেল, তারপর আবছা ভৌতিক ছায়ার মতো মিলিয়ে গেল কোথায়। মাথার ওপর ফিকে বাদামি রঙের পঁজা তুলোর মতো মেঘের রাশি গাঢ় নীল আকাশের পটে আলপনা আঁকায় ব্যস্ত হয়ে পড়ল। চারপাশে উন্নত মাথায় দাঁড়িয়ে রইল উঁচু বাড়িগুলো, জলে ভিজে চিকমিক করতে লাগল তাদের অলঙ্করণ, এখানে-সেখানে জ্বপাকার হয়ে পড়ে রইলাম আমি। খোলা বাতাসে উড়তে উড়তে মাথার ওপর ছাঁ মারতে উদ্যত বাজপাখি দেখে পায়রার মনে যে ভাবের উদয় হয়, সেই ভাবেই শিউরে উঠল আমার তনুমন। আমার আতঙ্ক আর কোনো শাসনই মানল না। বুকভরা নিঃশ্বাস নিয়ে দাঁতে দাঁত চেপে একসাথে কস্কি আর হাঁটু দিয়ে প্রাণপণে আঁকড়ে ধরলাম লিভারটা। মরিয়া হয়ে গেছিলাম—কিন্তু একটা প্রবল ঝাঁকুনির সঙ্গে সঙ্গে উল্টে গেল মেশিনটা। চিবুকে দারুন লেগেছিল। এক হাত আসনের ওপর আর এক হাত লিভারের ওরপ রেখে আর একবার উঠে বসবার চেষ্টায় দাঁড়িয়ে দাঁড়িয়ে বেদম হাঁপাতে লাগলাম আমি।

চিবুকের ওপর জোরালো ঐ আঘাতে কেন জানি হঠাৎ আমার লুপ্ত সাহস আবার ফিরে পেলাম। সুদূর ভবিষ্যতের আশ্চর্য জগতের দিকে নিঃশব্দক সোৎসুক চোখে তাকলাম। কাছের একটা বাড়ির উঁচু দেওয়ালের অনেক ওপরে একটা গোলাকার জানালায় দেখলাম মূল্যবান গরম পোশাকপরা কয়েকটি মূর্তি। আমাকেও দেখেছিল ওরা, আমার দিকেই ওরা

মুখ ফিরিয়ে ছিল।

তারপরই শুনলাম কতকগুলো স্বর এগিয়ে আসছে আমার দিকে। সাদা স্ফিঞ্জে এর পাশ দিয়ে ঝোপঝাড়ের মধ্যে দিয়ে ছুটন্ত মানুষের কাঁধ আর হাত নজরে এল। এদের মধ্যে একজন ছুটে এল যে লনের ওপর মেশিন নিয়ে দাঁড়িয়েছিলাম আমি, সেইদিকে। ছোটোখাটো একটা মানুষ, ফুটচারেক উঁচু হবে। পরনে টুকটুকে লালরঙের টিউনিক, কোমরে চামড়ার বন্ধনী। পায়ে স্যান্ডেল বা বুশকিনের মতো একরকম জুতো। হাঁটু পর্যন্ত নগ্ন, মাথাতেও কোনো টুপি নেই। তাই দেখেই সেই প্রথম লক্ষ্য করলাম কী গরম সেখানকার বাতাস।

খুদে মানুষটাকে দেখতে কিন্তু ভারী সুন্দর। দেহে মুখে গরিমা মাখানো, কিন্তু বর্ণনা করা যায় না এমনি শীর্ণ। ক্ষয়িষ্ণু সৌন্দর্য বলে একটা কথা প্রায় শূনে থাকি আমরা, তার আরক্ত মুখ দেখে সেই কথাই মনে পড়ল আমার। ওকে দেখেই হঠাৎ আমি আত্ম-বিশ্বাস ফিরে পেলাম। হাত তুলে নিলাম মেশিনের ওপর থেকে।

৫ স্বর্ণযুগ

পরমুহূর্তে মুখোমুখি দাঁড়িলাম আমরা—আমি আর আগামীকালের সেই বিশীর্ণ মানুষটি। সিঁধে আমার কাছে এসে চোখে চোখ রেখে হেসে উঠল সে। ভাবভঙ্গিতে শংকর লেশমাত্র না দেখে অবাক না হয়ে পারলাম না। তারপরেই সে তার সঙ্গী দু'জনের দিকে ফিরে অদ্ভুত কিন্তু বড় মিষ্টি আর দ্রুত উচ্চারণে কী বলল।

আরও অনেকে ছুটে আসছিল, দেখতে দেখতে বোধহয় আট-দশ জন্য এই রকম সুন্দর খুদে মানুষ ঘিরে ধরল আমাকে। একজন আমাকে কী বলল। আর তখনই বুঝলাম তাদের তুলনায় আমার গলার স্বর কী বিশ্রী কর্কশ আর মোটা। তাই মাথা নেড়ে কানের দিকে আঙুল তুলে দেখলাম আমি। আর এক পা এগিয়ে আসে সে, একটু ইতস্তত করে, তারপর স্পর্শ করে আমার হাত। আরও কতকগুলো নরম হোঁয়া অনুভব করলাম ঘাড়ে পিঠে। আমি রক্তমাংসের জীব কিনা, তাই পরখ করে নিল ওরা। ভয় পাবার মতো কিছু নেই, বরং এদের ছেলেমানুষী স্বাচ্ছন্দ্য, মিষ্টি সৌন্দর্য দেখে মনে গভীর আস্থা জেগে ওঠে। তাছাড়া ওরা এত রোগা যে আমার তো মনে হলো ওদের ডজনখানেককে একগোছা আলপিনের মত ছুঁড়ে দিতে পারি। ওদের টাইম মেশিনে হাত দিতে দেখে আমাকেও এবার তৎপর হয়ে উঠতে হলো। এতক্ষণে এ বিপদের সম্ভাবনা মোটেই মনে আসেনি। তাড়াতাড়ি স্টার্ট দেওয়ার লিভারটা খুলে নিয়ে পকেটে রেখে দিলাম। তারপর ভাবতে লাগলাম কি করে কথাবার্তা শুরু করা যায়।

আরও ভালো করে ওদের চেহারা দেখতে গিয়ে ফুটফুটে সৌন্দর্যের মধ্যে কতকগুলো বৈশিষ্ট্য লক্ষ্য করলাম। চেউতোলা চুলগুলো গাল আর ঘাড়ের কাছে এসে সূচালো প্রান্তে শেষ হয়েছে। মুখের ওপর দাড়ি প্লোফের কোনো চিহ্নই নেই। আর কান তেঁ আশ্চর্যরকমের ছোট। ছোট মুখের হাঁ, ঘন লাল পাতলা ঠোঁট, এতটুকু চিবুকটাও সরু হয়ে

নেমে এসেছে নিচের দিকে। চোখগুলো কিন্তু বেশ বড় বড়, ভাসা ভাসা চাহনি সে চোখে।

আমার সঙ্গে কথা বলার চেষ্টা না করে চারপাশে গোল হয়ে দাঁড়িয়ে হেসে হেসে বাঁশীর মতো নরম স্বরে নিজেদের মধ্যে কথাবার্তা বলতে লাগল ওরা। বাধ্য হয়ে আমিই শুরু করলাম। টাইম মেশিন আর নিজের দিকে আঙুল তুলে দেখালাম। সময় জিনিসটা কী বোঝানোর জন্যে সূর্যের দিকে আঙুল তুললাম। তৎক্ষণাৎ লাল-সাদা চেককাটা পোশাক-পরা একজন খুদে মানুষ এগিয়ে এসে মেঘডাকার শব্দ নকল করে 'চমকে' দিল আমায়।

খতমতো খেয়ে গেলাম আমি। সত্যিই কি এরা এত বোকা? জানেন তো চিরকাল আমি বলে এসেছি, আগামীকালের মানুষরা জানে শিল্পে সবদিক দিয়ে আমাদের চেয়ে অনেক বেশি আগুয়ান হবে। আর, আট লক্ষ দু'হাজার সাতশো এক সালের একজন আচমকা শুধোলো যে সূর্য থেকে বাজ আমায় নিয়ে এসেছে কিনা। পাঁচ বছরের ছেলের চাইতে ওরা বেশি বুদ্ধি ধরে বলে আমার মনে হলো না। খুব হতাশ হয়ে পড়লাম। মুহূর্তের জন্যে ভাবলাম, বৃথাই তৈরি করলাম টাইম মেশিনটা।

মাথা হেলিয়ে সায় দিয়ে সূর্যের দিকে আঙুল তুলে বাজ পড়ার এমন এক আওয়াজ ছাড়লাম যে ওরা চমকে উঠল। এবার একজন এগিয়ে এসে একেবারে নতুন ধরনের একরকম ফুলের মালা পরিয়ে দিল আমার গলায়। দেখে সবাই হাততালি দিয়ে উঠল। তারপরে প্রত্যেকেই এদিকে সেদিকে দৌড়ে গিয়ে রাশি রাশি ফুল এনে ছুঁড়তে লাগল আমার দিকে। বেশ একটা মজাদার খেলায় মতে উঠল সবাই। ফুলগুলো কিন্তু বিচিত্র ধরনের—কত অযুত বছরের প্রচেষ্টায় প্রকৃতি তাদের যে কত সুন্দর করে তুলেছে তা বোঝাতে পারব না। তারপর একজন প্রস্তাব করল খেলাটা কাছের বাড়িটায় সবাইকে দেখানো যাক। তৎক্ষণাৎ আমাকে নিয়ে চলল ওরা। সাদা মর্মরের স্ফিঞ্জে—এর পাশ দিয়ে ধূসর পাথর দিয়ে তৈরি প্রকাণ্ড একটা প্রাসাদের দিকে এগিয়ে চললাম। যেতে যেতে ওদের উন্নত প্রতিভা সম্বন্ধে দৃঢ়মূল ধারণা আবার ফিরে এল আমার মনে। অনাবিল আনন্দে ভরে উঠল আমার বুক।

বাড়িটার প্রবেশপথ যেমন উচু, তেমনি বিরাট তার আকার-আয়তন। অবাক হয়ে বিরাট তোরণের ওপাশে ছায়া ছায়া রহস্যময় পথের দিকে তাকিয়ে ছিলাম। খুদে মানুষের মাথার ওপর দিয়ে দেখলাম অযত্বর্ধিত, অবহেলিত কিন্তু আগাছাহীন বড় সুন্দর একটা বাগান। দেখলাম, অদ্ভুত সুন্দর সাদা রঙের একরকম ফুল, পাপড়িগুলো মোমের মতো মোলায়েম। ফুটখানেক লম্বা বোঁটাসমেত ফুলগুলো এলোমেলোভাবে বুনো উদ্ভিদতায় ঝোপঝাড়ে ফুটে রয়েছে। তোরণের খিলানে বিচিত্র কারুকাজ। খুব খুঁটিয়ে না দেখলেও মনে হলো প্রাচীন ফিনিসিয়ান অলঙ্করণের সঙ্গে তার যেন কিছু মিল আছে। যদিও ভেঙেচুরে গেছে, রোদে জলে জীর্ণ হয়ে এসেছে, তবুও সে সৌন্দর্য একবার দেখলে মুগ্ধ হয়ে যেতে হয়। আরও অনেক ক্ষুদে মানুষ বকবকে গরম পোশাক পরে তোরণের নিচে দাঁড়িয়েছিল, শূন্য সুন্দর হাত নেড়ে জলতরঙ্গের মতো মিষ্টি কলরোল তুলে ওরা আমায় অভ্যর্থনা জানাল। আর আমি উনবিংশ শতাব্দীর কিছুতকিমাকার ময়লা পোশাকে গলায় একরাশ ফুলের মালা বুলিয়ে ঢুকলাম তোরণ-পথে।

বিশাল তোরণ-পথ শেষ হয়েছে সেই অনুপাতে বিরাট একটা বাদামি হল-ঘরে।

জানালার কিছু স্বচ্ছ আর কিছু অস্বচ্ছ কাচের মধ্যে দিয়ে স্তিমিত আলো আসছিল ভেতরে। বহু উচুতে অঙ্ককারে শিশে আছে ছাদ। বড় বড় কঠিন সাদা চারকোণা পাথরের চাঁই দিয়ে বাধানো মেঝে, পূর্বপুরুষদের চলাফেরার ফলে বহুস্থানে ক্ষয়ে গেছে। মেঝে থেকে ফুটখানেক উচু চকচকে পাথরের অসংখ্য টেবিল। ওপরে রাশি রাশি ফলের স্তূপ কতকগুলো কমলা আর রাস্পবেরির বড় সংস্করণ বলেই মনে হলো, বাকিগুলো তো চিন্তেই পারলাম না।

সারি সারি টেবিলের মাঝে অনেকগুলো গদিমোড়া আসন ছিল। ওরা তার ওপরে বসে পড়ে আমাদেরও বসতে ইঙ্গিত করল। তারপর লোক দেখানো কোনোরকম আড়ম্বর না করে দু'হাত দিয়ে ফল খেতে শুরু করে দিল। খিদের চোটে আমিও হাত চালাতে কসুর করলাম না। খেতে খেতে আরও ভালো করে দেখতে লাগলাম ঘরটাকে।

সবচেয়ে আশ্চর্য লাগল ঘরের জীর্ণ অবস্থা। জ্যামিতিক নকশায় তৈরি জানালার কাচগুলোও অসংখ্য দাগে মলিন হয়ে উঠেছে, ভেঙেও গেছে অনেক জায়গায়। পর্দাগুলোর ওপরেও পুরু হয়ে জমেছে ধুলোর স্তর। টেবিলের কোণাতেও দেখলাম চিড় ধরেছে। এসব সত্ত্বেও সবকিছু মিলিয়ে ঘরের সৌন্দর্য কিন্তু সত্যিই অপূর্ব, জমকালো ছবির মতো সাজানো চারদিকে। প্রায় শ'-দুয়েক লোক এক সাথে খাচ্ছিল ঘরটাতে, প্রত্যেকেই সাগ্রহে লক্ষ্য করছিল আমাদের। প্রত্যেকের পরনে একইরকমের কোমল কিন্তু মজবুত রেশমের চকচকে হাল্কা কাপড়ের পোশাক।

দেখলাম ফলই তাদের একমাত্র খাদ্য। সুন্দর ভবিষ্যতের এই খুদে মানুষগুলো সত্যিই গৌড়া নিরামিষাশী। বাধ্য হয়ে আমাদেরও আমিষ প্রীতি ত্যাগ করতে হয়েছিল। পরে অবশ্য দেখেছিলাম ইকথিওসরাসের* পদাঙ্ক অনুসরণ করে গরু ঘোড়া মেষ কুকুরও লোপ পেয়েছে পৃথিবীর বুক থেকে। ফলগুলো কিন্তু সুস্বাদু। বিশেষ করে ডিনদিকে খোসাওলা ময়দার মতো গুঁড়োয় ভরা একটা ফলের স্বাদ তো রীতিমতো লোভনীয়। সারা বছরেই পাওয়া যেত ফলটা। আমিও শেষ পর্যন্ত আমার মূল খাদ্য করেছিলাম এই ফলটিকেই। এত রাশি রাশি অদ্ভুতদর্শন ফলমূল তারা কোথেকে আনছে, তা না বুঝে প্রথমে খুব অবাক হয়ে গেছিলাম। পরে অবশ্য দেখেছিলাম কোথায় এদের আমদানির উৎস।

যাই হোক, দূর ভবিষ্যতের ফলাহার-পর্বের কথাই বলি আপনাদের। খিদের জ্বালা একটু কমতেই ঠিক করলাম এদের ভাষা আমাদের শিখতে হবে। একটা ফল উচু করে ইসারায় নাম জিজ্ঞেস করলাম। ওরা তো প্রথমে হেসেই কুটি কুটি। শেষে, বেশ সুন্দর চুলওলা একজন কিছু বুঝল। এগিয়ে এসে একটা দুর্বোধ্য শব্দ উচ্চারণ করল সে। অনেক চেষ্টায় রণ্ড করলাম পুঁচকে শব্দটা। এইভাবে একটা একটা করে অন্তত বিশটা দ্রব্য-বাচক বিশেষ্য শিখে নিলাম। তারপর সর্বনাম আর 'খাওয়া', এই ক্রিয়াপদটাও শেখার চেষ্টা করলাম। কিন্তু ঐ একঘেয়ে প্রশ্নোত্তরে ওরা বেশ ক্লান্ত আর অনিচ্ছুক হয়ে পড়েছে দেখে ঠিক করলাম রয়ে সয়ে শিখে নেওয়া যাবে ওদের ইচ্ছামতো। পরে অবশ্য বুঝেছিলাম যে এদের মতো শ্রমবিমুখ আর এত অল্পে পরিশ্রান্ত মানুষ আমি আর জীবনে দেখি নি।

* অধুনালুপ্ত দানবাকার সামুদ্রিক সপ্তবিশেষকে ইকথিওসরাস বলে

অন্তর্গামী মানব জ্ঞাতি

অল্পক্ষণের মধ্যেই খুদে মানুষদের মধ্যেই একটা জিনিসের বিশেষ অভাব দেখলাম, তা হলো আগ্রহ। ছেলেমানুষের মতো ছল্লোড় করে অবাক হয়ে চোঁচাতে চোঁচাতে ওরা আমাদের ঘিরে ধরত; কিন্তু ক্ষণপরেই আমাদের ছেড়ে ছুটতো নতুন কোন খেলার সন্ধানে। ডিনার খাওয়ার সময়ে যারা আমাদের ঘিরে বসেছিল, খাওয়া শেষ হওয়ার আগেই দেখলাম তাদের অনেকেই আর নেই। এর পরেও যখনই বাইরে বেরোতাম, কতশত পুঁচকে মানুষ ছুটে এসে ঘিরে ধরত আমাদের, কিন্তু আগ্রহ ফুরোতে বেশিক্ষণ লাগত না। যেন তাদেরই একজন আমি, এমনভাবে কিছুক্ষণ হাসাহাসি ছটোপুটি করে চলে যেত অন্যদিকে।

বিরিট হলঘর ছেড়ে যখন বাইরে বেরোলাম, সূর্য তখন ডুবুডুবু। লাল আভাষ রাঙিয়ে উঠেছে চারদিক। ছেড়ে আসা বিরিট বাড়িটা দেখলাম মস্ত চওড়া একটা নদীর উপত্যকার ওপর। আমাদের টেম্‌স্‌ নদী বর্তমান স্থান ছেড়ে মাইলখানেক দূরে সরে গেছে। ঠিক করলাম মাইল দেড়েক দূরের পাহাড়টার চূড়ায় উঠে আট লক্ষ দু'হাজার সাতশো এক সালের পৃথিবীকে আশ মিটিয়ে দেখতে হবে। সালটা অবশ্য আমার মেশিনের ছোট ডায়াল থেকে পেয়েছিলাম।

পাহাড়ের ওপর একটু উঠতেই দেখলাম গ্রানাইটের বিরিট একটা স্তূপ। রাশি রাশি এলুমনিয়াম দিয়ে পরস্পর জোড়া পাথরের তৈরি ভাঙাচোরা উচু উচু দেওয়াল দিয়ে ঘেরা বিপুল একটা গোলক ধাঁধা। এখানে সেখানে রাশি রাশি প্যাগোডার মতো ছড়ানো ভারী সুন্দর গাছ, বোধহয় বিছুটি হবে। পাতাগুলোয় কিন্তু আশ্চর্য সুন্দর বাদামি ছোপ, তাছাড়া বিছুটির সে তীব্র জ্বলুনিও নেই তাতে। দেখেই বুঝলাম বিরিট কোনো স্থাপত্যের ধ্বংসস্তূপ সেটা। এরকম ধ্বংসস্তূপ এখানে সেখানে অনেক দেখলাম। কিন্তু এই বিশেষ স্তূপটাতোই আমি এক অতি বিচিত্র অভিজ্ঞতার, বিচিত্রতর আবিষ্কারের সম্মুখীন হয়েছিলাম—কিন্তু সে কথা পরে আসছে।

উচু থেকে আরও একটা জিনিষ লক্ষ্য করলাম। ছোট আকারের বাড়ি দেখতে পেলাম না কোথাও। স্বতন্ত্র গৃহস্থালীও উবে গেছে একেবারে। সবুজ প্রকৃতির মাঝে এখানে সেখানে শুধু বিপুল আকারের মর্মর-প্রাসাদ। ইংলিশ কটেজের চিহ্ন নেই কোথাও।

‘কম্যুনিজ্‌ম্,’ আপন মনেই বলি আমি।

আমার পেছনে তখনও জনাছয়েক পুঁচকে মানুষ আসছিল। তাদের পানে চোখ পড়তে আচমকা আর একটা বৈশিষ্ট্য লক্ষ্য করলাম। ওদের প্রত্যেকেরই একই পোশাক, একইরকম কেশহীন নরম মুখ আর মেয়েদের মতো সুডৌল অঙ্গ-প্রত্যঙ্গ। এতক্ষণ এই আশ্চর্য বৈশিষ্ট্যটুকু চোখেই পড়ে নি আমার। কিন্তু একটু ভাবতেই বুঝলাম আসল কারণটা। এ যুগের মানুষদের নারী-পুরুষের আকৃতি একই। শুধু পোশাকের বুনন আর অন্যান্য কয়েকটি তফাৎ দেখে বুঝে নিতে হয় নারী-পুরুষের প্রভেদ। খুদে মানুষদের ছেলেমেয়েরা কিন্তু বাপ-মায়ের ছোট সংস্করণ। একটা জিনিস দেখেছি এর পরেও, ও যুগের খোকাখুকুরা শুধু দেহে নয়, মনের দিক দিয়েও অনেক অকালপক্ব।

নারী-পুরুষের এই অভিন্নতা দেখে খুব বেশি অবাক হলাম না। বরং ভাবলাম, এই

তো স্বাভাবিক। যে যুগে দৈহিক বলের প্রাধান্য বেশি, সেই যুগেই তো পুরুষের শক্তি, নারীর লাবণ্য আর রকমারি পেশার প্রয়োজনীয়তা অপরিহার্য হয়ে পড়ে। কিন্তু যে যুগে নিটোল নিরাপত্তা মানুষের জীবন ছেয়ে আছে সেখানে এ ভেদাভেদ লোপ পাওয়াটাই তো স্বাভাবিক।

পাহাড়ের ওপরের দিকে কিন্তু বড় বাড়ি আর একটাও দেখতে পেলাম না। তবে অত উন্নত যুগেও গুমটিঘরের মতো ছাউনির নিচে একটা কুয়ো দেখে একটু অবাক হলাম। যাই হোক, আমার সঙ্গে তাল মিলিয়ে চলতে না পেরে খুদে মানুষেরা অনেক আগেই আমার সঙ্গ ত্যাগ করেছিল। এখন পাহাড়ের চূড়ায় এসে পৌঁছলাম আমি। নাম না জানা একরকম হলদে ধাতুর তৈরি একটা আসন দেখলাম সেখানে, লালচে রঙের মরচে আর নরম শ্যাওলায় ছেয়ে গেছিল ওপরটা। হাতলদুটো গ্রিফিনের* হাঁচে ঢালাই করা। এই আসনে বসে সূর্যের পড়ন্ত আলায়ে দেখলাম প্রাচীন পৃথিবীর বিচিত্র রূপ। সূর্য তখন দিগন্তের* নিচে নেমে গেছে, সিঁদুরে আভার সাথে সোনালি ঝিকিমিকিতে রঙিন হয়ে উঠেছে পশ্চিমের আকাশ। বহু নিচে পালিশ করা ইস্পাতের তরোয়ালের মতো রয়েছে টেমস্ নদী। সবুজ ভূমির মাঝে এখানে সেখানে ছড়িয়ে রয়েছে বিপুলাকার প্রাসাদ আর প্রাসাদ—কিছু কিছু ভেঙেচুরে গিয়ে মাটি আশ্রয় করেছে। ধরণীর অবারণ বাড়ন্তে ভরা বাগিচার মাঝে মাঝে দাঁড়িয়ে সাদা বা রূপোলি মূর্তি, কোথাও বা গম্বুজ আর চারকোণে থামের ছুঁচোলো শীর্ষবিন্দু। বেড়া দিয়ে ঘেরা কোনো স্থান নেই, মালিকানা স্বত্বের কোনো চিহ্ন নেই; কৃষিকাজের কোনো প্রমাণ নেই। সমস্ত ধরণী জুড়ে শুধু একটি বাগান, আর কিছুই নেই।

সেই অপরূপ সন্ধ্যায় এই দৃশ্য দেখে আমার বিজ্ঞানী বিচারবুদ্ধি—বিবেচনা যে সিদ্ধান্তে এল, তা সংক্ষেপে এই

ক্ষীয়মান মানব জাতির মাঝে এসে দাঁড়িয়েছি আমি। চাহিদা থেকে সৃষ্টি শক্তির—নিরাপত্তা জন্ম দেয় দুর্বলতার। যে সামাজিক ব্যবস্থাকে সুষ্ঠু করার প্রচেষ্টায় আমরা সর্বশক্তি নিয়োগ করছি, তার কুফল সেদিন উপলব্ধি করলাম। অযুত বছরের চেষ্টায় মানুষ জয় করেছে দুর্জয় প্রকৃতিকে, সমাজের শত সমস্যা কে। আর তাই অখণ্ড নিরাপত্তার মাঝে ধীরে ধীরে অনন্ত সুপ্তির কোলে ঢলে পড়েছে তাদের শক্তি, মেধা, উদ্যম।*

* গ্রিফিন একটা কাল্পনিক জন্তুর নাম। এর দেহ সিংহের মত, চঞ্চু আর ডাকা শকুনির মতো।

চাষবাস, বাগান তৈরি আর পশুপালন তারা সুষ্ঠুভাবে নিয়ন্ত্রণ করেছে। মানব জাতির প্রয়োজনে যেটুকু শুধু প্রয়োজন, তাছাড়া বাদবাকি অদৃশ্য হয়ে গেছে ধরণীর বুকে থেকে। বাতাস দেখলাম মশকশূন্য, ছত্রাক বা আগাছার চিহ্ন কোথাও দেখলাম না। যেদিকে তাকাই শুধু সুন্দর ফুল, মিষ্টি আর ঝলমলে প্রজাপতি। ব্যাধি লোপ পেয়েছে চিরতরে। যে ক’দিন ছিলাম সেখানে, কোনো সংক্রামক রোগের সন্ধান পাই নি আমি। পচন আর ক্ষয় আর উদ্ব্যস্ত করে না মানুষকে।

সামাজিক ব্যবস্থার চরম উৎকর্ষ দেখলাম। জমকালো বাড়িতে ঝলমলে পোশাকপরা ফুটফুটে নির্ঝঞ্ঝাট জীবনযাপন করছে, দৈনিক পরিশ্রমের কোনো বালাই নেই। সামাজিক বা অর্থনৈতিক কোনো সংগ্রামের চিহ্ন দেখলাম না। ব্যবসা, বাণিজ্য দোকানপাট, বিজ্ঞাপন ইত্যাদি কিছুই আর নেই। সে এক সামাজিক স্বর্গ।

প্রকৃতি বিজয় সে সম্পূর্ণ হয়েছে, আমার সে বিশ্বাস মানুষদের দৈহিক খর্বতা, তাদের শীশক্তির অভাব আর বড় বড় প্রচুর ধ্বংসস্তূপ দেখে বন্ধমূল হল। সংগ্রামের পরেই আসে প্রশান্তি। শক্তি, উদ্যম, মেধায় বলীয়ান হয়ে উঠেছিল মানবকুল, তাই তাদের অফুরন্ত প্রাণশক্তি নিয়োগ করলে জীবনধারণকে সহজ করে তোলার প্রচেষ্টায়। সফল হল তারা, কিন্তু তারপরেই শুরু হল তার প্রতিক্রিয়া।

অনাবিল স্বাচ্ছন্দ্য আর নিশ্চিন্ত নিরাপত্তা মানাই মানুষের চিরন্তন অশান্ত উদ্যমের পরিসমাপ্তি; অর্থাৎ যা আমাদের কাছে শক্তি, তাই এসে দাঁড়ায় দুর্বলতায়। লক্ষ লক্ষ বছর ধরে যুদ্ধবিগ্রহের ভয়াবহতা এদের স্পর্শ করে নি। বুনো জন্তু বা রোগের প্রকোপ যে মানুষের মহাশত্রু, তাও তারা জানে নি। দৈহিক পরিশ্রমের কোনো প্রয়োজন হয় নি। যে বিশাল প্রাসাদগুলো দেখলাম, সেগুলো পূর্ববর্তী সংগ্রামশীল মানবজাতি গঠন করে সূচনা করে গেছে অসীম শান্তিভরা শেষ পরিচ্ছেদের। তাই নিরাপত্তার সোনার খাঁচায় মৃত্যু হল উদ্যম শক্তির। এল সূক্ষ্ম শিল্পচর্চা।

কিন্তু তাও লোপ পাবে ধীরে ধীরে। খুদে মানুষদের মাঝে সেই চিহ্নই দেখলাম আমি। সূর্যের আলোয় নাচ, গান, আর ফুলপ্রীতি ছাড়া নতুন কোনো শিল্পবোধই নেই তাদের মধ্যে। এও একদিন ক্ষীণ হয়ে হারিয়ে যাবে পরিতৃপ্ত নিষ্ক্রিয়তার মাঝে। বেদনা আর চাহিদার যাতাকল-নিষ্পেষ থেকেই শিল্পচেতনার প্রকাশ। কাজেই যেখানে নেই ক্লেশ, অভাব, দুঃখ—সেখানে শিল্পের মৃত্যু তো স্বাভাবিক।

জনসংখ্যা বৃদ্ধিও বৃদ্ধি হয়েছে। কিন্তু বিপরীত প্রতিক্রিয়া—সূত্র অনুসারে সংখ্যা আরও কমে আসছে। এত ধ্বংসস্তূপই তার প্রমাণ।

ঘনিয়ে আসা আঁধারের মাঝে মাঝে বসে জগতের এই আপাত অবিশ্বাস্য শেষ পরিণতির কথাই চিন্তা করলাম সেদিন।

৭

শঙ্কাঘটর

মানুষের এই চরম বিজয় গৌরবের কথা ভাবছি, এমন সময়ে উত্তর-পূর্বের আকাশ রূপোর ধারায় ধুইয়ে দিয়ে উঠে এল দ্বাদশীর হলদেটে চাঁদ। নিচে খুদে মানুষদের চলাফেরা আর দেখতে পেলাম না। মাথার ওপর দিয়ে নিঃশব্দে উড়ে গেল পেঁচাজাতীয় একটা নিশাচর পাখি। বেশ কনকনে ঠাণ্ডা অনুভব করলাম। এবার কোথাও ঘুমের আয়োজন করা দরকার।

যে বাড়িটা আমি চিনি, সেটার ঝোঁজে তাকালাম নিচের দিকে। তখনই চাঁদের আলোয় ব্রোঞ্জের বেদীর ওপর বসা সাদা শিফট্র মূর্তিটা চোখে পড়ল। সিলভার বাচটাও নজর এড়োল না। ফ্যাকাশে আলোয় ছায়াকালো রডো-ডেনড্রনকুঞ্জও দেখতে পেলাম। আর দেখলাম ছোট লনটা। কিন্তু এইটাই কি সেই লন? না কখনই নয়।

কিন্তু সত্যিই এইটাই সেই লন। কেন না, শিফট্র-এর কুষ্ঠরোগীর মতো সাদা মুখটা সেইদিকেই ফেরানো। আর সে বিষয়ে কোনো সন্দেহ যখন আমার রইল না, তখন আমার যে কি মনের অবস্থা হলো, তা আপনারা কল্পনা করতে পারবেন না। কেন না, লনের

মধ্যে টাইম মেশিনের কোনো চিহ্নই দেখতে পেলাম না আমি।

যেন চাবুকের ঘায়ে ছিটকে দাঁড়িয়ে উঠলাম। টাইম মেশিন নেই, তার মানে উনবিংশ শতাব্দীতে ফিরে যাওয়ার পথ হল বন্ধ। পরের মুহূর্তে ভয়ে বাহ্যজ্ঞানশূন্য হয়ে পাগলের মতো ছুটে চললাম নিচের দিকে। একবার দারুণ আছাড় খেয়ে গভীরভাবে কেটে গেল মাথার কাছে, কিন্তু ভ্রূক্ষেপ না করে উঠে দাঁড়িয়েই আবার ছুটলাম উর্ধ্বশ্বাসে। গাল আর চিবুকের ওপর দিয়ে রক্তের উষ্ণধারা গড়িয়ে পড়তে লাগল, কিন্তু আমার খেয়াল নেই। প্রতি মুহূর্তে মনকে আশ্বাস দিলাম ওরা হয়ত মেশিনটাকে চোখের সামনে থেকে ঝোপঝাড়ে সরিয়ে রেখেছে। কিন্তু তবুও ভয়ে হাত পা ঠাণ্ডা হয়ে এল আমার। ঝড়ের বেগে ছুটেতে ছুটেতে এই বয়সেও পুরো দু'মাইল পথ দশ মিনিটের মধ্যে পেরিয়ে এসে পৌঁছলাম লনে। বার কয়েক সজোরে চিৎকার করে ডাকলাম ওদের, কিন্তু কারও সাড়াশব্দ পেলাম না।

লনের আশেপাশে টাইম মেশিনের কোনো চিহ্ন দেখতে পেলাম না। এদিকে সেদিকে পাগলের মতো ছুটেতে লাগলাম—কিন্তু বৃথা। যাদুমন্ত্রবলে অত বড় মেশিনটা যেন একেবারে উবে গেছে। এই সময়ে হঠাৎ ওপরে চোখ পড়তে দাঁড়িয়ে গেলাম আমি। আমার সামনেই ব্রোঞ্জবেদীর ওপর মাথা তুলে বসেছিল স্ফিংক্স—চাঁদের ধবধবে আলায় চিকমিক করছিল তার সাদা ফ্যাকাশে মুখ। মনে হল, আমার দূরবস্থা দেখে যেন শ্লো-বল্কিম হাসি ফুটেছে তার ঠোঁটের কোণে।

খুদে মানুষরা মেশিনটা লুকিয়ে রেখেছে কোথাও, এই বলে হয়ত মনকে সান্ত্বনা দিতে পারতাম। কিন্তু তাও তো সম্ভব নয়। আমি তো দেখেছি তাদের দৈহিক আর মানসিক শক্তির স্বল্পতা। আর সেই কারণেই আমি আরও ভয় পেলাম। বুঝলাম মেশিনটাকে সরিয়েছে এমন এক শক্তি যার সন্দেহ একেবারেই আসে নি আমার মাথায়। অবশ্য একদিক দিয়ে আমি নিশ্চিন্ত ছিলাম। মেশিনটা যে-ই চুরি করুক না কেন, চালাবার কোনো উপায় তার নেই। কেননা, স্টার্ট দেওয়ার লিভারটা আগে থেকেই রেখে দিয়েছিলাম আমার পকেটে।

কীরকম যেন উন্মাদ হয়ে গেলাম আমি। মনে আছে, স্ফিংক্স এর আশে পাশে চাঁদের ফটফটে আলায় ঝোপের মধ্যে এলোমেলো ছুটোছুটি শুরু করেছিলাম; একবার হরিণ জাতীয় একটা সাদা জানোয়ার চমকে গিয়ে ছুট দিল চোখের আড়ালে। মনে আছে, গভীর রাতে ঝোপঝাড়ে এলোপাতাড়ি ঘুসি চালিয়ে কেটেকুটে রক্তাক্ত করে ফেলেছিলাম আঙুলের গাঁটগুলো। তারপর রাগে ভয়ে পাগলের মতো ছুটে গেছিলাম বিরাট পাষাণ-প্রাচীরের মধ্যে। অন্ধকার, নিস্তব্ধ, জনশূন্য হলঘরটায় ছুটে গিয়ে একটা ম্যালেকাইট টেবিলে হোঁচট খাওয়ায় ভাঙতে ভাঙতে বেঁচে গেছিল আমার পায়ের হাড়। দেশলাইয়ের কাঠি জ্বালিয়ে ধূলিধূসর পর্দাগুলো পেরিয়ে গেছিলাম ওদিকে।

ওপাশে গিয়ে দেখলাম আর একটা হলঘর। খুব নরম গদিমোড়া বিছানায় প্রায় বিশজন খুদে মানুষ শুয়েছিল। হঠাৎ মিশমিশে অন্ধকারের মধ্যে থেকে বিড়বিড় করে বকতে বকতে জ্বলন্ত কাঠি হাতে আমাকে বেরিয়ে আসতে দেখে, বিশেষ করে আমার শ্রীহীন ডেস্কাথুস্কা চেহারা দেখে নিশ্চয় অবাক হয়ে গেছিল ওরা। তাছাড়া দেশলাই কি জ্বিনিস তা তো ওরা ভুলেই গেছে। দু'হাতে ওদের ঝাঁকানি দিয়ে উঠলাম আমি, 'আমার টাইম

মেশিন কোথায়? কোথায় রেখেছ আমার মেশিন?’ ওরা আমার এই অদ্ভুত মূর্তি আর আচরণ দেখে যেন বেশ মজা পেল। অনেকে হেসেই উঠল। কেউ কেউ অবশ্য একটু ভয় ভয় চোখে তাকিয়ে রইল। আমার চারপাশে ওদের ঐভাবে গোল হয়ে দাঁড়িয়ে থাকতে দেখে হঠাৎ ভাবলাম একি বোকার মতো কাজ করছি আমি। দিনের আলোতেই তো দেখেছি ভয় কি জিনিস তা এরা ভুলে গেছে। আমার এই দূরবস্থায় জোর করে ওদের ভয় পাইয়ে দেওয়া তো চরম বোকামো।

ফস করে কাঠিটা নিভিয়ে দিয়ে একজনকে ধাক্কা দিয়ে ফেলে হাতড়াতে হাতড়াতে আবার বেরিয়ে এলাম চাঁদের আলোয় ধোওয়া আকাশের নিচে। শুনতে পেলাম আতঙ্ক চিৎকার করে ওরা এলোমেলোভাবে ছুটোছুটি করছে। চাঁদ ক্রমশ উঠতে লাগল ওপরে, কিন্তু এরপর কী যে আমি করেছি তা আর সঠিক মনে নেই। উম্মাদের মতো কেঁদে চেষ্টা করে চাঁদের আলোয় উজ্জ্বল ধ্বংসস্তূপ আর সবুজ প্রকৃতির মাঝে কতক্ষণ দাঁড়াপি করে বেড়িয়েছি, তা জানি না। তারপর কখন জানি নিরাশায় আর পরিশ্রমে অবসন্ন হয়ে স্ফিংক্সের পাশে ঘাসের ওপর শুয়ে পড়েছিলাম, ঘুমের ঘোরে ঢলে পড়ে ভুলে গেছিলাম আমার সব দুঃখ।

ঘুম যখন ভাঙল তখন ভোর হয়েছে। এক জোড়া চড়ুই আমার হাতের নাগালের মধ্যেই কিচিরমিচির শব্দে নেচে নেচে খেলা করছে।

ঘুমিয়ে ওঠার ফলে বেশ করকরে হয়ে উঠেছিল শরীর। মনের সে অবসাদও আর ছিল না। প্রথমই টাইম মেশিনের চিন্তা মনে এল। উঠে বসে ভাবতে লাগলাম কী করা যায়। ফুটফুটে কয়েকজন খুদে মানুষ বার্নার মতো মিষ্টি হাসিতে উজ্জ্বল হয়ে উঠে ছুটোছুটি করছিল। ওদের ডেকে আকারে ইঙ্গিতে অনেকভাবে জিজ্ঞেস করলাম মেশিনটার খবর। কিন্তু হদিশ দেওয়া তো দূরের কথা, কেউ কেউ ফ্যাল ফ্যাল নিরেট আহাম্মকের মতো তাকিয়ে রইল, আর কেউ বা হাসতে হাসতে চলে গেল অন্যদিকে। এক-একবার অদম্য ইচ্ছে হল, দু’হাতে চড়চাপড় মেরে শিক্ষা দিয়ে দিই পুঁচকে উজ্জ্বলগুলোকে। কিন্তু অনেক কষ্টে সামলে নিলাম নিজেকে।

কী আর করা যায় ভাবতে ভাবতে লনের মাটি পরীক্ষা করতে গিয়েই আনন্দে আমার মন নেচে উঠল। ঘাসজমির ওপর মেশিনটা টেনেহিঁড়ে নিয়ে যাওয়ার স্পষ্ট চিহ্ন দেখলাম। আর দেখলাম, ছোট ছোট একরকম পদচিহ্ন, অনেকটা শ্লুথের পায়ের দাগের মতো। দাগগুলো শেষ হয়েছে ব্রোঞ্জের বেদীর সামনে। ঝুঁটিয়ে দেখতে গিয়ে আবিষ্কার করলাম, বেদীটা নিরেট নয় মোটেই, অনেকগুলো পুরু ব্রোঞ্জের পাত জুড়ে তা তৈরি। জোড়ের মুখে বিচিত্র কারুকাজ করা। পাতগুলোর ওপরে অবশ্য কোনো চাবির গর্ত বা হ্যান্ডেল দেখতে পেলাম না, কিন্তু তবুও মনে হল ওগুলো নিশ্চয় খোলা যায় ভেতর থেকে। আমার টাইম মেশিন যে ঐ বেদীর মধ্যেই সঁধিয়েছে, সে বিষয়ে আর কোনো সন্দেহ রইল না আমার। কিন্তু কী করে যে ওখানে গেল, সে সমস্যার সমাধান করতে পারলাম না।

কমলা রঙের পোশাক-পরা জনাদুয়েক মানুষ ঝোপের মাঝ দিয়ে এগিয়ে আসছিল, হাসিমুখে তাদের ডাকলাম আমি। ওরা আসতে ব্রোঞ্জের বেদীটা ইঙ্গিতে খুলে ফেলতে অনুরোধ করলাম। খুব সাধারণ অনুরোধ, ওরা তা বুঝতেও পারল। কিন্তু তারপরেই তাদের অদ্ভুত আচরণ দেখে বাস্তবিকই হতভম্ব হয়ে গেলাম। যেন নিদারুণ অপমানিত

হয়েছে এমনি ভাব চোখে-মুখে ফুটিয়ে তুলে স'রে গেল ওরা। কিছুই বুঝলাম না। যাই হোক, আর একজন ফুটফুটে মানুষকে পাকড়লাম। কিন্তু তার মুখেও সেই ভাবতরঙ্গ দেখে নিজেরই যেন লজ্জা হল। কিন্তু সে পেছন ফিরতেই আমার মেজাজ গেল বিগড়ে। যেন-তেন-প্রকারে ও মেশিন আমার চাই-ই। তিন লাফে গিয়ে খুদে মানুষটার জামা ধরে হিড় হিড় করে টেনে নিয়ে এলাম বেদীর কাছে। কিন্তু চোখেমুখে তার অপরিণীম আতঙ্কের ছবি দেখে মনটা আবার নরম হয়ে পড়ল—ছেড়ে দিলাম তাকে।

কিন্তু এত সহজে দমে যাবার পাত্র আমি নই। দমাদম শব্দ ব্রোঞ্জের পাতের ওপর ঘুঘি মারতে শুরু করলাম। মনে হল, একটা কিছু নড়াচড়ার শব্দ শুনলাম ভেতরে। কে যেন খুক খুক করে হেসে উঠল। আমার ভুলও হতে পারে। নদীর ধার থেকে বড়সড় আকারের একটা পাথর তুলে এনে সমস্ত শক্তি দিয়ে মারতে লাগলাম সামনের পাতটার ওপর, কিছু কিছু অলংকরণ নষ্ট হয়ে পাতটা খানিকটা তুবড়ে গেল, কিছু ব্রোঞ্জের গুঁড়োও ঝরে পড়ল। কিন্তু তবুও অটল অনড় রইল সে দুর্ভেদ্য বেদী। দমাদম শব্দ শুনে ফুটফুটে মানুষগুলো দূরে দূরে ভিড় করে দাঁড়িয়েছিল, চোখে তাদের অদ্ভুত দৃষ্টি, শেষকালে ক্লান্ত অবসন্ন হয়ে বসে পড়লাম আমি।

কিন্তু একনাগাড়ে কাঁহাতক আর বেদীটাকে চোখে চোখে রাখা যায়। ঘণ্টার পর ঘণ্টা কাজে ডুবে থাকা খুবই সহজ আমার পক্ষে। কিন্তু নিষ্কর্মা হয়ে বসে থাকার মতো কষ্টকর আর কিছু নেই। তাই এক সময়ে উঠে পড়ে এলোমেলোভাবে হাঁটতে শুরু করলাম। মনে মনে বললাম, 'ধৈর্য ধর। মেশিন যে-ই নিক না কেন, বেদীর ওপর দাবুণ শব্দ শুনেই সে বুঝেছে, মেশিন নেওয়ায় তুমি খুশি হও নি। কাজেই হয়ত একদিন আপনি ফেরৎ দিয়ে যাবে। ইতিমধ্যে জড়ভরং হয়ে বসে না থেকে দেখে নাও, প্রবীণ জগতের সবকিছু দু'চোখ ভরে দেখে নাও।'

তাই দেখতে বেরোলাম আমি। বিজ্ঞানী সুলভ দৃষ্টিভঙ্গি নিয়ে সবকিছুই তন্ন তন্ন করে দেখলাম আর বিচার করলাম। তারপর একসময়ে ঢুকলাম বড় প্রাসাদটায়। লক্ষ্য করলাম খুদে মানুষগুলো যেন আমাকে এড়িয়ে থাকতে চায়। বোধ হয় ব্রোঞ্জের বেদী তুবড়ে দেওয়ার প্রতিক্রিয়া দেখে আমিও বিশেষ মেলামেশা করার চেষ্টা করলাম না। দিন দুয়েকের মধ্যে অবশ্য সবকিছু আবার স্বাভাবিক হয়ে উঠেছিল। আমিও ভাষা শেখার চেষ্টায় খুব ব্যস্ত হয়ে পড়লাম। ভাষা শেখার পেছনে আমার একটা বিশেষ উদ্দেশ্য ছিল। তা হল ব্রোঞ্জের বেদীর মধ্যে টাইম মেশিন সঁধোনোর ব্যাপারটা তাদের মগজে, তাদেরই ভাষার সাহায্যে ঢোকানোর চেষ্টা মেশিন উদ্ধার আমাকে করতেই হবে। সেজন্যে কোন কিছুই করতে কসুর করলাম না আমি।

৮

ব্যাখ্যা

যতদূর চোখ যায়, দেখি টেম্‌স্ উপত্যকার মতোই অকৃপণ প্রাচুর্যে ভরে উঠেছে ধরিত্রীর বুক। প্রতিটি পাহাড়ের ওপর থেকে দেখলাম সেই একই দৃশ্য—প্রাসাদের পর প্রাসাদ, বিচিত্র তাদের গঠন কৌশল, জমকালো তাদের আকার। এক একটা বাড়ি এক একরকম সৌন্দর্যে ঝলম্বল করছে। চারিদিক সবুজে সবুজ, এসেছে চিরবসন্ত, এনেছে শুমু কুঁড়ি, ফুল

আর ফল। এখানে সেখানে রূপোর মতো ঝকঝক করছে জলের রেখা। আর দূরে একটু একটু করে উঁচু হয়ে গিয়ে নীল পাহাড়ের তরঙ্গে মিশেছে সবুজ জমি, তারপর মিলিয়ে গেছে নির্মল নীলাকাশের বুকে। কতকগুলো অদ্ভুত জিনিস কিন্তু চোখে পড়ার মতো। গোলাকার কুয়ের মতো কতকগুলো গভীর গর্ত—বিস্তার ছড়িয়ে আছে এদিকে—সেদিকে। পাহাড়ে ওঠার সময়ে একটা দেখেছিলাম পথের ধারে। সবগুলোই ব্রোঞ্জে বাঁধানো, বিচিত্র কারুকাজ করা। বৃষ্টির জলরোধের জন্যে, ওপরে গুমটির মতো গোল গম্বুজ। এইসব কুয়ের পাশে বসে নিচের কুচকুচে অন্ধকারের মধ্যে তাকালে জলের রেখা মোটেই দেখা যায় না, দেশলাইয়ের আলোর প্রতিফলন ফিরে আসে না ওপরে। প্রত্যেকটির মধ্যে শূন্যেই বিশেষ একটি শব্দ ধুম ধুম ধুম। বিরাট ইঞ্জিন অবিরাম ঘুরে চললে এ জাতীয় শব্দ শোনা যায়। দেশলাইয়ের শিখার কাঁপন থেকে যা আবিষ্কার করলাম, তা আরও আশ্চর্য। দেখলাম, বাতাসের স্রোত বিরামবিহীনভাবে নেমে যাচ্ছে কুয়োগুলির মধ্যে। কাগজের ছোট্ট একটা কুচি ছেড়ে দিলাম কুয়ের মুখে। ধীরে ধীরে ভাসতে ভাসতে নিচের দিকে না নেমে বাতাসের টানে সাঁৎ করে দৃষ্টির আড়ালে নেমে গেল কুচিটা।

এরপর ঢালু জমির এখানে—সেখানে দাঁড়ানো ছুঁচোলো থামগুলোর সঙ্গে কুয়োগুলোর একটা সম্পর্ক বার করে ফেললাম। দারুণ গরমের দিনে রোদে জ্বালা বালুকা বেলার ওপর যেমন বাতাসের অস্থির কাঁপন দেখা যায়, ঠিক তেমনি থিরথিরে কাঁপন দেখেছিলাম প্রতিটি থামের শীর্ষবিন্দুতে। এসব থেকেই মাটির তলায় বাতাস চলাচলের একটা বিরাট পরিকল্পনা আঁচ করেছিলাম। কিন্তু আমার ধারণা যে কিছুটা ভুল, তা বুঝলাম পরে।

স্বীকার করতে লজ্জা নেই যে, ভবিষ্যতে যে লোকালয়ে আমি পৌঁছেছিলাম সেখানকার যানবাহনাদি বা পয়ঃপ্রণালী ইত্যাদি সম্বন্ধে খুব বেশি আমি জানতে পারি নি। জানাও সম্ভব নয়। আগামীকাল আর ইউটোপিয়া* সম্বন্ধে অনেক বর্ণনা আপনারা পড়েছেন। লক্ষ লক্ষ বছরের ব্যবধান এক লাফে উপকে এমন এক সোনার যুগে গিয়ে পড়লাম, যেখানকার অভিনবত্ব আমাকে হকচকিয়ে তুলল। কাজেই স্বয়ংচালিত ব্যবস্থার একটা অস্পষ্ট ধারণা ছাড়া সে যুগ সম্বন্ধে আর কিছু আপনাদের শোনাতে পারব বলে মনে হয় না আমার।

যেমন ধরুন, অস্ত্যোষ্টিক্রিয়া সম্বন্ধে কিছুই জানতে পারি নি আমি। শ্মশান বা সমাধিস্তম্ভ—জাতীয় কিছু চোখে পড়ে নি। ভেবেছিলাম, দূরে কোথাও শ্মশান বা গোরস্থান নিশ্চয় আছে। কিন্তু সে ভাবনা ভাবতে গিয়ে আর একটা আশ্চর্য জিনিস লক্ষ করে স্তম্ভিত হয়ে গেলাম। খুদে মানুষদের মধ্যে বয়স্ক বা অক্ষম একজনও ছিল না। সব মানুষের বয়সই প্রায় সমান, সমান তাদের স্বাস্থ্য আর সৌন্দর্য।

স্বয়ংচালিত সভ্যতা আর ক্ষয়িষ্ণু মানবজাতি সম্বন্ধে আমার থিওরি যে বেশিদিন টেকে নি, তা আমি স্বীকার করছি। কিন্তু এছাড়া কী আর ভাবা যায় বলুন? যতগুলো বিরাট প্রাসাদে আমি গেছি, সবগুলোতেই শুধু খাবার আর শোবার জায়গা ছাড়া আর কিছু দেখি নি। কোনোরকম যন্ত্রপাতির চিহ্নও চোখে পড়ে নি। কিন্তু খুদে মানুষদের ঝলমলে পোশাকগুলোও তো মাঝে মাঝে পালটানো দরকার। ওদের অদ্ভুত ডিজাইনের স্যান্ডেলগুলো একরকম ধাতুর তৈরি, সেগুলোই বা আসে কোথেকে? অথচ সৃষ্টির স্পৃহা যে ওদের মধ্যে নেই, তা মুখ-চোখ দেখলেই বোঝা যায়। দোকান নেই, আমদানিরও চিহ্ন

নেই। সারাদিন শুধু মহাখুশিতে খেলাধুলো করে, নদীতে স্নান করে, ফল খেয়ে, ফুল ছুঁড়ে রাখে দল বেঁধে ঘুমোনোই তাদের কাজ। কিন্তু কী ভাবে যে সব চলছে, তা বুঝি নি।

আট লক্ষ দুহাজার সাতশো এক সালের জগতে পৌছানোর পর তৃতীয় দিন কিন্তু আমি একজন সাথী পেলাম। অল্প জলে কয়েকজন খুঁদে মানুষ স্নান করছিল। বসে বসে দেখছিলাম আমি। হঠাৎ ওদের একজন স্রোতের টানে ভেসে গেল একটু দূরে। টান অবশ্য বেশি ছিল না, কিন্তু তবুও কেউ সাহস করল না বেচারাকে বাঁচাবার। এ থেকেই বুঝে নিলি কী রকম দুর্বল তারা। চোখের সামনে চিৎকার করে কাঁদতে কাঁদতে একজন ডুবে যাচ্ছে দেখে আমি ঝাঁপিয়ে পড়লাম জলে। অল্প চেষ্টাতেই তাকে তুলে আনলাম তীরে। ফুটফুটে ছোট একটি মেয়ে। হাত-পা একটু ঘষতেই চাঙা হয়ে উঠল সে।

এর পর থেকেই কিন্তু আমার সঙ্গিনী হয়ে উঠল মেয়েটি। সবসময়ে ছায়ার মতো লেগে থাকত আমার পিছু পিছু। আমিও একজন সাথী পেয়ে খুশি হলাম। একটু চেষ্টা করে নামটাও শুনলাম—উইনা। আমার এই ছোট সাথীটির সঙ্গে কিন্তু দিন সাতকের বেশি পাই নি—সেকথা পরে বলছি।

উইনার কাছ থেকেই আমি প্রথম জানলাম যে, ভয় এখনও এ জগৎ ছেড়ে যায় নি। দিনের আলোয় দিবি হেসে-খেলে বেড়াত সে, কিন্তু আলো ফুরোনোর সঙ্গে সঙ্গে উইনার সাহসও ফুরোত। দেখছি অন্ধকারকে, ছায়াকে আর যত কিছু কালো বস্তুকে ভয় করত সে। শুধু সে-ই নয়। রাত হলেই খুঁদে মানুষরা বড় বাড়ির মধ্যে ঢুকে পড়ে দল বেঁধে ঘুমোত। আলো না নিয়ে তখন তাদের মাঝে যাওয়া মানে নিদারুণ ভয় পাইয়ে দেওয়া। আমি তো অন্ধকার হয়ে যাওয়ার পর কাউকেই ঘরের বাইরে একলা ঘুরতে বা ঘরের ভেতরে একলা ঘুমোতে দেখি নি।

সেদিন ভোরের দিকে হঠাৎ আমার ঘুম ভেঙে গেল। দুঃস্বপ্ন দেখছিলাম। মনে হচ্ছিল যেন ডুবে যাচ্ছি আমি, আর সমুদ্রের কুৎসিত প্রাণীগুলো তাদের থলথলে ভিজে শূঁড় বোলাচ্ছে আমার মুখে। ধড়মড়িয়ে উঠে বসলাম, আর কেন জানি মনে হল ধূসর রঙের কোনো জানোয়ার এইমাত্র ঘর ছেড়ে বেরিয়ে গেল বাইরে। অদ্ভুত শিরশিরে সে অনুভূতি, বোঝানো যায় না কিছুতেই। আবার ঘুমোবার চেষ্টা করলাম, কিন্তু এত অস্বস্তি বোধ করতে লাগলাম যে, ঘুমোনো আর সম্ভব হল না। আলোছায়ার মায়াময় পরিবেশে রহস্যময় হয়ে উঠেছিল চারিদিক—অন্ধকারের বুক চিরে আলোর নিশানা দেখা দিলেও তখনও সবকিছু যেন বর্ণহীন অপ্রাকৃত কুহেলী-ভরা। উঠে পড়লাম। বিরাট হলটা পেরিয়ে প্রাসাদের বাইরের উঠানে দাঁড়লাম। ইচ্ছা হল ব্রাহ্মমুহুর্তে দাঁড়িয়ে ভবিষ্যতের সূর্যোদয় দেখব।

চাঁদ তখন অস্তের পথে। চাঁদের মরা আলো আর ভোরের স্বচ্ছ কিরণ মিশে গিয়ে ফ্যাকাশে আধো আলোর সৃষ্টি হয়েছিল। ঝোপঝাড়গুলো তখন কালির মতো কালো, জমি ধোঁয়াটে কুয়াশায় ঢাকা, আকাশ বিরঙ, বিষণ্ণ। ঠিক এমনি মুহুর্তে মনে হল যেন দূরে পাহাড়ের ওপর ভৌতিক মূর্তি দেখতে পেলাম আমি। ঢালু জমির ওপর চোখ বুলাতে গিয়ে বেশ কয়েকবার চোখে পড়ল অস্পষ্ট কতকগুলো চেহারা। বার দুয়েক মনে হল বাদরের মতো একটা সাদা জন্তু পাহাড়ের ওপর বেগে দৌড়ে গেল। আর একবার মনে হল তাদেরই কয়েকজন কালো মতো একটা দেহ বয়ে নিয়ে যাচ্ছে ধ্বংসস্থূপের দিকে। খুব দ্রুত

নড়াচড়া করছিল ওরা। কিন্তু শেষপর্যন্ত যে কোথায় গেল, তা আর দেখতে পেলাম না—যেন ঝোপঝাড়ের সঙ্গে মিলিয়ে গেল সবাই। তখনও চারিদিক অস্পষ্ট। ঠাণ্ডায় হোক বা যে কারণেই হোক, গা-টা বেশ শিরশির করে উঠল। দুই চোখ মুছে ভালো করে তাকলাম আমি।

পূর্বদিক ফরশা হয়ে উঠল আস্তে আস্তে। চারিদিক বেশ পরিষ্কার হয়ে উঠতেই তীক্ষ্ণ দৃষ্টি মেলে তাকলাম পাহাড়ের দিকে। সাদা মূর্তির কোনো চিহ্নই দেখলাম না। অঙ্ককারের প্রাণী ওরা, তাই যেন আধো আলোর মধ্যে মিলিয়ে গেল অপচ্ছায়ার মতো। আমার কিন্তু মনে হল টাইম-মেশিন খুঁজতে গিয়ে যে সাদা রঙের জানোয়ারটাকে আমি চমকে দিয়েছিলাম, তার সঙ্গে এদের নিশ্চয় কোনো সম্পর্ক আছে।

স্বর্ণ যুগের আবহাওয়া যে এ যুগের চাইতে কত বেশি গরম তা আমি আগেই বলেছি। এর কারণ ঠিক করে বলা কঠিন। সূর্য আরও বেশি গরম হওয়ার জন্যেও হতে পারে; অথবা সূর্যের আরো কাছে পৃথিবী সরে যাওয়ার ফলেও হতে পারে। কিন্তু কনিষ্ঠ ডারউইনের ভবিষ্যদ্বাণী সম্বন্ধে যারা ওয়াকিবহাল নয়, তারা ভুলে যায় যে সূর্য থেকে যেসব গ্রহের জন্ম, তাদের প্রত্যেকেই একে একে আবার ফিরে যাবে সূর্যে। আর যতবার ঘটবে এ ঘটনা, ততবারই নতুন তেজে দপ করে জ্বলে উঠবে সূর্য। হয়ত কাছাকাছি থাকা কোনো গ্রহ এই ভাবেই আশ্রয় নিয়েছে সূর্যের আগুন-জঠরে। কারণ যাই হোক না কেন, সূর্যের কিরণ যে এখনকার চাইতে অনেক বেশি জ্বালা ধরানো, সে বিষয়ে আর কোনো সন্দেহ নেই।

সেদিন বোধ হয় চতুর্থ দিন। সকালবেলা চারদিক বেশ গরম হয়ে উঠেছে। বড় বাড়িটির কাছে বিশাল ভগ্নস্তূপটির আনাচে-কানাচে গরম আর রোদ্দুরের হাত থেকে রেহাই পাওয়ার জন্যে একটা আশ্রয় খুঁজছিলাম। এই স্তূপটাতোই তখন আমি খাওয়া-দাওয়া সেরে যুগোত্তম। এমন সময়ে অদ্ভুত একটা ব্যাপার ঘটল। ভাঙা চোরা ইমারতের একটা স্তূপে ওঠার পর সংকীর্ণ একটা গ্যালারি দেখতে পেলাম, পাশের জানালাগুলো ধ্বংসে পড়া পাথরের চাঁইয়ে বন্ধ হয়ে গেছে। বাইরের চোখ-ধাঁধানো আলো থেকে হঠাৎ ভেতরে তাকিয়ে নিকষ অঙ্ককার ছাড়া আর কিছুই দেখতে পেলাম না। হাতড়াতে হাতড়াতে ঢুকলাম ভেতরে, চোখের সামনে তখনও লাল আঁকাবাঁকা রেখা ছাড়া আর কিছু দেখছি না। আচম্বিতে মন্ত্রমুগ্ধের মতো থমকে দাঁড়িয়ে গেলাম আমি। অঙ্ককারের ভেতর থেকে এক জোড়া চোখ তাকিয়ে আছে আমার দিকে—বাইরের দিনের আলোর প্রতিফলনে জ্বলজ্বল করছে সে চোখ।

আমি বর্তমান যুগের মানুষ, তাই প্রথমেই বুনা জানোয়ারের সম্ভাবনা মনে এল। শক্ত করে মুঠি পাকিয়ে একদৃষ্টে তাকিয়ে রইলাম সামনের জলন্ত গোলাকার চোখ দুটোর দিকে। পিছু ফেরার মতো সাহসও ছিল না আমার। কিন্তু তারপরেই ভাবলাম, এখনকার মানুষ তো বেশ নিশ্চিন্ত নিরাপত্তার মধ্যে বাস করে—তবে.....! হঠাৎ মনে পড়ল অঙ্ককারকে কী রকম যমের মত ভয় করে এরা। সাহস একটু ফিরে এসেছিল, তাই সামনের দিকে এক পা এগিয়ে কথা বললাম আমি। ভয়ের চোটে গলার স্বর অবশ্য রীতিমতো কর্কশ আর বেসুরো শোনাল। সামনে হাত বাড়তেই একটা নরম জিনিসের ছোঁয়া পেলাম। তৎক্ষণাৎ চোখ দুটো সরে গেল পাশের দিকে, আর সাঁৎ করে সাদা মতো একটা কিছু পাশ দিয়ে ছুটে বেরিয়ে টাইম মেশিন ও

গেল পেছন দিকে! বলতে লজ্জা নেই সঙ্গে সঙ্গে হৃৎযন্ত্রটা ধড়াস করে একটা ডিগবাজি খেয়ে এসে ঠেকল গলার কাছে। চট করে পেছন ফিরে দেখলাম আমার পেছনে রোদ্দুরে-ঝলমলে পথের ওপর দিয়ে মাথা নিচু করে অজ্ঞাত ভঙ্গিতে ছুটে যাচ্ছে কিছুতকিমাকার মর্কটের মতো একটা জানোয়ার। গ্র্যানাইটের একটা চাঁইতে ধাক্কা খেয়ে একদিকে ছিটকে পড়ল জানোয়ারটা, পরমুহূর্তেই উঠে পড়ে মিলিয়ে গেল পাশের ভাঙা পাথরের স্তূপের অঙ্ককারে।

জানোয়ারটাকে অবশ্য খুব খুঁটিয়ে দেখার সময় পায় নি, কিন্তু যতদূর দেখেছি গায়ের রঙ তার ম্যাডমেডে সাদা, ধূসর-লালাভ বড় বড় অজ্ঞাত আকারের দুটো চোখ, আর মাথায় পিঠে শনের মতো চুলের রাশি। এত দ্রুতবেগে অঙ্ককারের মাঝে সে সঁধিয়ে গেল যে এর বেশি কিছু দেখার সুযোগ পেলাম না। আদতে সে চার হাত-পায়ে ভর দিয়ে দৌড়োচ্ছিল কি সামনে দূ'হাতে ভর দিয়ে নিচু হয়েছিল, তাও দেখি নি। মুহূর্তের জন্য স্তম্ভিত হয়ে দাঁড়িয়ে থেকে ভাঙা স্তূপটার মধ্যে ঢুকে পড়লাম আমি। প্রথমে কিছুই দেখলাম না। বেশ কিছুক্ষণ হাতড়াবার পর দেখি হুবহু সেই রকম কুয়োর মত একটা গর্ত, আড়াআড়িভাবে ওপরটা ঢেকে রেখেছে একটা ভাঙা থাম। চকিতে ভাবলাম বিদ্যুটে জানোয়ারটা কি তাহলে এর মধ্যেই লুকিয়েছে? ফস করে জ্বালালাম একটা কাঠি—নিচের দিকে তাকিয়ে দেখি আমার ওপর বড় বড় জ্বলন্ত চোখের অপলক দৃষ্টি রেখে দ্রুতবেগে নিচের দিকে নেমে যাচ্ছে ছোটোখাটো সাদা একটা প্রাণী। ঠিক যেন একটা মানুষ মাকড়শা। কি বেয়ে জন্তুটা অত তাড়াতাড়ি নামছে দেখতে গিয়ে সেই প্রথম দেখলাম ধাতু তৈরি হাত-পা রাখার একসারি খোঁটা মইয়ের মতো সিঁধে নেমে গেছে নিচে। তারপরেই কাঠিটা আঙুল পর্যন্ত পুড়ে নিভে গেল, তাড়াতাড়ি জ্বালালাম আর একটি কাঠি। কিন্তু খুদে দানোটা ততক্ষণে অদৃশ্য হয়ে গেছে নিচের অঙ্ককারে।

কুয়োর অঙ্ককারে তাকিয়ে কতক্ষণ যে সেখানে বসেছিলাম জানি না; যাকে এইমাত্র দেখলাম, সে যে একজাতীয় মানুষ, এ ধারণায় কিছুতেই আমার মন সায় দিতে চাইল না। কিন্তু বেশ কিছুক্ষণ ভাবার পর সত্যের মুখ দেখলাম। বুঝলাম, মানুষ আর একটি মাত্র প্রজাতি (species) নয়—দুই শ্রেণীর প্রাণীতে ভাগ হয়ে গেছে তারা। উর্ধ্ব জগতের ফুটফুটে মানুষরাই আমাদের একমাত্র বংশধর নয়; চোখের সামনে দিয়ে বিদ্যুতের মতো এই যে ম্যাটিমেটে সাদা কুৎসিত নিশাচর জানোয়ারটা পালিয়ে গেল এরাও আমাদের রক্ত বহন করছে তাদের শিরায়।

বাইরে ঢালু জমির গায়ে চারকোণা থামের ওপর বাতাসের থির থির কাঁপন, কুয়ো আর সুষ্ঠু বাতাস চলাচলের পদ্ধতির চিন্তা মনে এল আমার। এই বিরাট আয়োজনের উদ্ভব কোথায়, তা যেন একটু একটু করে দানা বেঁধে উঠতে লাগল আমার মনে। সামঞ্জস্যময় এই অপূর্ব শৃঙ্খলার সঙ্গে লিমাঙ্গুলোর* কী সম্পর্ক তারও কিছুটা আঁচ পেলাম, কিন্তু বুঝলাম না, কুয়োর নিচে কী লুকোনো আছে। বুঝলাম না, কেন অহরহ যন্ত্রপাতি চলার শব্দ ভেসে আসে ওপরে। ভাবছি একবার নিচে নেমে নিজের চোখে দেখে আসতে হবে সেখানকার রহস্য, এমন সময়ে দুজন খুদে মানুষকে দেখলাম বাইরের আলোয়। ওরা কিন্তু কুয়োর পাড়ে ঐ ভাবে আমাকে বসে থাকতে দেখে বেশ ঘাবড়ে গেল। ওদের ডেকে এনে কুয়োর নিচে আঙুল দেখিয়ে ইঙ্গিতে প্রশ্ন করলাম। কিন্তু উত্তর দেওয়া দূরে থাক, কী রকম ভয়

ভয় চোখে আমার দিকে তাকিয়ে দুজনেই ছুট লাগাল অন্য দিকে। বাধ্য হয়ে উঠতে হল আমাকে। ঠিক করলাম উইনাকে জিজ্ঞেস করতে হবে কুয়ের রহস্য।

হাঁটতে হাঁটতে এইসব কথাই ভাবছিলাম। এদের অর্থনৈতিক সমস্যার যে প্রশ্নটি আমাকে রীতিমত ভাবিয়ে তুলেছিল, তার সমাধানও পেলাম তখন।

মানুষের এই প্রজাতি যে পাতালবাসী সে বিষয়ে আর দ্বিমত নেই। তিনটি বিশেষ অবস্থা দেখে বুঝলাম কদাচিৎ জমির ওপর আসার কারণ ওদের বহুকাল ধরে মাটির নিচে বসবাসের অভ্যাস। প্রথমই দেখুন না কেন, যে সব জন্তু বেশিরভাগ সময় অন্ধকারে থাকে, তাদের গায়ের রঙ ফ্যাকাশে সাদা। কেনটাকি গুহার সাদা মাছের কথা তো জানেনই। তারপর ওদের বড় বড় চোখে আলোর প্রতিফলন যা শুধু নিশাচর প্রাণীদের চোখেই দেখা যায়। উদাহরণ—পেঁচা আর বেড়াল। সব শেষে দেখুন, সূর্যের আলোয় ওর চোখ ধাঁধিয়ে যাওয়া অবস্থাটা। আলো থাকা সত্ত্বেও মাথা নিচু করে ছুটে গিয়ে পাথরে ধাক্কা লাগা আর তার পরেই অন্ধকারের মাঝে আশ্রয় নেওয়ার প্রচেষ্টা—এ সব দেখলে শুধু একটি সিদ্ধান্তেই আসা যায়, তা হল ওদের রেটিনা অর্থাৎ চোখের পর্দা যেমন পাতলা, তেমনি দারুণ অনুভূতিশীল।

আমার পায়ের নিচে পৃথিবীর বুক অসংখ্য সুড়ঙ্গে ঝাঁঝরা হয়ে রয়েছে। নতুন জাতির নিবাস এই সুড়ঙ্গেই। বাতাস চলাচলের জন্য কুয়ো আর খামের আধিক্য থেকেই অনুমান করা যায় কী সুদূরব্যাপী তাদের বসতি। আর তাই যদি হয়, তাহলে দিনের আলোয় মাটির ওপর যে জাতি বাস করছে, তাদের সুখ-সুবিধা চাহিদার জন্যে নিচের জগতের বাসিন্দারা যে তৎপর নয় তাই বা কে নিশ্চয় করে বলতে পারে? এই যুক্তিসঙ্গত চিন্তাধারা থেকে মানব প্রজাতির দু'ভাগ হয়ে যাওয়া সম্ভব্ধ যে থিওরি খাড়া করলাম, তা শুনুন।

আমাদের বর্তমান যুগের সমস্যা থেকেই এগোনো যাক। ধনিক আর শ্রমিক গোষ্ঠীর মধ্যে ক্রমশ বেড়ে যাওয়া সামাজিক ব্যবধানই রয়েছে সবকিছুর মূলে। ভাবছেন বুঝি আমার মাথা খারাপ হয়েছে। কিন্তু আজকের যুগেই কি সে যুগের পদধ্বনি শুনতে পাচ্ছেন না? লন্ডনে মাটির তলায় মেট্রোপলিটান রেলওয়ে, ইলেকট্রিক রেলওয়ে, সাবওয়ে, মাটির তলায় কারখানা, রেস্টোরাঁ দিন দিন বেড়েই চলেছে। বাড়তে বাড়তে এমন অবস্থায় একদিন পৌঁছেছে, যেদিন মাটির ওপর সব অধিকার হারিয়ে মাটির নিচে আশ্রয় নিয়েছে সমস্ত শিল্প। বছরের পর বছর ফ্যাক্টরির সংখ্যা বেড়ে গেছে মাটির নীচে, শ্রমিকরা দিনরাতের বেশিরভাগ সময় কাটাতে বাধ্য হয়েছে পাতালের অন্ধকারে। শেষে একদিন ...! এমন কি আজও ইস্ট এন্ডের শ্রমিকরা ইচ্ছেমত পৃথিবীর ওপর আসার সুযোগ পায় কি?

গরিবদের কাছ থেকে দূরে সরে যাওয়ার প্রচেষ্টা সবযুগের ধনীদের মধ্যেই আছে। অর্থ, শিক্ষা সামাজিক প্রতিষ্ঠা—এই সবকিছুই ধনীদের ঠেলে দিয়েছে পৃথিবীর সুখ স্বাচ্ছন্দ্য আলো-হাওয়ার মধ্যে। আর তারাই গরিবদের বাধ্য করেছে মাটির নিচে থেকে কলকল্লা চালাতে হাজার হাজার বছর ঐ অবস্থায় থাকতে থাকতে অন্ধকারেই অভ্যস্ত হয়ে উঠেছে তারা। যেমন অভ্যস্ত হয়েছে ঊর্ধ্বজগতের মালিকরা আলোহাওয়ার মধ্যে।

প্রতিভার চরম শিখরে উঠে আদর্শ সমাজ ব্যবস্থার প্রচলন করতে পেরেছিল মানবজাতি। শিক্ষা, সভ্যতা, জ্ঞান, প্রতিভার সে সোনার যুগ কিন্তু একদিন ফুরোল।

অত্যন্ত সুষ্ঠু নিরাপত্তার মধ্যে দীর্ঘকাল নিশ্চিন্ত অলস জীবনযাপন করার ফলে উর্ধ্বজগতের বাসিন্দাদের যীশক্তি, দৈহিক শক্তির সাথে দেহের আকারও কমে আসতে লাগল আস্তে আস্তে। কিন্তু মর্লকরা (পাতালবাসীদের ঐ নামেই ডাকত সবাই) মানুষদের বৈশিষ্ট্য কিছু কিছু তখনও বজায় রেখে দিল নিজেদের মধ্যে।

কিন্তু একটা প্রশ্নের সদুত্তর পেলাম না কিছুতেই। টাইম-মেশিন কি মর্লকরা নিয়েছে? তাই যদি নেয়, আর ইলয়রা (ফুটফুটে মানুষদের নাম যে ইলয়, তা উইনার কাছে জেনেছিলাম পরে) যদি ওদের প্রভু হয়, তবে মেশিনটা কেন ওরা ফিরিয়ে আনছে না মর্লকদের কাছ থেকে? অঙ্ককারকেই বা এত ভয় করে কেন ওরা? এ প্রশ্নের উত্তর তখন না পেলেও পরে পেয়েছিলাম।

৯

মর্লক

দুদিন পর আমার নতুন-পাওয়া সূত্র ধরে কাজ শুরু করলাম। স্নাতকসেঁতে জীবগুলো দেখলেই কেমন জানি গা শির শির করে উঠত আমার। মিউজিয়ামের স্পিরিটে-ডোবানো ম্যাটমেটে সাদা রঙের পোকামাকড়ের মতো দেখতে গুলোকে। ঠুলেও গা ঘিন ঘিন করে। আমার এই গা ঘিনঘিনে ভাবটা খুব সম্ভব ইলয়দের কাছ থেকে পেয়েছিলাম। ফুটফুটে জাতটার ওপর আমার বেশ সহানুভূতি এসে গেছিল। তাছাড়া ওরা যে মর্লকদের মোটেই পছন্দ করে না, তা একটু একটু করে পরে বুঝেছিলাম।

পরের রাতে ভালো করে ঘুমোতে পারলাম না। শরীরটাও ভালো যাচ্ছিল না। উদ্বেগ আর সংশয়ে বেশ দমে গেছিলাম : বেজায় ভয় পেয়ে বারদুয়েক শিউরে উঠলাম, কী কারণে তা অবশ্য বুঝি নি। রাত হয়ে যেতে নিঃশব্দে হলঘরে এসে ঢুকলাম আমি। খুদে মানুষরা দল বেঁধে ঘুমোচ্ছিল টুকরো টুকরো চাঁদের আলোয় গা এলিয়ে দিয়ে। বুঝলাম আর দিন কয়েকের মধ্যে অমাবস্যার পথে আরও গড়িয়ে যাবে চাঁদ, আঁধারও একটু একটু করে বাড়তে থাকবে। আর নিচের জগতের কৃমি কীটের মতো জঘন্য সাদা লিমারগুলো পালে পালে উঠে আসবে ওপরে। টাইম-মেশিন উদ্ধার করতে হলে যে আগে নিচুতলার রহস্য সমাধান করা দরকার, তা আমি হাড়ে হাড়ে বুঝেছিলাম। কিন্তু একলা এগোবার মতো দুঃসাহস আমার ছিল না। একজন সঙ্গীও যদি পেতাম, কাউকে ডরাতাম না। কুয়োর অঙ্ককারে তাকালেই গা ছমছম করে উঠত আমার।

মনের এই অশান্তির হাত থেকে সাময়িকভাবে রেহাই পাওয়ার জন্যে এদিকে সেদিকে অভিযান শুরু করলাম আমি। সেদিন দক্ষিণপশ্চিমে এখনকার কন্সভেইডের দিকে গেছিলাম। দেখলাম, অনেক দূরে ঊনবিংশ শতাব্দীর ব্যানস্টিডের দিকে সবুজ রঙের বিরাট একটা ইমারত—এ জাতীয় ইমারত এর আগে আর কোথাও দেখি নি আমি। ও যুগে যত ভেঙে-পড়া প্রাসাদ দেখেছিলাম সে সবের চাইতে অনেক বড় সে ইমারত। গঠনভঙ্গি অনেকটা প্রাচ্যরীতির অনুকরণে। সামনের দিকটা ফিকে সবুজ কি নীলাভ সবুজ রঙের জ্বলজ্বলে চীনে পোসিলেনের মতো জিনিস দিয়ে তৈরি। তখনই ইমারতটার দিকে যাওয়ার ইচ্ছে ছিল, কিন্তু সন্ধ্যা হয়ে আসছিল, কাজেই পরের দিনের জন্যে মূলতুবি রাখলাম

এ্যাডভেঞ্চারটা। কিন্তু পরেরদিন সকালে উঠে ভাবলাম সবুজ পোসিলেনের প্রাসাদে যাওয়ার ইচ্ছেটা আসলে মনকে ছলনা করা। কুয়োর ভেতরে নামার দুঃসাহস আমার নেই, তাই ওপথ না মাড়িয়ে যেতে চাই অন্য কোথাও। ঠিক করলাম, আর দেরি নয়, কুয়োতে এবার নামবই। তখুনি বেরিয়ে পড়লাম ভাঙা স্থূপের কুয়োটার দিকে।

ছোট্ট উইনা ছুটতে ছুটতে এল আমার সাথে। কুয়োর ধারে মহাখুশিতে নাচ জুড়ে দিল সে। কিন্তু যেই দেখল কুয়োর মধ্যে ঝুঁকে রয়েছি আমি, অমনি গুরু মুখ শুকিয়ে গেল। তার পর যখন ভেতরের পা রাখার হুকগুলোর ওপর পা দিলাম, ভয়ে চোঁচিয়ে উঠে দৌড়ে এসে আমার হাত ধরে টানটানি শুরু করে দিল ও। বাধা পেতে আরও গোঁ চেপে গেল আমার। হাত ছাড়িয়ে নিয়ে নেমে চললাম নিচের দিকে, আর আতঙ্কে নীল মুখ নিয়ে ওপরে ঝুঁকে রইল উইনা।

প্রায় দুশ গজ নিচে থামতে হয়েছিল আমাকে। কুয়োর দেওয়ালে গাঁথা ধাতুর শিকগুলো আমার চাইতে হাল্কা প্রাণীর উপযুক্ত, তাই সাবধানে নামতে নামতে হাতে পায়ে খিল ধরার উপক্রম হলো। তার পরেই হঠাৎ একটা হুক উপড়ে এল হাতে, পড়তে পড়তে সামলে নিয়ে এক হাতে ঝুলতে লাগলাম শূন্যে। সে যাত্রা কোনোরকমে বেঁচে গিয়ে আরও সাবধানে নামতে লাগলাম আমি। ওপরে তাকিয়ে দেখি বহু উচুতে গোলাকার নীল আকাশের পটে উইনার ছোট্ট মাথাটা ঝুঁকে রয়েছে। মেশিনের ধুম ধুম শব্দ আরও তীব্র হয়ে উঠল। আবার যখন ওপরে তাকলাম, উইনাকে আর দেখলাম না।

আরও কিছুক্ষণ নামার পর ডানদিকে ফুটখানেকের মধ্যে দেওয়ালের গায়ে সবু একটা ফাঁক দেখে হাঁফ ছেড়ে বাঁচলাম। ভেতরে ঢুকে দেখি সম্বর্ধী একটা সুড়ঙ্গের মুখ সেটা—হাত-পা ছড়িয়ে শুয়ে খানিকটা জিরিয়ে নেওয়া যায়। শিরদাঁড়া আর হাতদুটো তখন খসে পড়ার উপক্রম; ভয়ে উত্তেজনায়ে ঘেমেও উঠেছিলাম বেশ। আশেপাশের মিশমিশে কাক্সল অন্ধকারের মাঝে শুধু শুনলাম যন্ত্রপাতির ঘটাং ঘটাং শব্দ। আর অনুভব করলাম পাম্পের টানে অবিরাম বাতাসের স্রোত বয়ে আসছে ওপর থেকে নিচে।

কতক্ষণ শূয়েছিলাম জানি না। হঠাৎ মুখের ওপর একটা নরম হাত এসে পড়ায় ধড়মড়িয়ে উঠে বসলাম আমি। ঝটিতি দেশলাই বার করে ফস করে একটা কাঠি জ্বালিয়ে ফেললাম। আর দেখলাম, আলোর সামনে তিনটে প্রাণী অন্ধের মত পায়ে পায়ে পিছিয়ে যাচ্ছে—যে প্রাণী ওপরে স্থূপের মধ্যে দেখেছিলাম, হুবহু তার মতোই দেখতে এদের। গভীর জলের মাছের চোখের তারা যেমন বিরাট আর খুব অনুভূতি-সচেতন হয়, আলো পড়লে ঠিকরে যায়—বহুদিন মাটির নিচে বাস করার ফলে এদের চোখও তেমনি অস্বাভাবিকভাবে বড় হয়ে উঠেছে। আলো ছাড়া আমাকে ওরা ভয় করে বলে মনেই হলো না। আলো জ্বালামাত্র চটপট তিনজন সঁধিয়ে গেল অন্ধকারের মধ্যে, সুড়ঙ্গ আর গুলিঝুঁজির ভেতর থেকে অদ্ভুতভাবে শুধু দপ্ দপ্ করে জ্বলতে লাগল চোখগুলো।

ওদের ডাকলাম আমি। কিন্তু উর্ধ্বজগতের বাসিন্দাদের ভাষা আর এদের ভাষা তো এক নয়। কাজেই সে চেষ্টা আর না করে সুড়ঙ্গের মধ্যেই পায়ে পায়ে এগিয়ে গেলাম খানিকটা। যন্ত্রপাতির শব্দ আরও জোর হয়ে উঠল। একটু পরেই সুড়ঙ্গের দুপাশের দেওয়ালের আর নাগাল পেলাম না। আর একটা কাঠি জ্বালাতেই দেখি বিশাল খিলান-দেওয়া মস্ত এক গম্বীরের মধ্যে এসে দাঁড়িয়েছি আমি। আলোর সম্বর্ধী পরিধির

ওপাশে নিঃসীম অন্ধকারের মাঝে কতদূর পর্যন্ত যে গম্বুজটা গেছে, তা আর দেখতে পেলাম না।

কী যে দেখেছিলাম ভালো মনে নেই। আলো-আধারির মাঝে বিপুলাকার মেশিনগুলোর দানবের মতো কিছুতকিমাকার কালো ছায়া, আর সেই ছায়ার সাথে মিশিয়ে মর্লকদের অস্পষ্ট প্রেতচ্ছায়া আর জ্বলন্ত চোখ। গুমোট বাতাসে যেন দম আটকে আসছিল আমার। তাজা রক্তের অদ্ভুত গন্ধে গা গুলিয়ে উঠতে একটু দূরে চোখ পড়ল। দেখলাম, সাদা ধাতুর তৈরি একটা টেবিলের ওপর মাংসের একটা স্তুপ। মর্লকরা তাহলে মাংসাশী। কিন্তু লাল হাড়টা যে কোনো প্রাণীর তা ভেবে পেলাম না। অদ্ভুত গন্ধ। বড় বড় অথহীন ছায়া, ছায়ার মধ্যে ওৎ পেতে থাকা কুৎসিৎ প্রেতচ্ছায়া,—এই সবকিছুর একটা ভাসা ভাসা স্মৃতি ছাড়া আর কিছু মনে নেই আমার। তার পরেই কাঠিটা শেষ অবধি পুড়ে আঙুল স্পর্শ করল। চকিতে রাশি রাশি অন্ধকার ঝাঁপিয়ে পড়ল আমার ওপর।

কোনরকম হাতিয়ার না নিয়ে টাইম-মেশিনে চড়াটা যে আহাম্মুক হয়েছিল, তা হাড়ে হাড়ে উপলব্ধি করলাম সেদিন। ঐ নিবিড় অন্ধকারের মধ্যে দাঁড়িয়ে যেমি উঠলাম—অস্ত্রের মধ্যে শুধু আমার চার হাত—পা, দাঁত আর পকেটের শেষ সম্বল চারটি দেশলাইয়ের কাঠি।

দেশলাইয়ের কাঠি যে মাত্র চারটিতে এসে ঠেকেছে, তা শেষবার কাঠি জ্বালতে গিয়েই দেখেছিলাম। ইলয়দের নিয়ে মজা করার জন্যে দেদার কাঠি জ্বালাতাম আমি—তখন বুঝি নি ঐ সামান্য কাঠিই এত কাজে লাগতে পারে। অন্ধকারে দাঁড়িয়ে ভাবছি আর কাঠি অপচয় করা উচিত হবে কিনা, এমন সময়ে একটা হাত এসে পড়ল আমার হাতে, তার পরেই সবু আঙুলের ছোঁয়া লাগল আমার মুখে, আর কীরকম বোঁটকা একটা গন্ধ ভেসে এল নাকে। চারপাশে ভয়াবহজীবগুলোর শ্বাসপ্রশ্বাসের শব্দ শুনলাম, বহুজনে ঘিরে ধরেছে আমাকে। অনুভব করলাম, খুব সন্তুর্ণণে দেশলাইয়ের বাগ্নটা আমার হাত থেকে টেনে নেওয়ার চেষ্টা করছে কয়েকজন, আর কয়েকটা হাত টানাটানি করছে আমার পোশাক। সারা দেহে এদের ছোঁয়া অনুভব করে আমি এত অস্বস্তি বোধ করতে লাগলাম যে বলার নয়। আচম্বিতে ভাবলাম, এরা কেন এভাবে পরীক্ষা করছে আমায়? কী চায় ওরা? কী ওদের মতলব? ভয়ে শিউরে উঠলাম। হঠাৎ বিকট হুংকার দিয়ে উঠলাম। চমকে পিছিয়ে গেল ওরা, তার পরেই শুনলাম আবার এগিয়ে আসছে। এবার আরও জোরে চেপে ধরল আমায়, আর অদ্ভুত ফিস ফিস স্বরে কথা বলতে লাগল নিজেদের মধ্যে। সর্বাস্ত্র কেঁপে উঠল আমার। আবার বিকট শব্দে চোঁচিয়ে উঠলাম। এবার কিন্তু ওরা আর ভয় পেল না, বরং রক্ত হিম করা হাসির শব্দ ভেসে এল আমার কানে। ভীষণ ভয় পেয়ে গেলাম। কোনোরকমে একটা কাঠি বার করে জ্বাললাম। তারপর পকেট থেকে এক টুকরো কাগজ বার করে দেশলাইয়ের শিখায় তা জ্বালিয়ে নিয়ে পিছু হটে যেতে লাগলাম সুড়ঙ্গের মধ্যে দিয়ে। কিন্তু একটু যেতে না যেতেই নিভে গেল আগুন, অন্ধকারের মধ্যে শুনলাম খস খস শব্দে মর্লকরা দৌড়ে আসছে আমার দিকে।

মুহূর্তের মধ্যে কতকগুলো হাত আঁকড়ে ধরল আমায়। ওরা যে আমাকে ভেতরে টেনে নিয়ে যেতে চায়, সে বিষয়ে আর কোনো সন্দেহ রইল না। আর একটা কাঠি জ্বালিয়ে ওদের মুখের ওপর নেড়ে চোখ ধাঁধিয়ে দিলাম। ওদের চেহারা যে কী কদাকার আর অমানুষিক, তা আপনারা কল্পনা করতে পারবেন না। রক্তহীন, চিবুকহীন মুখ আর বড়

বড় গোলাকার লালভ ধূসর দুই চোখ। চোখের পাতা না থাকায় আলোর জেদ্বায় ওরা প্রায় অন্ধ হয়ে গেছিল, সেই সুযোগে ওদের ভালো করে দেখে আমার গা বমি-বমি করে উঠল। বেশি দেরি করলাম না, ঐ অবস্থাতেই পিছু হটে চললাম। দ্বিতীয় কাঠি ফুরোতে জ্বালালাম তৃতীয় কাঠি। এটা ফুরোতে ফুরোতেই পৌছোলাম সুড়ঙ্গের মুখে। কুয়োর নিচে বিরাট পাম্পের গুরুগভীর শব্দে মাথা ঘুরে যাওয়ায় কিনারায় শুয়ে পড়লাম আমি। তারপরেই পাশে হাত বাড়লাম হুকগুলোর দিকে কিন্তু ঠিক সেই মুহূর্তে ওরা আমার দুপা ধরে দারুণ হেঁচকা টান মারল পেছনে। শেষ কাঠিটা জ্বালালাম আমি.... কিন্তু তখনই নিভে গেল কাঠিটা। ততক্ষণে আমার হাত গিয়ে পড়েছে মইয়ের ওপর। কাজেই প্রচণ্ড কয়েকটা লাথিতে মল্লকদের ছিটকে ফেলে যত তাড়াতাড়ি সম্ভব উঠতে লাগলাম ওপরে। ওদের মধ্যে একজন অবশ্য কিছুদূর পর্যন্ত উঠে আমার বুটটা ধরেছিল, কিন্তু পদাঘাত ছাড়া তার বরাতে সেদিন আর কিছুই জোটে নি।

ওপরে ওঠা যেন আর ফুরোতেই চায় না। শেষ বিশ-তিরিশ ফুট ওঠার সময়ে দারুণ গা গুলিয়ে উঠল আমার। অতিকষ্টে আঁকড়ে রইলাম হুকগুলো। জ্ঞান হারানোর মতো অবস্থা হলো শেষ কয়েক গজ ওঠার সময়ে, প্রাণপণে নিজেকে সামলে রাখলাম। কয়েকবার তো মাথা ঘুরে গেল, একবার মনে হলো পড়ে যাচ্ছি। শেষ কালে কোনোরকমে উঠে এলাম কুয়োর মুখের কাছে, টলতে টলতে বেরিয়ে এলাম রোদুরভরা ভাঙা স্তুপের মাঝে। উপুড় হয়ে পড়ে গেছিলাম আমি। মাটির গন্ধ যে কত মিষ্টি, তা বুঝেছিলাম সেদিন। তারপর কানে ভেসে এল উইনা আর ক'জন ইলয়ের মিষ্টি স্বর। এরপরেই জ্ঞান হারালাম কিছুক্ষণের জন্যে।

১০

রাত্রি

আরও শোচনীয় হয়ে উঠল আমার অবস্থা। এতদিন শুধু ভেবেছি কী করে ফিরে পাওয়া যায় টাইম-মেশিন। কিন্তু মল্লকদের আস্তানা আবিষ্কার করার পর থেকে নতুন একটা দৃষ্টিস্তা দেখা দিল। সে দৃষ্টিস্তা অমাবস্যার অন্ধকারকে নিয়ে।

অবাক হচ্ছেন আপনারা। ভাবছেন অমাবস্যার অন্ধকারকে এত ডরানোর কী আছে। কিন্তু উইনাই এ দৃষ্টিস্তা ঢোকাল আমার মাথায়। অবাধ্য শব্দ আর দুর্বোধ্য ভাবভঙ্গি দিয়ে সে বুঝিয়ে দিল রাতের অন্ধকারের বিভীষিকা। প্রতি রাতে অন্ধকারের অন্তর-কাল একটু একটু করে বেড়েই চলেছে, এগিয়ে আসছে অমাবস্যা। সেই প্রথম উপলব্ধি করলাম অন্ধকারকে কেন ইলয়রা এত ভয় পায়। না জানি অন্ধকারের সুযোগ নিয়ে মল্লকরা কী নরক-লীলা চালায় মাটির ওপর। আমার দ্বিতীয় অনুমান যে একেবারে ভুল সে বিষয়ে আর কোনো সন্দেহ ছিল না। বহুকাল আগে ইলয়রা ছিল মল্লকদের প্রভু। কিন্তু বহু বছর নিশ্চিন্ত জীবন যাপনের ফলে ইলয়রা কারলোভিগনিয়ান রাজাদের মতো আরও সুন্দর হয়ে উঠলেও একেবারে অপদার্থ বনে গেছে। আর মল্লকরা হয়ে দাঁড়িয়েছে তাদের প্রভু। বহুকাল মাটির নিচে থাকার ফলে ওপরের আলো হাওয়া মোটেই সহ্য হয় না, ইলয়দের তারা ওপরেই থাকতে দিয়েছে। বহুদিনের মজ্জাগত অভ্যাসের ফলে ইলয়দের পোশাক

ইত্যাদি জোগান দিলেও মনিব-চাকরের পুরোনো সম্পর্ক আর নেই। বহুকাল আগে মানুষ তার যে ভাইকে নির্বাসনে পাঠিয়েছিল মাটির নিচে—সেই ভাই ফিরে এসেছে অন্যরূপ ধরে। ভয় কী বস্তু, তা ইলয়রা জেনেছিল অনেক আগেই। ধীরে ধীরে আবার নতুন করে এই ভয়ের আশ্বাদ তারা পেতে শুরু করেছে। নিচের টেবিলের ওপর রাখা মাংসের দৃশ্যটা চোখের সামনে ভেসে উঠল। হাড়ের আকারটা একটু চেনা চেনা মনে হলেও বুঝলাম না ঠিক কোন প্রাণীর।

ভয় পেয়ে খুদে মানুষরা অসহায় হয়ে থাকতে পারে, কিন্তু আমার পক্ষে তা শোভা পায় না প্রতিজ্ঞা করলাম, সবার আগে একটা হাতিয়ার আর একটা নিরাপদ আশ্রয় জোগাড় না করা পর্যন্ত দ্বিতীয় কোনো কাজ আর নয়। ঘুমের সুযোগে ওরা যে ইতিমধ্যেই আমাকে পরীক্ষা করে গেছে ভাবতেই গা শির শির করে উঠল আমার।

বিকেলের দিকে টেমস উপত্যকায় অনেক ঝুঁজেও আশ্রয় কোথাও পেলাম না। কুয়োর গা বেয়ে মর্লকদের ওঠানামা করার ক্ষমতা আমি নিজের চোখে দেখেছি। কাজেই গাছে-চড়া বা বাড়িতে ঢোকা তাদের পক্ষে মোটেই কষ্টকর নয়। হঠাৎ সবুজ পোর্সিলেনের প্রাসাদের বেজায় উচু ঝকঝকে চুড়োগুলো আমার মনে ভেসে উঠল। তখনই সেই ভর-সন্ধের সময়ে ছোট উইনাকে কাঁধে চাপিয়ে চললাম দক্ষিণ পশ্চিমে সবুজ প্রাসাদের দিকে। ভেবেছিলাম সাত-আট মাইল দূরে হবে প্রাসাদটা, কিন্তু হাঁটতে হাঁটতে বুঝলাম আমার ধারণা একেবারেই ভুল। তার ওপরে জুতোর একটা পেরেক বেরিয়ে পা ছিঁড়ে ক্ষতবিক্ষত করে দিয়েছিল। ঝুঁড়িয়ে ঝুঁড়িয়ে হাঁটতে দেরি হলো আরও। সূর্য তখন ডুবে গেছে পশ্চিমে, ফ্যাকাশে হলদেটে আকাশের পটে দেখলাম ছবির মতো ফুটে রয়েছে প্রাসাদের কালো রেখা।

কাঁধে চড়ে যাওয়া আর পছন্দ হলো না উইনার। আমার পাশে পাশে ছুটে চলল। প্রথম প্রথম আমার পকেটগুলো উইনাকে বেশ ভাবিয়ে তুলেছিল, শেষ কালে চমৎকার ফুলদানী হিসেবে ও গুলোকে কাজে লাগায় সে। সে সন্ধ্যাতেও কতকগুলো ফুল দিয়ে সাজিয়ে দিল আমার দুই প্যাণ্টের পকেট প্যাণ্ট পাল্টাবার সময়ে...

সময়-পর্যটক একটু থেমে প্যাণ্টের পকেট থেকে দুটো আশ্চর্য ধরনের শুকনো ফুল বার করে সামনের টেবিলে রাখলেন। তার পর আবার বলে চললেন।...

বহুক্ষণ হাঁটবার পর একটা গভীর বনের সামনে হাজির হলাম। ডাইনে বামে যাওয়ার উপায় নেই, কিন্তু আধারে বনের মধ্যে ঢুকে নতুন বিপদ ডেকে আনার সাহসও আমার হলো না। ইতিমধ্যে শ্রান্ত হয়ে ঘুমিয়ে পড়ায় কোলে তুলে নিয়েছিলাম উইনাকে। এদিকে-ওদিকে তাকিয়েও যখন সবুজ পোর্সিলেন প্রাসাদের কোনো চিহ্ন দেখলাম না, তখন সন্দেহ হল বোধহয় পথ হারিয়েছি। উইনাকে ঘাসের ওপর সন্তপর্ণে শুইয়ে আমি পাশে বসলাম কখন চাঁদ উঠবে সেই প্রতীক্ষায়।

চারিদিক নিঝুম নিস্তব্ধ। কখন-সখন অবশ্য বনের ভেতর জীবন্ত প্রাণীর নড়া-চড়ার ক্ষীণ শব্দ শুনতে পাচ্ছিলাম। পরিষ্কার রাত। মাথার ওপর তারার বিকিমিকি স্পষ্ট দেখা যাচ্ছিল। পুরোনো নক্ষত্রগুলোর একটাও দেখতে পেলাম না। একশো জনমেও (generation) যে তারার দলের ধীরগতি ধরা সম্ভব হয় না, তারাই লক্ষ বছরের মধ্যে নতুনভাবে সাজিয়ে নিয়েছে নিজেদের, কিন্তু ছায়া-পথটা আগের মতোই ধূলিকণার মতো

রাশি রাশি তারায় বোঝাই। দক্ষিণ দিকে আমাদের এখানকার sirius-এর চাইতেও ঢের বেশি জ্বলজ্বলে একটা লাল তারা দেখলাম। আর এই সব মিটিমিটে আলোর মালার মধ্যে পুরোনো বন্ধুর মতো জেগেছিল একটা জ্বলজ্বলে গ্রহ।

সমস্ত রাত মর্লকদের চিন্তা মন থেকে সরিয়ে রাখলাম জ্যোতিষ চর্চা দিয়ে। মাঝে মাঝে অবশ্য ঢুলছিলাম। কতক্ষণ বাদে পুবের আকাশে বর্ণহীন আগুনের আভা ছড়িয়ে দেখা দিল চাঁদের মরা মুখ। আর তার পরেই আশ্বে আশ্বে তা ঢাকা পড়ে গেল ভোরের আলোয়। ধীরে লাল হয়ে উঠতে লাগল পুবের আকাশ। সারারাত কোনো মর্লক হানা দেয় নি আমাদের ওপর। বোধহয় জানতে পারে নি তখনও।

উঠে দাঁড়াতে গিয়ে দেখি জুতো আর পায়ের অবস্থা শোচনীয় হয়ে দাঁড়িয়েছে। গোড়ালি ফুলেছে, পায়ের তলাও অক্ষত নেই। কাজেই জুতোজোড়া খুলে নিয়ে ফেলে দিলাম বনের মধ্যে। তারপর উইনাকে ঘুম থেকে তুলে আবার হাঁটা দিলাম। ভোরের আলোয় নির্ভয়ে এদিকে-ওদিকে খেলে বেড়াচ্ছিল কয়েকজন ফুটফুটে ইলয়। আনমনাভাবে তাকিয়েছিলাম ওদের দিকে। এমন সময়ে আচমকা পুরোনো দৃশ্যটা ভেসে উঠল আমার মনের চোখে। না, কোনো সন্দেহই আর নেই। মাটির নিচে টেবিলে যে মাংস দেখেছি, তার সাদৃশ্য খুঁজে পেলাম। ভাবতেই শিউরে উঠলাম আমি। কোন সুদূর অতীতে মর্লকদের খাবারের ভাঁড়ার নিশ্চয় ফুরিয়েছিল। খুব সম্ভব ইঁদুর-টিদুর খেয়ে বৈচে থাকত ওরা। এ যুগেও খাওয়ার বাছবিচার মানুষের মধ্যে বিশেষ আর দেখা যায় না। হাজার তিন-চার বছর আগে নরমাংসেও অব্রুচি ছিল না আমাদের পূর্বপুরুষদের। তারপর কত লক্ষ বছর গেছে কেটে, দাবুণ খাদ্যসংকটে পড়ে পাতালবাসী মর্লকদের মধ্যে সে অভ্যাস ফিরে আসা মোটেই বিচিত্র নয়। আমরা যেমন গরু-ভেড়া-মুগি পুষি, ওরাও তেমনি পুষছে ইলয়দের শুধু নিজেদের উদর সেবার জন্যে! এক শ্রেণীর সুবিধাবাদীদের চরম স্বার্থপরতার কী শোচনীয় শাস্তি।

১১

সবুজ পোসিলেনের প্রাসাদ

এই সব কথা ভাবতে ভাবতেই বনের পথ ফুরিয়ে এসেছিল। দূর থেকে সবুজ পোসিলেনের প্রাসাদ দেখতে পেলাম। তারপর আরও কিছু হাঁটার পর বেলা প্রায় বারটার সময়ে এসে পৌঁছলাম ভাঙাচোরা প্রাসাদের সামনে। জানালায় দেখলাম শূলিমলিন ভাঙা কাচের টুকরো, মরচে-ধরা ধাতুর ফ্রেম থেকে বড় বড় সবুজ পাতাগুলো খসে পড়ে গেছে নিচে। খুব উঁচু একটা ঘাসজমির ওপর দাঁড়িয়েছিল প্রাসাদটা। উত্তর-পূব দিকে মস্ত চওড়া একটা বাড়ি দেখে কিন্তু বেশ অবাক হয়ে গেলাম। আন্দাজে মনে হল একসময়ে ওয়ানডস্ ওয়ার্থ আর ব্যাটার সি ছিল ঐ জায়গায়। সাগরের প্রাণীগুলো যে কোথায়, তা অবশ্য ভেবে পেলাম না।

প্রাসাদ পরীক্ষা করে দেখলাম বাস্তবিকই তা আগাগোড়া পোসিলেনে তৈরী। সামনের দিকে বিচিত্র হরফে এককালে কিছু লেখা ছিল, কিন্তু তা পড়া সম্ভব হলো না আমার পক্ষে।

দরজার পেছায় পাল্লাগুলো আগেই খসে পড়েছিল কঙ্কা থেকে। কাজেই ভেতরে

টুকতে কোনো অসুবিধা হল না। সামনেই দেখলাম মস্ত লম্বা একটা গ্যালারি, দু'পাশের সারি সারি জানালা দিয়ে আলো আসছে ভেতরে। দেখেই মনে হলো, এ মিউজিয়াম না হয়ে যায় না। টালি দিয়ে বাঁধানো মেজেতে পুরু হয়ে জমেছে ধুলো, ওপরে ধুলোর চাদরে ঢাকা-পড়া এদিকে সেদিকে ছড়ানো কত আশ্চর্য আর অদ্ভুত জিনিস। হলের ঠিক মাঝখানে অতিকায় একটা কঙ্কালের নিচের অংশ পড়ে থাকতে দেখলাম। বাঁকা পা দেখে বুঝলাম কঙ্কালটা মেগাথিরিয়াম জাতীয় কোনো অধুনালুপ্ত প্রাণীর। পুরু-ধুলোর মাঝে মাথার খুলি আর ওপরের হাড়গুলো পড়েছিল। পাশের খানিকটা অংশ ছাদ থেকে বৃষ্টির জল পড়ে অনেকদিন আগেই ক্ষয়ে ধুলোয় মিশে গেছে। গ্যালারিতে ব্রন্টোসরাসের একটা বিপুল কঙ্কালও দেখলাম। আমার অনুমান তা হলে মিথ্যে নয়, এটা মিউজিয়ামই বটে। পাশের ঢালু তাকগুলোর ধুলো ঝেড়ে পেলাম আমাদের যুগের পরিচিত কাচের আলমারি। ভেতরের জিনিসগুলোর অল্পন অল্পন দেখে বুঝলাম প্রত্যেকটি আলমারি নিশ্চয় এয়ার-টাইট করা।

বুঝতেই পারছেন, আগামীকালের সাউথ কেলসিষ্টনের এক ভাঙা স্তূপের মাঝে স্তম্ভিত হয়ে দাঁড়িয়ে রইলাম আমি। যেখানে দাঁড়িয়েছিলাম, নিশ্চয় এককালে পৃথিবীর জীব-বিজ্ঞান বিভাগ ছিল সেখানে। কত রকমারি জীবাণু যে দেখলাম তার ইয়ত্তা নেই। জীবাণু আর ছত্রাক লোপ পাওয়ার ফলে যদিও ক্ষয়ের প্রকোপ শতকরা নিরানব্বুই ভাগ কমে গিয়েছিল; তবুও মূল্যবান বহু জীবাণু ধ্বংসের হাত থেকে রেহাই পায় নি। এখানে-সেখানেই খুঁদে মানুষের প্রায়-নষ্ট বহু জীবাণু দেখলাম ধুলোয় মলিন হয়ে উঠেছে। কোথাও টুকরো টুকরো হয়ে ঝুলছে তাকের ওপর। কতকগুলো আলমারির তো কোনো চিহ্নই পেলাম না, বোধহয় মর্লকরা সরিয়েছে সেগুলো। হুঁচ পড়ার শব্দ শোনা যায় এমন গভীর নৈঃশব্দ চেপে বসেছে চারিদিকে। পুরু ধুলোয় পা বসে যাচ্ছিল আমাদের। উইনা একটা সামুদ্রিক সজ্জার নিয়ে খেলা করছিল, আমায় চুপ করে দাঁড়াতে দেখে দৌড়ে এসে হাত ধরে দাঁড়াল পাশে।

এই একটা হলের আকার দেখে মনে হল, সবুজ পোর্সিলেনের প্রাসাদে শুধু আদিম জীব-বিজ্ঞানের গ্যালারিই নেই, ঐতিহাসিক গ্যালারি, এমন কি গ্রন্থাগার থাকাও অস্বাভাবিক নয়। গত যুগের মানুষদের বিপুল প্রতিভার এই বিরাট নিদর্শন দেখে স্তম্ভিত না হয়ে পারলাম না। আর একটু এগোতে প্রথম গ্যালারির সঙ্গে আড়াআড়িভাবে আর একটা ছোট গ্যালারি দেখলাম। এখানে দেখলাম রাশি রাশি খনিজ পদার্থ। হঠাৎ এক টুকরো গন্ধক দেখে ভাবলাম গান-পাউডার তৈরি করলে কেমন হয়? তাই দিয়ে সাদা স্ফিঞ্জে-এর ব্রোঞ্জের দরজা উড়িয়ে টাইম-মেশিন উদ্ধার করা তো নিতান্ত ছেলেখেলা। কিন্তু সাড়া পেলাম না কোথাও। নাইট্রেট জাতীয় কোনো বৈজ্ঞানিক সন্ধানই পেলাম না। বলা বাহুল্য অনেক বছর আগে সে সব উবে মিলিয়ে গেছে বাতাসে। গন্ধকটা কিন্তু তবুও হাতছাড়া করতে মন চাইল না। গ্যালারির মধ্যে আর বিশেষ কিছু দেখার ছিল না। বিশেষ করে খনিজ পদার্থের মাথামুণ্ড যখন আমি বুঝি না, তখন এ হল থেকে বেরিয়ে আর একটা ভাঙাচোরা হলে প্রবেশ করলাম। এককালে বোধহয় জীব-বিদ্যার বিভাগ ছিল এখানে—যদিও কিছু আর চেনার উপায় ছিল না তখন। জীব-জন্তুর কতকগুলো ধুলোপড়া টুকরো টুকরো মূর্তি, জারে রাখা শুকনো মমী-জারের স্পিরিট অবশ্য অনেক আগেই উবে গেছিল; দুস্তাপ্য গাছপালার বাদামি একটু ধুলো; ব্যস আর কিছু নেই। মানুষ জাতটা কিভাবে দু'ভাগ হয়ে মর্লক আর ইলয়েতে এসে ঠেকেছে, তা দেখতে পেলাম না বলে খুব

হতাশ হলাম। এরপর ঢুকলাম একটা মস্তবড় গ্যালারিতে। একে তো হলটা বড়, তার ওপর আলো কমে আসায় দু'পাশের দেওয়ালও দেখা যাচ্ছিল না ভালো করে। ঘরের মেঝে ঢালু হয়ে নেমে গেছে নিচের দিকে। দূরে দূরে অবশ্য ছাদ থেকে বড় বড় সাদা কাঁচের গ্লোব ঝুলছিল, যদিও বেশিরভাগই আর আস্ত ছিল না। কাচের ফানুস দেখেই বুঝলাম একসময়ে কৃত্রিম আলোর ব্যবস্থা ছিল জায়গাটায়। দুপাশে মস্ত উঁচু উঁচু মেশিনের সারি চলেছে, এক-একটা মেশিন যে কতবড় তা আপনাদের বলে বোঝাতে পারব না। সব মেশিনেই মরচে ধরেছে, কতকগুলো ভেঙেচুরে গেছে। জানেন তো, যন্ত্রপাতির ওপরে আমার একটু দুর্বলতা আছে, তাই তন্ময় হয়ে গেলাম মেশিনগুলোর মধ্যে। কিন্তু বুঝলাম না কী কাজে লাগত এত মেশিন।

হঠাৎ গা ঘেঁসে দাঁড়াল উইনা। চমকে উঠেছিলাম আমি। আর তখনই লক্ষ করলাম গ্যালারির মেঝে তখনও ঢালু হয়ে নেমে চলেছে নিচের দিকে। যেদিক দিয়ে এসেছি, সেদিকটা দেখলাম বেশ খানিকটা উঁচুতে। সরু সরু জানালা দিয়ে আলো ঝরে পড়ছে সেখানে। কিন্তু পথটা যতই ঢালু হয়ে নেমেছে নিচের দিকে, ততই কমেছে জানালার সংখ্যা আর আলোর পরিমাণ। মেশিনগুলোর জটিলতা তখনও আমার মাথায় ঘুরছে, আনমনা হয়ে চলতে চলতে আলো যে আস্তে আস্তে কমে এসেছে তা লক্ষ্য করি নি। কিন্তু উইনার ভয় ক্রমাগত বেড়েই চলেছে দেখে মেশিনের চিন্তা ছেড়ে ভালো করে তাকলাম সামনের দিকে। দেখলাম, গ্যালারি আরও খানিকটা নেমে নিঃসীম অন্ধকারের মাঝে হারিয়ে গেছে। থমকে গিয়ে চারপাশে তাকাতেই দেখি আগের চাইতে ধুলো অনেক কমে এসেছে, মেঝেও আর ততটা মসৃণ নয়। আরও সামনে অন্ধকারের দিকে ছোট ছোট কতকগুলো পায়ের ছাপ দেখতে পেলাম।

তৎক্ষণাৎ বুঝলাম এ ছাপ মল্লকদের পায়ের ছাপ না হয়ে যায় না। বুঝলাম যন্ত্রপাতি নিয়ে মাথা ঘামাতে গিয়ে এতটা সময় নষ্ট করা কোনোমতেই উচিত হয় নি আমার। বিকেল গড়িয়ে এল। অথচ তখনও পর্যন্ত আত্মরক্ষার জন্যে কোনো হাতিয়ার, কোনো আশ্রয়, এমন কি আগুন জ্বালাবার কোনো বন্দোবস্তও করে উঠতে পারি নি। তার পরেই গ্যালারির নিচে দূরে অন্ধকারের মধ্যে থেকে ভেসে এল অজ্ঞাত রকমের খস খস শব্দ—যে শব্দ আমি শুনেছি কুয়ার নিচে।

হঠাৎ মাথায় একটা মতলব এল। পাশের মেশিনটা থেকে লিভারের মতো একটা লোহার ডাণ্ডা বেরিয়েছিল। মেশিনটার ওপর উঠে দুহাতে লিভারটা আঁকড়ে ধরে সব শক্তি দিয়ে চাপ মারলাম পাশের দিকে। মিনিটখানেক জোর দেওয়ার পর খসে এল লিভারটা। দেখলাম মল্লকদের পাতলা খুলি ফাটানোর পক্ষে ঐ ডাণ্ডাই যথেষ্ট। সেই মুহূর্তে দারুণ ইচ্ছে হল নিচে নেমে গিয়ে কতকগুলো খুলি চুরমার করে আসি। কিন্তু পাছে শেষপর্যন্ত টাইম মেশিনটা হারাতে হয়, এই ভয়ে এগোলাম না। ভাবছেন নিজের বংশধরদের খুন করার এত পাশব ইচ্ছে কেন? আরে মশাই সে কদর্য জীবগুলোকে দেখলে আপনারও ঐ একই ইচ্ছে হত।

এক হাতে উইনা আর এক হাতে লোহার ডাণ্ডা নিয়ে উঠে এলাম ওপরে, ঢুকলাম পাশের আরও বড় একটা হলে। দেখে মনে হল যেন সামরিক গির্জায় ঢুকে পড়েছি। ফালি ফালি ছেঁড়া জীর্ণ নিশান ঝুলছে এদিকে-সেদিকে। বইয়ের মতো কতকগুলো জিনিস

দেখলাম, যদিও বই বলে আর চেনা যায় না তাদের। বোর্ড আর চিড় খাওয়া ধাতুর মলাট দেখেই বুঝলাম এক সময়ে প্রচুর বই স্থান পেয়েছিল এই ঘরে।

তারপর একটা চওড়া সিঁড়ি বেয়ে এলাম যে ঘরে একসময়ে বোধহয় শিল্পবিষয়ক বিভাগ ছিল সেখানে। ঘরের একদিকের ছাদ ধ্বসে পড়লেও বাকি অংশে প্রতিটি জিনিস সাজানো ছিল পরিস্কারভাবে। ব্যস্তসমস্ত হয়ে ইতিউতি দেখতে দেখতে যা চাইছিলাম, তা পেলাম। এক কোণে বায়ুনিরোধক একটা দেশলাইয়ের বাস্র। দুকদুক বুকে ঘষলাম একটা কাঠি, ফস করে জ্বলে উঠল কাঠিটা। যাক, তাহলে ভিজ়ে গুঠে নি কাঠিগুলো। মহানন্দে ইচ্ছে হলো দু'হাত তুলে নাচি। কিন্তু এ বয়সে নাচা শোভা পায় না, তাই গলা ছেড়ে 'The Land of the Leal' গাইলাম বেশ কিছুক্ষণ ধরে। বীভৎস প্রাণিগুলোকে জ্বপ করার একটা যুৎসই হাতিয়ার পেয়ে আমার আনন্দ যেন আর বাধা মানতে চাইল না।

স্মরণাতীত বছরের পরও একেবারে তাজা অবস্থায় দেশলাই পাওয়া যে কতটা সৌভাগ্যের ফলে সম্ভব, সেই কথাই ভাবতে ভাবতে আর একটা জিনিস দেখে মনটা আবার নেচে উঠল। ভেবেছিলাম জিনিসটা কয়েকটুকরো মোম। ইচ্ছে ছিল বাতি বানানো যাবে, তাই মুখবন্ধ কাচের জারটা ভেঙে ফেললাম। কিন্তু যা পেলাম, তা মোম না। গন্ধ থেকে বুঝলাম কর্পূরের টুকরো। হতাশ হয়ে ফেলে দিতে যাচ্ছিলাম, হঠাৎ মনে পড়ল কর্পূর তো দাহ্য পদার্থ। জ্বালিয়ে দিলে বাতির মতো চমৎকার আলো দেবে। সুতরাং পকেটে চালান করে দিলাম টুকরোগুলো। কিন্তু স্ফিংজের দরজা ওড়ানোর জন্যে কোনো বিস্ফোরক পেলাম না। লোহার ডাণ্ডা দিয়ে সে কাজ সারাব, এই মতলব আঁটতে আঁটতে মহানন্দে বেরিয়ে এলাম ঘর ছেড়ে।

সে দীর্ঘ অপরাহ্নে খুঁটিনাটি বর্ণনা শোনানোর মতো জোরালো স্মৃতিশক্তি আমার নেই। পর পর সাজিয়ে সব বলাও সম্ভব নয়। মনে আছে মরচেপড়া অস্ত্রের একটা লম্বা গ্যালারিতে ঢুকেছিলাম। লোহার ডাণ্ডা ফেলে দিয়ে কুড়োল নিই কি তলোয়ার নিই, এই দোটিনায় পড়লাম সেখানে। দুটোই তো আর বয়ে নিয়ে যাওয়া সম্ভব নয়। শেষকালে ভেবে দেখলাম ব্রোঞ্জের দরজার পক্ষে লোহার ডাণ্ডাই আদর্শ হাতিয়ার, তাই মনস্থির করে তলোয়ার ফেলে রেখে গেলাম অন্য দিকে। দেখলাম প্রচুর বন্দুক, পিস্তল আর রাইফেল। বেশিরভাগ অস্ত্রই মরচে ছাড়া আর কোনো পদার্থ নেই। কতকগুলো এক ধরনের নতুন রকম ধাতুতে তৈরী মনে হল। সেগুলো অবশ্য মোটামুটি চলনসই অবস্থায় ছিল। কিন্তু কার্টিজ আর গান পাউডার যা ছিল, তা অনেকদিন আগেই নষ্ট হয়ে মিশে গেছে ধুলোয়। আর এক দিকে দেখি সারি সারি দেবমূর্তি সাজানো—পলিনেশিয়ান, মেক্সিক্যান, গ্রিসিয়ান, ফোনিসিয়ান—কোন দেশই বাদ যায় নি। কী খেয়াল হল, দক্ষিণ আমেরিকার একটা বিদ্যুটে দানোর নাকের ওপর লিখে রাখলাম আমার নাম।

যতই বিকেল গড়িয়ে আসতে লাগল, ততই কমতে লাগল আমার আগ্রহ। ধূলিধূসর নিখর পুরীর একটার পর একটা গ্যালারি পেরিয়ে চললাম আমি। কোনোটায় শুধু ভাঙা পাথর আর মরচেপড়া ধাতুর রাশি, কোনোটায় ছড়ানো দুস্ত্রাপ্য সামগ্রী। আচমকা চোখে পড়ল টিন-খনির একটা মডেল, তার পরেই হঠাৎ দেখলাম এয়ার-টাইট কৌটায় পাশাপাশি সাজানো দুটো ডিনামাইট কার্টিজ। 'ইউরেকা' বলে চোঁচিয়ে উঠলাম সোপানাসে। দারুণ আনন্দে তখন চুরমার করে ফেললাম কৌটোটা। কিন্তু তার পরেই কীরকম সন্দেহ হল।

একটু ইতস্তত করে গ্যালারির কোণে কার্টিজ রেখে আগুন দিলাম সলতেতে। এমন নিরাশ আর কখনও হই নি আমি। পাঁচ-দশ-পনেরো মিনিট অপেক্ষা করলাম, কিন্তু বিস্ফোরণ আর হলে না। বুঝলাম ও-দুটো নিছক ‘ডামি’ ছাড়া আর কিছু না।

তার পরেই প্রাসাদের মধ্যে ছোট্ট একটা প্রাঙ্গণে এসে পড়লাম আমরা। বেশ পরিষ্কার ঘাসজমির ওপর দেখলাম তিনটে ফলের গাছ। খিদে পেয়েছিল খুব। কাজেই ফলাহারের পর ঘাসের ওপর একটু জিরিয়ে নিলাম। নিরাপদ আশ্রয় স্থান তখনও মেলে নি অথচ রাত এল ঘনিয়ে। মনে মনে ভাবলাম, আর দরকারও হবে না। মর্লকদের দূরে ঠেকিয়ে রাখার পক্ষে এক বাত্র দেশলাই যথেষ্ট। ঠিক করলাম বাইরে আগুনের কুণ্ড জ্বালিয়ে আজ রাতটা কাটিয়ে কাল সকালেই লোহার ডাণ্ডা দিয়ে ভাঙব ব্রোঞ্জের দরজা।

১২

অঙ্ককারে

প্রাসাদ থেকে যখন বেরোলাম তখনই দিগন্তের ওপরে সূর্যের কিনারা দেখা যাচ্ছে। পরের দিন সকালে যেমন করেই হোক সাদা স্টিফৎসের কাছে আমাদের পৌঁছতে হবে। কাজেই ঠিক করলাম সামনের বনটাও পেরোতে হবে চারদিকে অঙ্ককার চেপে বসার আগেই। ইচ্ছে ছিল রাতে যতটা পারি এগোব, তারপর আগুনের কুণ্ড জ্বালিয়ে নিরাপদে ঘুমাব বাকি রাতটা। সেইমতো শুকনো কাঠ আর ঘাস জোড়াড় করছিলাম। শেষে দু’হাত বোঝাই হয়ে যাওয়ার ফলে তাড়াতাড়ি হাঁটা আর সম্ভব হল না। এর ওপর উইনাও ক্লান্ত হয়ে পড়েছিল। কাজেই বনের সামনে যখন পৌঁছলাম, বেশ আঁধার নেমেছে চারদিকে। বনের ভেতর মিশমিশে অঙ্ককার দেখে উইনা আঁকড়ে ধরলে আমায়। কেমন জানি অজানা ভয়ে আমারও গা ছম ছম করে উঠল। কিন্তু হঠাৎ কীরকম গৌঁ চেপে গেল। ঘুমের অভাবে পরিশ্রমের ফলে ঠিক সুস্থও ছিলাম না আমি। বিপদ আসন্ন জেনেও হটে আসতে মন সায় দিল না।

যাব কি যাব না ভাবছি, এমন সময়ে ঠিক পেছনে অঙ্ককারের মধ্যে অস্পষ্ট তিনটে মূর্তিকে দেখলাম কালো ঝোপের মধ্যে দিয়ে গুঁড়ি মেড়ে এগিয়ে আসছে। চারপাশে লম্বা ঘাস ছাড়া আত্মরক্ষা করার মতো আর কিছু চোখে পড়ল না। তাছাড়া মূর্তি তিনটির এগোবার ধরণধারণ ও বিশেষ সুবিধার মনে হল না। প্রায় মাইলখানেক লম্বা বনটা, বনের ওদিকে কোনোরকমে পৌঁছতে পারলে পাহাড়ের পাশে নিরাপদে রাত কাটানোর মতো অনেক আশ্তানা পাওয়া যাবে। ভেবে দেখলাম, কর্পূর আর দেশলাই যখন সঙ্গে আছে, পথে আলোর অভাব হবে না। তবে কাঠ-কুটোগুলো ফেলে দেওয়া ছাড়া উপায় নেই। কাজে কাজেই ফেলে দিতে হল বোঝাটা। তখনি একটা মতলব এল মাথায়। নিশাচর মর্লকদের ভড়কে দেওয়ার জন্যে কুটোগুলোর ওপর দেশলাইয়ের একটা জ্বলন্ত কাটি ফেলে দিলাম।

নাতিশীতোষ্ণ অঞ্চলে দাবানল বড় একটা দেখা যায় না। নিরক্ষীয় অঞ্চলে মাঝে মাঝে শিশির কণার মধ্যে দিয়ে সূর্যকিরণ ফোকাস বিন্দুতে কেন্দ্রীভূত হয়ে শুকনো ঘাসপাতা জ্বালিয়ে দাবাগ্নি সৃষ্টি করে। কিন্তু এ অঞ্চলে সূর্যের সে তেজ নেই। বাজ পড়লেও বিশেষ

জায়গাটি পুড়ে কাঠকয়লা হয়ে যায়, দাবানল জ্বলে না। তাছাড়া সে যুগে আগুন জ্বালানোর কায়দাকানুনও ভুলে গেছিল সবাই। কাঠকুটোর ওপরে লকলকে লাল আগুনের শিখার নাচ দেখে উইনা তো মহাখুশি। চারপাশে নেচে নেচে ঘুরতে শুরু করে দিল ধরে না রাখলে হয়ত আগুনের মধ্যে ঝাপিয়ে পড়তেও ছাড়ত না।

আগুনের আভাষ সামনের পথ পরিষ্কার দেখা যাচ্ছিল, উইনাকে কোলে তুলে নিয়ে এগিয়ে চললাম সেদিকে। উইনা কিন্তু কিছুতেই যাবে না অন্ধকারের মধ্যে, কিন্তু না গিয়ে তো উপায় নেই। কিছুদূর গিয়ে দেখলাম আগুন আশেপাশের ঝোপেও ঝড়িয়ে পড়েছে, বাঁকা একটা আগুনের রেখা শুকনো ঘাস বয়ে এগিয়ে চলেছে পাহাড়ের দিকে। মাথার ওপর ঘন অন্ধকারের মধ্যে শুধু দু-একটা তারার কিমিকিমিকি দেখতে পাচ্ছিলাম। আশপাশ অন্ধকার হয়ে এসেছিল। দেশলাই জ্বালানোও আর সম্ভব ছিল না, কেন না একহাতে উইনা আর একহাতে লোহার ডাণ্ডা নিয়ে পথ চলতে হচ্ছিল আমাকে।

কিছুদূর পর্যন্ত পায়ের তলায় শুকনো কুটো ভাঙার মট মট শব্দ, গাছের পাতার সরসরানি আর নিজের শ্বাসপ্রশ্বাসের শব্দ ছাড়া আর কিছুই শুনলাম না। তার পরেই মনে হল তরু-পল্লবের মর্মর ধ্বনি ছাড়াও চারপাশে আবার জেগেছে সেই অদ্ভুত খস খস শব্দ, কারা যেন বাতাসের সুরে ফিস ফিস করে কথা বলছে নিজেদের মধ্যে! আরও জোরে এগিয়ে চললাম। ফিস ফিস আর খস খস শব্দ ক্রমশঃ স্পষ্ট হয়ে উঠল, তার পরেই শুনলাম পাতালপুরীতে শোনা মর্লকদের অদ্ভুত গলার স্বর। আশপাশেও নিশ্চয় এসে পড়েছিল কয়েকটা মর্লক। সত্যি সত্যিই হঠাৎ কোটের পেছনে একটা টান পড়ল, সঙ্গে সঙ্গে আমার হাত টেনে ধরল একজন। দারুণভাবে ধর ধর করে কঁপে উঠল উইনা, তার পরেই একেবারে নিষ্পন্দ হয়ে গেল।

দেশলাই না জ্বালিয়ে আর উপায় নেই। উইনাকে তাহলে মাটিতে শোয়ানো দরকার। তাই করলাম। পকেট হাতড়ে দেশলাই বার করছি—কয়েকজন আমার হাঁটু ধরে টানাটানি শুরু করে দিল। তীক্ষ্ণ শিষ দেওয়ার মতো বিদ্যুটে শব্দও ভেসে এল মর্লকদের দিক থেকে। কতকগুলো নরম হাত আমার কোট আর পিঠ চেপে ধরেছিল, কয়েকটা হাত আমার ঘাড়ের ওপর এসে পড়ল। তার পরেই জ্বলে উঠল আমার কাটিটা। মর্লকদের শুধু সাদা পিঠগুলোই দেখতে পেলাম। তীরবেগে পালাচ্ছে গাছের আড়ালে। এরপর তাকালাম উইনার পানে। আমার পা আঁকড়ে ধরে উপুড় হয়ে মাটির ওপর নিথর দেহে পড়েছিল বেচারী। ভয় হয়ে গেল খুব, নিঃশ্বাস পড়ছিল কিনা তাও ভালো বোঝা যাচ্ছিল না। তাড়াতাড়ি একটা কর্পূরের ডেলা পকেট থেকে বার করে জ্বালিয়ে নিয়ে এক পাশে ছুড়ে দিয়ে উইনাকে কোলে তুলে নিলাম। কর্পূরের জোরাল আলোয় মর্লকগুলো আরও দূরে সরে গেলেও মনে হল পেছনের বন থেকে ভেসে এল বহুজনের নড়াচড়ার শব্দ আর গুঞ্জনধ্বনি। যেন বিরাট একটা দলের সমাবেশ ঘটেছে বনের অন্ধকারে।

উইনার বোধহয় জ্ঞান হারিয়েছিল। কাঁধের ওপর ওকে তুলে নিয়ে এগোতে গিয়ে দারুণ ভয়ে আমার হাত-পা ঠাণ্ডা হয়ে এল। দেশলাই আর উইনাকে সামলাতে গিয়ে কয়েকবার এদিকে-ওদিকে ফিরেছিলাম, ফলে দিক হারিয়েছি আমি। কোনদিকে যে সবুজ পোর্সিলেনের প্রাসাদ আর কোন দিকেই বা পাহাড়, সব গুলিয়ে গেছে। এ রকম অবস্থায় এগোনো মানে মরণকে ডেকে আনা। কাজেই ঠিক করলাম আগুন জ্বেলে রাতটা এখানেই

কাটিয়ে দেব। কপূরটা জ্বলতে জ্বলতে নিভে আসার আগেই তাড়াতাড়ি কাঠকুটো জড়ো করতে লাগলাম। ভয়ে উদ্বেজনা ভেতরে ভেতরে যেমে উঠেছিলাম আমি। আর এখানে সেখানে আমার চারদিকে কুচকুচে অন্ধকারের মাঝে কার্বাঙ্কলের মত দপ দপ করে জ্বলতে লাগল মর্লকদের চোখগুলো।

হঠাৎ নিভে গেল কপূরটা। তাড়াতাড়ি জ্বালালাম একটা কাঠি, এর মধ্যেই কিন্তু জনা-দুই সাদা মূর্তি এগিয়ে এসেছিল উইনার দিকে। আচমকা দেশলাই জ্বলে ওঠায় একজন ঘুরেই ছুট দিল, আর একজনের চোখ এমন ধাঁধিয়ে গেল যে সিধে এগিয়ে এল আমার দিকেই। কোনোরকম দ্বিধা না করে মোক্ষম এক ঘুসি বসিয়ে দিলাম তার থুংনির ওপর—কোঁক্ করে একটা শব্দ করে একটু টলমল করেই সটান আছড়ে পড়ল সে মাটির ওপর। পকেট থেকে এক টুকরো কপূর বার করে জ্বালিয়ে দিয়ে কাঠকুটো জড়ো করে চললাম দূরহাতে। লক্ষ্য করলাম, মাথার ওপর গাছপালাগুলো বেজায় শুকনো। মনে পড়ল, টাইম-মেশিন নিয়ে আসার পর প্রায় হপ্তাখানেক আর বৃষ্টি হয় নি এ অঞ্চলে। সুতরাং কুটো কুড়োনো ছেড়ে লাফ মেরে গাছের শাখাগুলোই টেনে টেনে নামিয়ে আনতে লাগলাম। দেখতে দেখতে সবুজ গাছপাতা আর শুকনো কাঠকুটোয় লক লক করে উঠল আগুন, যেমন জোরালো তেমনি প্রচুর ধোঁয়া সে আগুন।

কপূরের খরচ এইভাবে কমিয়ে উইনার কাছে গেলাম এবার। অনেক চেষ্টা করলাম, কিন্তু মড়ার মতো নিষ্পন্দ হয়ে পড়ে রইল বেচারী। সত্যিই ওর নিঃশ্বাস পড়ছে কি না তাও বুঝতে পারলাম না।

ধোঁয়ায়, কপূরের ভারী গন্ধে, রাত জাগায় আর পথের ক্লান্তিতে হঠাৎ যেন বড় শান্ত মনে হল নিজেকে। ঘাসের ওপর বসে পড়লাম। আগুন বেশ জ্বরেই জ্বলছিল, ঘন্টাখানেকের মতো নিশ্চিন্ত। ঘুমে চোখ জুড়ে আসছিল। তার ওপর সারা বন জুড়ে জেগেছিল আশ্চর্য এক ঘুমপাড়ানি গুঞ্জন। বসে বসেই ঢুলছিলাম—তারপরেই চোখ খুলে দেখি, চারদিকে অন্ধকার। আর মর্লকদের হাত আবার পঁচিয়ে ধরেছে আমাকে। সরু সরু আঙুলগুলোয় এক ঝটকান দিয়ে তাড়াতাড়ি পকেটে হাত দিলাম—কিন্তু নেই, উধাও হয়ে গেছে দেশলাইয়ের বাস্র। ওরা আরও জ্বরে চেপে ধরল আমাকে। বুঝলাম, ঘুমিয়ে পড়েছিলাম আমি, সেই সময়ে আগুন নিভে যাওয়ার ফলেই এই বিপত্তি। আতঙ্ক আমার সবঙ্গ অবশ হয়ে এল। সমস্ত বনটা মনে হল পোড়া কাঠের গন্ধে ভরে উঠেছে। ওরা আমার ঘাড়, চুল, হাত শক্ত করে চেপে ধরে শুইয়ে দিচ্ছিল মাটিতে, বুকের ওপরেও চড়ে বসেছিল কুৎসিত, নরম প্রাণীগুলো। সে যে কী ভয়ঙ্কর অনুভূতি, তা বর্ণনা করা সম্ভব নয়। মনে হল যেন অতিকায় একটা মাকড়শার জালে জড়িয়ে পড়েছি আমি। আমাকে সম্পূর্ণভাবে পেড়ে ফেলেছিল ওরা, নড়াচড়া করার ক্ষমতা ছিল না। ঘাড়ের কাছে হঠাৎ দাঁত বসার জ্বালা অনুভব করলাম, তাইতেই একটু গড়িয়ে যেতে হাতটা গিয়ে পড়ল লোহার ডাঙটার ওপর। নতুন শক্তি পেলাম যেন। প্রাণপণ শক্তিতে ঝাঁকুনি দিয়ে দাঁড়িয়ে উঠলাম, মানুষ ইদুরগুলো ছিটকে পড়ল মাটির ওপর। সঙ্গে সঙ্গে দূরহাতে ডাঙটা চেপে ধরে আন্দাজ মতো মুখ লক্ষ্য করে সজোরে ঘোরাতে লাগলাম। শুনতে পেলাম মড় মড় করে ঝড়োচ্ছে হাড়, অনুভব করলাম মাংস ঝেঁতলে দলা পাকিয়ে যাচ্ছে এক এক আঘাতে—মুহূর্তের মধ্যে আবার মুক্ত হলাম আমি।

নির্মম এক জিহ্বাসায়-যেন আমার সমস্ত চেতনা আচ্ছন্ন হয়ে গেল। ভাবলাম, উইনা আর আমি দুজনেই যখন পথ হারিয়ে পড়েছি এদের হাতে, তখন এই কুৎসিত পিশাচগুলোর নরমাংস খাওয়ার সাধ আজকে ভালো করেই মিটিয়ে দেব। একটা গাছের গুঁড়িতে হেলান দিয়ে ডাইনে বামে বেপরোয়া ডাঙা ঘোরাতে লাগলাম। সমস্ত জঙ্গলটা ওদের ছুটোছুটি আর চিংকারে ভরে উঠল। কেটে গেল একটা মিনিট। ওদের স্বর যেন দারুণ উত্তেজনায় আরও কয়েক পর্দা উচুতে উঠে গেল, ছুটোছুটি আগের চাইতে বেড়ে গেল অনেক। তবুও কিন্তু কাউকে আর নাগালের মধ্যে আসতে দেখলাম না। অন্ধকারের মধ্যে এদিকে ওদিকে তাকালাম, কেউই আর এল না। মর্লকরা সত্যিই ভয় পেয়ে গেল তাহলে? প্রায় সঙ্গে সঙ্গেই অদ্ভুত একটা জিনিস দেখলাম। মনে হল অন্ধকার যেন আলোর আভায়ে স্বচ্ছ হয়ে উঠেছে। আবছাভাবে দেখলাম আশেপাশে ছুটোছুটি করছে সাদা প্রাণীগুলো। পায়ের কাছেই পড়ে রয়েছে তিনটে রক্তাক্ত দেহ। নিজের চোখকে বিশ্বাস করতে পারলাম না যখন দেখলাম পালে পালে পেছনের জঙ্গল থেকে বেরিয়ে তীরবেগে দৌড়োতে দৌড়োতে সামনের জঙ্গলে মিলিয়ে যাচ্ছে ওরা। স্রোতের মতো অগুস্তি মর্লক দুপাশ দিয়ে ছুটে সামনের গাছপালার মাঝে গা ডাকা দিচ্ছে। সে এক দেখবার মতো দৃশ্য। লক্ষ্য করলাম ওদের পেছনগুলো কী রকম লালচে, সাদা নয় মোটেই। রুদ্ধশ্বাসে দাঁড়িয়ে এ দৃশ্য দেখছি এমন সময়ে শাখা প্রশাখার ফাঁকে তারার মালায় ভরা কালো আকাশে ছোট্ট একটা লাল স্ফুল্কিঙ্গ লাফিয়ে উঠেই মিলিয়ে গেল। দেখেই পোড়াকঠের গন্ধটা কিসের তা বুঝলাম, বুজলাম ঘুমপাড়ানি গানের মতো সে গুঞ্জনধ্বনি কিসের। অবশ্য সে গুনগুনানি এখন সোঁ সোঁ গর্জনে এসে ঠেকেছে। বুঝলাম লাল আভা কিসের আর কেনই বা মর্লকরা প্রাণ হাতে নিয়ে দৌড়োচ্ছে।

গাছের আড়াল থেকে এসে এক অপূর্ব দৃশ্য দেখলাম। সামনের গাছগুলোর বড় বড় গুঁড়ির পাশ দিয়ে দেখলাম লকলকে শিখায় দাঁড় দাঁড় করে জ্বলছে সমস্ত জঙ্গল। প্রথম যে আগুন জ্বলেছিলাম আমি, এখন আমারই পেছন ছুটে আসছে সে। দেখেই উইনার কথা মনে পড়ল। তাকিয়ে দেখি সে-ও উধাও হয়ে গেছে কখন। ভাববার আর সময় ছিল না, হিস্ হিস্ পট পট শব্দে ক্রমেই এগিয়ে আছে আগুন। বোমা ফাটার শব্দ করে গাছ থেকে গাছে লাফিয়ে পড়ছে লেলিহান আগুনের শিখা। লোহার ডাঙাটা নিয়ে তীরবেগে মর্লকদের পথেই দৌড়োলাম। আগুনের সাথে আমার সে দৌড়-প্রতিযোগিতা ভোলবার নয়। একবার তো আগুন ডানদিক দিয়ে এত তাড়াতাড়ি সামনে এগিয়ে গেল যে আগুনের বেড়াঙ্কালে পড়ে গেলাম আমি। শেষ পর্যন্ত একটুকরো খোলা জমিতে বেরিয়ে আসতে পারলাম। এসেই দেখি একটা মর্লক আগুনের আভায়ে অন্ধ হয়ে এগিয়ে আসছে আমার দিকে, তারপর আমাকে পেরিয়ে সটান ঢুকে গেল আগুনের মধ্যে।

এর পরেই দেখলাম সে যুগের সবচেয়ে বীভৎস দৃশ্য। আগুনের আভায়ে খোলা জমিটা দিনের মতো উজ্জ্বল হয়ে উঠেছিল। ঠিক মাঝখানে ছোটখাট একটা পাহাড়। চারপাশে শুকনো কাঁটাগাছ গজিয়েছে প্রচুর। ওদিক থেকে আগুনের আর একটা শাখা এগিয়ে আসছে এদিকে, মধ্যে মধ্যে হলুদ জীব লিকলিক করে লাফিয়ে পড়ছে আমার দিকে। অর্থাৎ আগুনের বেড়াঙ্কালে আটকা পড়েছিল খোলা জমিটুকু। পাহাড়ের গায়ে তিরিশ চল্লিশ

জন মলক জোর আলায় চোখ ধাঁধিয়ে যাওয়ায় হতভস্তের মতো এলোমেলোভাবে দৌড়োদৌড়ি করছিল। প্রথমে ওদের অন্ধ অবস্থা আমি বুঝি নি, তাই যতবারই ছুটে এসেছে আমার দিকে, ততবার বেথড়ক পিটিয়েছি ডাঙা দিয়ে। একজন তো মারের চোটে মরেই গেল, জনাতিনেক হাত পা মাথা ভেঙে রইল পড়ে। কিছুক্ষণ পরে একজনকে হাতড়াতে হাতড়াতে আগুনের দিকে এগিয়ে যেতে দেখে বুঝলাম ওদের অসহায় অবস্থা। তাই রেহাই দিলাম সে যাত্রা।

তা সত্ত্বেও মাঝে মাঝে দু'একজন সটান এগিয়ে এল আমার দিকে, প্রতিবারই শিউরে উঠে কাটিয়ে যেতে হল আমার। মাঝখানে আগুনের তেজ একটু কমে আসতে ভাবলাম আবার বুঝি মলকগুলো দেখে ফেলেছে আমায়। আরও কয়েকটাকে যমালয়ে পাঠাবার জন্যে ডাঙা তুললাম ওপরে, কিন্তু আবার লকলকে হয়ে উঠল লাল শিখা। ডাঙা নামিয়ে এদিকে সেদিকে পায়চারী করতে লাগলাম উইনার খোঁজে, কিন্তু ওর কোনো চিহ্নই দেখতে পেলাম না।

শেষে হতাশ হয়ে পাহাড়ের চূড়ায় বসে বসে আগুনের আভায় অন্ধ পিশাচগুলোর এলোমেলো নড়াচড়া দেখতে লাগলাম। আগুনের ছোঁয়া লাগামাত্র অপার্থিব শব্দে ককিয়ে চিংকার করে উঠেছিল ওরা। দু'একজন অবশ্য ওপরেও উঠে এসেছিল হাতড়াতে হাতড়াতে, কঠিন কয়েকটা ঘুমি মেরে তাদের ধরাশায়ী করার লোভ আর সামলাতে পারি নি।

সমস্ত রাত দারুণ ঘুমে জুড়ে আসতে লাগল আমার চোখের পাতা। চোঁচিয়ে ছুটে ঘুমকে তাড়াতে হয়েছিল চোখ থেকে। উঠেছি, বসেছি, বেড়িয়েছি এদিকে ওদিকে, আর ভগবানকে ডেকেছি যেন আজকের রাতের মত ঘুম না আসে চোখে। তিনবার দেখলাম যন্ত্রণায় কঁকড়ে উঠে কতকগুলো মলক ছুটে গেল আগুনের ভেতরে। অনেকক্ষণ পর একসময়ে আগুনের লাল আভা আর রাশি রাশি কালো ধোঁয়াকে ফিকে করে দিয়ে এল ভোরের শুভ্র সুন্দর আলো।

আবার খুঁজে দেখলাম উইনাকে। কিন্তু কোথাও কোনো চিহ্ন দেখতে পেলাম না। মলকরা যেন বেচারীকে জ্বলন্ত জঙ্গলের মধ্যে ফেলে পালিয়েছে, সে বিষয়ে কোনো সন্দেহ রইল না আমার। দারুণ ইচ্ছে হল আরও কয়েকটা মলকের মাথা গুড়িয়ে দিয়ে আসি। কিন্তু তা করে তো আর উইনাকে ফিরিয়ে দেওয়া যাবে না ইলয়দের মধ্যে। পাহাড়ের চূড়ায় উঠে চারদিকে তাকাতেই সবুজ পোসিলেনের প্রাসাদ দেখতে পেলাম। সাদা শিকরে কোন দিকে আছে ঠিক করে নিয়ে হাঁটা দিলাম সেই দিকে। আগুন তখনও রয়েছে এখানে সেখানে। পায়ের তলায় রাশি রাশি ছাই থেকে গুমে গুমে উঠছে ধোঁয়া, গাছগুলোও ভেতরে ভেতরে পুড়ে চলেছে—তাই ধোঁয়া ওঠার বিরাম নেই। ধোঁয়ায় চারদিকে কুয়াশার মতো আবছা হয়ে উঠেছিল। অস্পষ্টভাবে দেখলাম কয়েকটা কদাকার মলক গোঙাতে গোঙাতে ঘুরছে এলোমেলোভাবে। এরই মাঝ দিয়ে ঝোঁড়াতে ঝোঁড়াতে এগিয়ে চললাম আমি। পায়ে অবশ্য পুরু করে ঘাস বেঁধে নিয়েছিলাম, তবুও অনাহারে, অনিদ্রায় অবসাদে আমার তখন এক পাও যাওয়ার ক্ষমতা ছিল না। চোখ জ্বালা করছিল নিষ্পাপ উইনার শোচনীয় পরিণতির কথা ভেবে। আমিই তাকে এনেছিলাম, কিন্তু ফিরিয়ে দিতে পারলাম না তার পরিজনদের মাঝে।

হাঁটতে হাঁটতে হঠাৎ পকেট হাতড়াতে আনন্দে আমার মন নেচে উঠল। চারটে দেশলাইয়ের কাঠি পেলাম পকেটে। মল্ককরা বাজটা বার করে নিলেও কোনোরকমে এ চারটা কাঠি থেকে গেছে পকেটের কোণে।

১৩

সাদা শিফৎকের ফাঁদ

সকাল আটটা-নটা নাগাদ হলদে ধাতুর আসনের কাছে পৌছোলাম আমি। চারদিকে রোদ্দুরে ভরে উঠেছিল। গভীর প্রশান্তিতে ছেয়েছিল দিগদিগন্তে। সে প্রশান্তি আমার মনের জ্বালা যন্ত্রণাও স্নিগ্ধ হাতে জুড়িয়ে দিল। গত রাতের দুঃস্বপ্নের মতো বিভীষিকা মিলিয়ে গেল মন থেকে, নিদারুণ শ্রান্তিতে সেই কবোঞ্চ সকাণে ঘুমিয়ে পড়লাম আমি ঘাসজমির ওপর।

ঘুম যখন ভাঙল, সূর্য ডুবতে তখন আর বেশি দেরি নেই। আড়মোড়া ভেঙে তাড়াতাড়ি নেমে এলাম নিচে সাদা শিফৎকের দিকে, এক হাতে পকেটে দেশলাই কাঠি নাড়াচাড়া করতে করতে অপর হাতে লোহার ডাণ্ডা বাগিয়ে ধরে নির্ভয়ে এগিয়ে গেলাম বেদির সামনে।

আর তারপরেই যা দেখলাম, তা আশা করি নি মোটেই। শিফৎকের বেদির সামনে গিয়ে দেখি ব্রোঞ্জের দরজা খোলা, মজবুত পাতগুলো সরে গেছে পাশের খাঁজে।

দেখেই ধমকে দাঁড়িয়ে গেলাম—টোকা কি উচিৎ হবে?

ছোট্ট একটা কামরা দেখলাম ভেতরে, এক কোণে উঁচু জায়গার ওপর রয়েছে টাইম-মেশিনটা। ছোট লিভারটা পকেটেই ছিল। ভাবলাম সাদা শিফৎক্রে আক্রমণের এত তোড়জোড় তাহলে সবই বৃথা, শেষপর্যন্ত আত্মসমর্পণ করল ওরা। লোহার ডাণ্ডা ছুড়ে ফেলে দিলাম। কাজে লাগল না বলে দুঃখ যে হল না তা নয়।

ভেতরে টোকার মুখে আবার ধমকে দাঁড়িয়ে গেলাম। কোনো বদ মতলব নেই তো হতভাগাদের? কিন্তু পরক্ষণেই দমকা হাসি চেপে ব্রোঞ্জফ্রেম পেরিয়ে সিঁথে এগিয়ে গেলাম টাইম-মেশিনের কাছে। অবাক হয়ে দেখলাম তেল-টেল দিয়ে বেশ পরিষ্কার করে রাখা হয়েছে মেশিনটা। ওরা হয়ত যন্ত্রটার রহস্য বোঝার জন্যে কতকগুলো অংশ খুলেও ফেলেছিল, না পেরে আগের মতোই স্ক্রু এঁটে রেখে দিয়েছিল এক কোণে। দাঁড়িয়ে দাঁড়িয়ে বেশ খুশি-খুশি মনে মেশিনটার গায়ে হাত বোলাচ্ছি এমন সময়ে যে ভয় করেছিলাম তাই হল। হঠাৎ ব্রোঞ্জের পাত দুটো সড়াৎ করে বেড়িয়ে এসে ঘটৎ করে বন্ধ করে দিল বেদির প্রবেশ পথ। নিকষকালো অন্ধকারে কিছুই আর দেখতে পেলাম না, ফাদে পড়লাম আমি। মল্ককদের তাহলে এই মতলবই ছিল। আমার কিছু বেকায় হাসি পেয়ে গেল ঐ অন্ধকারেও।

ইতিমধ্যে গুনগুন ধ্বনির মতো হাসির শব্দ এগিয়ে আসছিল আমার দিকে। খুব শান্তভাবে দেশলাইয়ের একটা কাঠি ঘষলাম মেশিনের গায়ে। লিভারটা যথাস্থানে বসানোর সময়টুকু শুধু আমার দরকার, তারপরেই ভূতের মতো যাব মিলিয়ে। কিন্তু একটি ছোট্ট জিনিস আমি একেবারেই ভেবে দেখি নি। যে দেশলাইয়ের কাঠি বাজের বারুদে না ঘষলে জ্বলে না, এ হলো সেই জাতীয় কাঠি।

বুঝতেই পারছেন কীভাবে মুখের হাসি মিলোল আমার। ততক্ষণে আমার ওপর এসে পড়েছে পুচকে জানোয়ারগুলো। একজন আমাকে হুঁতেই হাতের লিভার দিয়ে এক ঘা বসিয়ে দিয়ে কোনোমতে উঠে বসলাম মেশিনের আসনে। আর একটা হাত এসে পড়ল আমার ওপর, তারপরেই আবার একটা। কিলবিলে সাপের মতো হাতগুলো চেপে বসতে না বসতেই সবু সবু আঙুল দিয়ে লিভারটা ছিনিয়ে নেওয়ার চেষ্টা করতে লাগল ওরা—আর সমানে ঘুমি লাথি চালিয়ে কোনোরকমে ওদের ঠেকিয়ে রেখে মেশিনের গায়ে লিভারের ঝাঁজটা হাত বুলিয়ে বুলিয়ে ঝুঁজতে লাগলাম। একজন তো আচমকা হাত থেকে কেড়েই নিল লিভারটা, তৎক্ষণাৎ মাথা দিয়ে এক দারুণ টু মেরে উদ্ধার করলাম সেটা।

বেশ কিছুক্ষণ কাঠাপটি করার পর শেষে লিভারটা আটকে গেল ঝাজে, ঠেলেও দিলাম সামনের দিকে। সর্গতর্সেতে হাতগুলো পিছলে গেল আমার দেহ থেকে। নিকষ অঙ্ককার গেল মিলিয়ে। আগে যে রকম বলেছি, ঠিক সেইরকম ধূসর আলো আর মৃদু গুণগুণানির মধ্যে এসে পড়লাম আবার।

১৪

আরও ভবিষ্যতে

সময়-পর্যটন যে কি অস্বস্তিকর, তা আপনাদের আগেও বলেছি আমি। তার ওপরে এবার আমি ভালো করে আসনে বসতেও পারি নি। পাশের দিকে হেলে পড়ে কোনোরকমে ঠেকেছিলাম আসনে। কতক্ষণ যে এভাবে আঁকড়েছিলাম মেশিনটা, সে খেয়াল ছিল না। দুলুনি আর ঝাঁকুনির মধ্যে এগিয়ে যাচ্ছি সে সবও দেখার মতো অবস্থা আমার ছিল না। অনেকক্ষণ বাদে একটু সামলে উঠে ডায়ালগুলোর দিকে তাকাতেই চক্কুস্থির হয়ে গেল। একটা ডায়ালে দেখা যায় শুধু একদিনের হিসেব, আর একটায় হাজার দিনের, তার পাশেরটায় লক্ষ লক্ষ দিনের, আর সব শেষেরটায় কোটি কোটি দিনের। বিপরীত দিকে যাওয়ার লিভারটা না টেনে আমি মেশিনটা শুধু চালিয়ে দিয়েছিলাম, এখন ডায়ালের দিকে তাকাতে দেখি হাজারের কাঁটাটা ঘড়ির সেকেন্ডের কাঁটার মতো বেগে ঘুরে চলেছে—আর আমি এগিয়ে চলেছি আরও ভবিষ্যতের গর্ভে।

যতই এগোতে লাগলাম, চারপাশে দেখলাম এক আশ্চর্য পরিবর্তন। দপদপে ধোয়াটে কুয়াশা আরও গাঢ় হয়ে উঠল। তারপরে, প্রচণ্ড বেগে ছুটে চলা সঙ্কেও মিটমিটে তারার মতো আবার দেখা গেল দিনরাতের দ্রুত পরিবর্তন। ধীরগতিতে গেলে এ পরিবর্তন দেখা যায়। কিন্তু এত নিদারুণ বেগে যাওয়া সঙ্কেও দিনরাতের আসা-যাওয়া স্পষ্টতর হয়ে উঠল। দারুণ ঘাবড়ে গেলাম। দিবানিশার পরিবর্তন—গতি আরও কমে আসতে লাগল, সেই সাথে কমে এল আকাশে সূর্যের আনাগোনা। শেষকালে মনে হল পরিবর্তন আসছে কেবল একশো বছর অন্তর অন্তর প্রথমে পৃথিবীর ওপর দেখা গেল পরিবর্তনহীন স্থির এক গোখলি, মাঝে মাঝে শুধু কালো আকাশটাকে চমকে দিয়ে আর গোখলিকে ঝলসে দিয়ে তীব্রবেগে উধাও হয়ে গেল কয়েকটা ধুমকেতু।

আলোর যে চওড়া ফালিটা অবস্থান নির্দেশ করছিল, অনেক আগেই তা অদৃশ্য হয়ে গেছিল। কেন না, আর অন্ত যাচ্ছিল না সূর্য, শুধু পশ্চিম দিক থেকে উঠে আবার নেমে যাচ্ছিল পশ্চিমেই। আর ক্রমশ লাল, আরও জ্বলন্ত হয়ে উঠছিল তার আকৃতি। চাঁদের সব

চিহ্ন মিলিয়ে গেল। তারাগুলোর ঘুরপাকও ক্রমশ কমতে কমতে এসে ঠেকল মৃদু সঞ্চারমান কয়েকটা আলোর বিন্দুতে। অবশেষে দিগ্বরেখার ওপর মস্ত বড় গাঢ় লাল সূর্য নিখর হয়ে রইল দাঁড়িয়ে, দীপ্তিহীন উত্তাপে জ্বলতে লাগল আর বিশাল খালার মতো গোল আকৃতি, মাঝে মাঝে ক্ষণেকের জন্যে নিভেও যেতে লাগল। একবার কিছুক্ষণের জন্যে বেশ উজ্জ্বল হয়ে উঠল; কিন্তু দেখতে দেখতে আবার ফিরে এল সেই ম্যাড্রমেড়ে লাল আভা। উদয় আর অস্তর ধীরগতি দেখে বুঝলাম চাঁদ যেমন এ যুগে পৃথিবীর দিকে সমানে একদিক ফিরিয়ে আছে, ঠিক তেমনি পৃথিবীও সূর্যের দিকে একদিক ফিরিয়ে স্থির হয়ে গেল। গতবারের মতো মেশিনসমেত ডল্টে পড়াটা যাতে আর না হয়, তাই খুব আস্তে আস্তে গতি কমিয়ে আনতে লাগলাম। ঘুরন্ত কাঁটাগুলোর ঘুরপাক ধীরে ধীরে কমে আসতে লাগল, শেষে হাজারের কাঁটাটা নিশ্চল হয়ে গেল দাঁড়িয়ে। স্ক্রলের ওপর কুয়াশার মতো দিনের কাঁটাটা ঘুরছিল, তাকেও বেশ স্পষ্ট দেখা গেল। আরও আস্তে—জনশূন্য বালুকাবেলার আবছারেখা আরও স্পষ্ট হয়ে উঠল।

খুব সাবধানে মেশিন থামিয়ে চারদিকে ভালো করে তাকালাম। আকাশ আর নীল নেই। উত্তর-পূর্বদিক কালির মতো কচকচে কালো; আঁধারের মধ্যে থেকে স্থির দ্যুতিতে জ্বলজ্বল করছিল ফ্যাকাশে সাদা তারাগুলো। মাথার উপর ঘোর রক্তবর্ণ। তারা নেই একটিও। দক্ষিণ-পূর্বদিক টুকটুকে লাল আভায জ্বলছে, সেদিকেই দিগ্বরেখায় অর্ধেক ঢাকা পড়ে নিশ্চল হয়ে রয়েছে সূর্যের বিশাল লাল দেহ। চারপাশে পাহাড়গুলো বুদ্ধ লালচে রঙের। প্রাণের চিহ্নর মধ্যে দেখলাম শূন্য দক্ষিণ-পূর্বদিক ছেয়ে রয়েছে ঘন সবুজ উদ্ভিদে। একটানা গোথুলির মধ্যে বৃষ্টি-পাওয়া গাছপালার ওপর যেমন উজ্জ্বল সবুজ রঙ দেখা যায়, এ রঙও যেন সেই রকম। এ যুগে গৃহার গাছ-শ্যাওলা আর জঙ্গলের শৈবালের রঙের সঙ্গে সে রঙের মিল আছে অনেকটা।

ঢালু সমুদ্রতীরের ওপর দাঁড়িয়েছিল মেশিনটা। দক্ষিণ-পশ্চিমদিকে পান্সে আকাশের পটে দিগ্বরেখায় গিয়ে মিশেছে সমুদ্র। অদ্ভুত শাস্ত তার জল। না আছে ঢেউ, না আছে আলোড়ন, কেন না বাতাসে চাঞ্চল্য নেই এতটুকুও। খুব মৃদু শ্বাস-প্রশ্বাসের মতো স্পন্দিত হচ্ছিল তার জল, খুব ধীরভাবে একটু উঠে আবার নেমে যাচ্ছিল মসৃণভাবে, তাই দেখেই বোঝা গেল চিরন্তন সমুদ্র এখনও বেঁচে আছে, এখনও হারায় নি সে তার গতি। তীরের কাছে পুরু নুনের মতো একটা স্তর দেখলাম; পাণুর আকাশের নিচে লালচে হয়ে উঠেছে তার রঙ। মাথার মধ্যে একটু যন্ত্রণা বোধ করছিলাম। লক্ষ্য করলাম, খুব দ্রুত নিঃশ্বাস নিতে হচ্ছে আমায়। পাহাড়ে ওঠার সময়ে যে রকম হয়, সেই রকম। তাইতেই বুঝলাম এখনকার চাইতে অনেক লঘু হয়ে গেছে তখনকার বাতাস।

অনেক দূরে জনশূন্য বেলাভূমির ওপর কর্কশ আর্ড-চিংকার শূনে দেখি অতিকায় প্রজাপতির মতো সাদা একটা প্রাণী কাৎ হয়ে ডানা পত পত করে আকাশে উঠল, তারপর কয়েকটা পাক দিয়ে অদৃশ্য হয়ে গেল ওপাশের পাহাড়ের আড়ালে। সে চিংকার এমনই রক্তজ্বমানো যে আঁতকে উঠে আরও ভালো করে চেপে বসলাম আসনে। চারপাশে আর একবার তাকাতে দেখি কাছের যে জিনিসটাকে লালচে পাথরের চাঙড় বলে ভেবেছিলাম আস্তে আস্তে সেটা এগিয়ে আসছে আমার দিকে। তখনই দেখলাম, পাথর নয়; লানব-কাঁকড়ার মতো একটা প্রাণী গুঁড়ি মেরে এগোচ্ছে আমার পানেই। কল্পনা কবুন তো,

দূরের ঐ টেবিলটার মতো মস্ত বড় একটা কাঁকড়াকে, টলমল করছে তার অনেকগুলো পা, ধীরগতিতে এগিয়ে আসছে আপনার দিকে, বড় বড় দাড়া দুটো দুলছে, শব্দকর মাছের সুদীর্ঘ চাবুকের মতো লম্বা লম্বা শৃঁড়গুলো এদিকে-ওদিকে নড়ে নড়ে ঝুজছে শিকার, আর ধাতুর মতো কঠিন আর চকচকে আচ্ছাদনের দূপাশ থেকে বোঁটার ডগায় বড় বড় দুটো আগুন-চোখ দপদপ জ্বলছে আপনার দিকে? পেছন দিকটা ঢেউ-তোলা আসমান, পাথরের গায়ে খোদাই করা কারুকাজের মতো হরেক-রকম ঝাঁজকাটা। এখানে-সেখানে জমে রয়েছে সবুজ শ্যাওলার স্তর। কিস্তুত-কিমাকার মুখের গর্তে যেন বিশ্বের ক্ষিদে নিয়ে মূর্তিমান বিভীষিকার মতো সে গুঁড়ি মেরে এগিয়ে আসতে লাগল আমার পানে।

স্থাপুর মতো এই ভয়ঙ্কর দানবটার দিকে একদৃষ্টে তাকিয়ে রয়েছে, এমন সময়ে মাছি বসার মতো একটা সুড়সুড়ি লাগল আমার গালে। হাত দিয়ে খেড়ে দিলাম জায়গাটা, কিন্তু পরমুহূর্তেই আবার সুড় সুড় করে উঠল গালটা, আর প্রায় সঙ্গে সঙ্গে কানের ওপরেও পেলাম সেই অনুভূতি। ঠাস করে চাপড় মারতেই সুতার মতো কিসে হাত ঠেকল। তখনুনি কিন্তু হাতের মধ্যে থেকে বেরিয়ে গেল জিনিসটা। দারুণ চমকে পেছন ফিরে দেখি আর একটা অতিকায় কাঁকড়ার শৃঁড়ের ডগা চেপে ধরেছিলাম আমি। আমার ঠিক পেছনেই দাঁড়িয়েছিল দানবটা। বোঁটার প্রান্তে নরকের আগুন জ্বলছিল লাল চোখে, ক্ষুধায় লোলুপ হয়ে উঠেছিল মুখের হাঁ, আর আঠালো কাদা-মাখা বড় বড় দাড়া বিরাট সাঁড়াশির মতো আন্তে আন্তে নেমে আসছিল আমার ওপর। চোখের পলক ফেলার আগেই লিভারের ওপর হাত দিয়ে এক মাসের ব্যবধান এনে ফেললাম আমার আর ঐ দানোগুলোর মধ্যে। মেশিন তখনও সেই একই বেলাভূমিতে দাঁড়িয়ে, কাজেই মূর্তিমান বিভীষিকাগুলোকে দেখতে পেলাম তখনও। প্রায় এক ডজন কাঁকড়া পানসে আলোয় সবুজ শ্যাওলার মধ্যে এদিকে সেদিকে নড়াচড়া করছে।

সে যে কী ধু ধু শূন্যতা ছড়িয়েছিল পৃথিবীর আকাশে বাতাসে, তা আপনাদের কিছুতেই বোঝাতে পারব না। পূবের লাল আকাশ, পশ্চিমের অন্ধকার, নোনাদরা সাগর, পাথুরে সাগরতীরে ধীরগতি কুৎসিত দানবগুলো, গাছ-শ্যাওলার একইরকম বিষ-সবুজ রঙ, ফুসফুস ফাটানো লঘু বাতাস, সব কিছুই নিঃসীম আতঙ্কে আচ্ছন্ন করে দেয় সমস্ত চেতনা। আরও একটা বছর এগিয়ে গেলাম আমি। কিন্তু সেখানেও সেই লাল সূর্য, আরও ম্যাড়মেড়ে। সেই মরা সাগর। সেই ঠাণ্ডা বাতাস। আর একইরকম কঠিন বর্মপরা প্রাণীদের সবুজ-শ্যাওলা আর লাল পাহাড়ের মধ্যে নড়াচড়া। আর দেখলাম, পশ্চিম আকাশে মস্ত বড় একাদশীর চাঁদের মতো বাকানো একটা পাপুর রেখা। কিন্তু পরিবর্তন নেই মৃত্যুকঠিন অবসন্ন শাশান স্তব্ধতার।

এইভাবে থেমে থেমে এক এক লাফে হাজার বছর কি তারও বেশি পেরিয়ে এগিয়ে চললাম আমি। পৃথিবীর অস্তিত্ব অবস্থা দেখতে লাগলাম নিজের চোখে। সভয়ে দেখলাম পশ্চিম আকাশে ক্রমশ আরও বড়, আরও ফ্যাকাশে হয়ে উঠছে সূর্য। বুঝলাম, পৃথিবীর আয়ু ফুরিয়ে আসছে। অবশেষে, আজ থেকে তিন কোটি বছর পরে লাল গোলায় মতো বিপুল সূর্য প্রায়-অন্ধকার আকাশের দশ ভাগের একভাগ আবছা করে তুলল। আবার থামলাম আমি। কেন না অগণিত কাঁকড়ার দল দেখলাম অদৃশ্য হয়ে গেছে, গাছ-শ্যাওলা জ্বাতের সবুজ উদ্ভিদ ছাড়া লাল বেলাভূমিতে প্রাণের কোনো চিহ্ন নেই। তার পরেই এল

সাদা আন্তরণ। ঠাণ্ডায় হি-হি করে কঁপে উঠলাম আমি। সাদা তুষার তার চাদর বিছিয়ে দিতে লাগল হেথায়-সেথায়। কালো আকাশের তারার আলোয় ঝিকমিক করে উঠল তুষারখচিত উত্তর-পূর্ব দিক। দেখলাম, ঢেউ খেলানো বিস্তার পাহাড়ের লালচে সাদা চূড়া। সমুদ্রের ধারে জমেছে বরফ, জলে ভেসে যাচ্ছে বরফের টাই। তখনও চিরকালের মতো অস্ত যাওয়া সূর্যের আলোয় রক্তিম লবণ-সমুদ্র জমে যায় নি।

কোনোরকম জীবিত প্রাণীর আশায় চারপাশে তাকালাম। কিন্তু বৃথা সে চেষ্টা। আকাশে পৃথিবীতে সাগরে—কিছুই নড়তে দেখলাম না। প্রাণের চিহ্ন শুধু ছিল পাহাড়ের ওপর সবুজ উদ্ভিদের মধ্যে। সমুদ্রে নিচু একটা বালির চড়া উঠে এসেছে দেখলাম, তীরভূমি থেকেও জল সরে গেছে অনেক দূরে। মনে হল দূরে বালির চড়ায় কালো মতো একটা জিনিস যেন কটপট করে উঠল, কিন্তু সেদিকে তাকাতেই খেমে গেল নড়াচড়া। আমারই চোখের ভুল, পাখির ছাড়া কিছুই দেখি নি। আকাশের তারাগুলো অবশ্য খুব জ্বলজ্বলে মনে হল, অনেক দিনের চেনা পুরোনো বন্ধুর মতো মিটিমিট করে ওরা তাকিয়েছিল আমার দিকে।

আচমকা লক্ষ করলাম পশ্চিমে সূর্যের বাইরের গোল রেখা পালটে যাচ্ছে, বাকা রেখার একটা জায়গায় যেন বড়রকমের একটা টোল পড়েছে। চোখের সামনে দেখলাম বড় হয়ে যাচ্ছে টোলটা। পুরো এক মিনিট ক্রমশ এগিয়ে আসা রাশি রাশি অঙ্ককারের দিকে। একদম্বে তাকিয়ে রইলাম, তারপর বুঝলাম, গ্রহণ শুরু হল। হয় চাঁদ আর না হয় বুধগ্রহ আড়াআড়িভাবে যাচ্ছে সূর্যের ওপর দিয়ে। প্রথমে চাঁদ বলেই ভেবেছিলাম, কিন্তু পরে অনেক ভেবে দেখলাম পৃথিবী আর সূর্যের মধ্যকার একটি গ্রহকেই সেদিন পৃথিবীর খুব কাছ দিয়ে যেতে দেখেছিলাম।

অঙ্ককার ঘন হয়ে উঠতে লাগল। পূর্বদিক থেকে নতুন তেজে বয়ে এল ঠাণ্ডা বাতাস। আকাশ থেকে সাদা বরফ-বৃষ্টি আরও বেড়ে উঠল। সমুদ্রের কিনারা থেকে ভেসে এল অজুত ছল ছল শব্দের সঙ্গে কিসের ফিসফিসানি। এইসব প্রাণহীন শব্দ ছাড়া পৃথিবী একেবারে নিস্তব্ধ। নিস্তব্ধ? সে নেপথ্যে যে কী তা ভাষায় প্রকাশ করা যায় না। পাখির যে কজন, মানুষের সাড়া, ভেড়ার ডাক, পোকামাকড়ের গুণগুণানি আর স্পন্দন সূচনা করে জীবন, সে সবই খেমে গেছে। অঙ্ককার যতই ঘন হতে লাগল, ততই বাড়তে লাগল বরফ পড়া, ততই কনকনে হয়ে উঠতে লাগল বাতাস। শেষে, একে একে কিন্তু খুব তাড়াতাড়ি দূরের পাহাড়ের চূড়োগুলো হারিয়ে গেল। অঙ্ককারের আড়ালে। গুন্ডিয়ে কঁদে উঠল বাতাস। দেখলাম গ্রহণের কেন্দ্রের কালো ছায়াটা আমার দিকেই এগিয়ে আসছে। পরের মুহূর্তেই শুধু ফ্যাকাশে তারাগুলো দেখা গেল, আর সবকিছুই গেল অস্পষ্ট হয়ে। আকাশ ঢেকে গেল নিবিড় তিমিরে।

এ মহা-তিমিরের আতঙ্ক চেপে বসল আমার ওপর। দারুণ শীতে হাড়শুদ্ধ কনকনিয়ে উঠছিল, নিশ্বাস নিতেও যত্না বোধ করছিলাম। থরথরিয়ে কঁপে উঠলাম, দারুণ গা বমি বমি ভাব পাক দিয়ে উঠল সর্বাক্কে। তার পরেই লাল মুগুর পড়ার মতো সূর্যের কিনারা বেরিয়ে এল আকাশে। নিজেই সামলাতে মেশিন থেকে নেমে দাঁড়লাম আমি। মাথা ঘুরতে লাগল আমার, মনে হল ফিরে যাওয়ার মতো ক্ষমতাও আর নেই। অর্ধ-অচেতন হয়ে দাঁড়িয়েছিলাম। হঠাৎ দেখলাম সেই জিনিসটা আবার নড়ে উঠল লাল জলের মাঝে—এবার তার নড়ে ওঠা সম্বন্ধে আর কোনো সন্দেহ রইল না আমার। ফুটবল কি তার

চাইতেও বড় গোলাকার একটা বস্তু, গা থেকে কতকগুলো শূঁড় বেরিয়ে এসেছে। ছলছলে রক্তের মতো লাল জলের বুকে জিনিসটা মনে হল ঘোর কালো রঙের, এদিকে-ওদিকে দিখি লাফিয়ে লাফিয়ে ঘুরছিল জিনিসটা। তার পরেই মনে হল অজ্ঞান হয়ে যাচ্ছি আমি। কিন্তু দূর ভবিষ্যতের এই ভয়াবহ গোড়ালিতে অসহায় অবস্থায় পড়ে থাকার আতঙ্কেই আমাকে কোনোরকমে টেনে এনে বসিয়ে দিল টাইম-মেশিনের আসনে।

১৫

সময়-পর্যটকের প্রত্যাবর্তন

আর তাই ফিরে এলাম আমি। নিশ্চয় বহুক্ষণ জ্ঞান হারিয়ে পড়েছিলাম মেশিনের ওপর। দিনরাতের মিটমিটে জ্বলা নেভা আবার শুরু হল, আবার সোনালি হয়ে উঠল সূর্য, আকাশ নীল। আরও সহজভাবে নিঃশ্বাস নিতে লাগলাম আমি। জমির ওঠা-নামার রেখা-তরঙ্গ কমে এল—মসৃণ হয়ে উঠল তার গতি। ডায়ালের ওপর পেছন দিকে ঘুরে চলল কাঁটাগুলো। আবার দেখতে পেলাম ক্ষয়িষ্ণু মানবজাতির নিদর্শন বড় বড় বাড়ির আবছা ছায়া। তাও গেল মিলিয়ে, এল অন্য দৃশ্য। দেখতে দেখতে লঙ্কের কাঁটা শূন্যের ঘরে এসে দাঁড়াতে গতি কমিয়ে দিলাম। অনেকদিনের চেনা আমাদের সুন্দর বাড়ি ঘরদোর আবার দেখতে পেলাম, হাজারের কাঁটা যেখান থেকে শুরু হয়েছিল সেখানে এসে থেমে গেল। দিনরাতের আনাগোনা আরও কমে এল। তার পরেই ল্যাবরেটরির পুরোনো দেওয়াল ফিরে এল আমার চারপাশে। খুব সাবধানে আরও কমিয়ে দিলাম মেশিনের গতি।

ছোট্ট কিন্তু বেশ মজার একটা জিনিস লক্ষ করলাম। আগেই বলেছি আপনাদের, যাত্রা শুরু করার মিনিট কয়েকের মধ্যে খুব অল্প গতিবেগের সময়ে মিসেস ওয়াচটেকে ঘরের মধ্যে দিয়ে রকেটের মতো হেঁটে যেতে দেখেছিলাম। ফেরবার সময়ে ঠিক সেই মিনিটটাও পেরিয়ে আসতে হল আমাকে। কিন্তু এখন দেখলাম সমস্ত জিনিসটা ঘটল উল্টোদিক থেকে। উল্টোদিক থেকে ফিল্ম চালালে যে রকম দেখা যায়, ঠিক সেইরকমভাবে আগে নিচের দরজাটা খুলে গেল, পিঠটা সামনের দিকে রেখে যেন পিছলে ল্যাবরেটরিতে ঢুকলেন মিসেস ওয়াচটে। আর এই ভাবেই পিছু হেঁটে পেছনের যে দরজা দিয়ে আগে তিনি ঢুকেছিলেন সেই দরজা দিয়েই বেরিয়ে গেলেন। ঠিক তার আগেই মনে হল হিল্লিয়ারকেও মুহূর্তের জন্য দেখলাম, কিন্তু সে-ও বিদ্যুৎ-চমকের মতো চকিতে উধাও হয়ে গেল।

তার পরেই ধামালাম মেশিনটা। চারদিকে তাকিয়ে আবার দেখতে পেলাম আমার পরিচিত ল্যাবরেটরি, যন্ত্রপাতি আর টুকটাক সরঞ্জাম—ঠিক যেভাবে ফেলে গেছিলাম সেইভাবেই পড়ে রয়েছে এখানে ওখানে। টলতে টলতে মেশিন থেকে নেমে পাশের বেঞ্চে বসলাম। বেশ কয়েক মিনিট কেঁপে জ্বর আসার মতো দারুণভাবে কাঁপতে লাগলাম। কিছুক্ষণ পর অনেকটা সামলে নিলাম। চারপাশে আগের মতোই রয়েছে আমার পুরোনো কারখানা, কিছুই পাল্টায় নি। ভাবলাম, ঘুমিয়ে পড়েছিলাম। স্বপ্ন ছাড়া আর কিছুই দেখি নি আমি।

কিন্তু তা তো নয়। ল্যাবরেটরির দক্ষিণ-পূর্ব কোণ থেকে যাত্রা শুরু করেছিল টাইম-মেশিন, কিন্তু শেষ হয়েছে উত্তর-পশ্চিমের দেওয়ালের ধারে— সেখানেই এখনও

দেখতে পাবেন মেশিনটা। আর এই দূরত্বটুকুই ছিল ছোট লন আর সাদা স্ফিংক্সের বেদির মধ্যে—মল্করা এই পথটুকুই বয়ে নিয়ে গেছিল টাইম—মেশিনটা।

বেশ কিছুক্ষণ অসাড় হয়ে রইল আমার মগজ। তারপর উঠে দাঁড়িয়ে প্যাসেজ দিয়ে ঝোড়াতে ঝোড়াতে এলাম এদিকে। দরজার পাশেই টেবিলের ওপর পলমল, গেজেটটা দেখলাম। আপনাদের টুকরো টুকরো কথা আর ছুরিকাটার শব্দ শুনতে পেলাম। বড় দুর্বল লাগছিল নিজেকে, তাই একটু ইতস্তত করলাম। কিন্তু মাংসের লোভনীয় সুবাস নাকে আসতেই দরজা খুলে দেখলাম আপনাদের। তারপর কী হল তা তো জানেনই। হাত—মুখ ধুয়ে খাওয়া—দাওয়া সেরে এই আশ্চর্য কাহিনী শোনাতে বসেছি আপনাদের।

১৬

কাহিনীর পর

একটু থেমে আবার বললেন তিনি, ‘ভাবছেন মস্তবড় একটা আঘাতে গল্প শুনিয়ে দিলাম। কিন্তু এ্যাডভেঞ্চারের গল্পটা আপনাদের বলার জন্য যে ফিরে এসেছি তাও তো ঠিক বিশ্বাস করে উঠতে পারছি না আমি।’ ডাক্তারের দিকে তাকিয়ে বললেন, ‘বিশ্বাস করুন, এতটা আশা করা সত্যিই উচিত হয় নি আমার। ধরে নিন, সবটাই ডাহা মিথ্যে, নিছক একটা ভবিষ্যদ্বাণী। ধরে নিন, কারখানায় বসে একটা আজগুबी স্বপ্ন দেখেছি। না হয় ভাবতে পারেন মানুষ জাতির ভবিষ্যৎ পরিণতি ভাবতে ভাবতে শেষপর্যন্ত এই গাঁজাখুরি উপন্যাসটাই কেঁদে বসেছি। নিছক গল্প হিসেবে ধরেই বলুন তো কেমন লাগল আপনাদের?’

পাইপটা তুলে নিয়ে আস্তে আস্তে ঠুকতে লাগলেন তিনি। ক্ষণকালের জন্য গভীর নৈঃশব্দ নেমে এল ঘরে। তারপরেই শুরু হল চেয়ার টানার জুতোর মস্ মস্ শব্দ। অন্ধকারের মধ্যে তাকিয়ে দেখি পলকহীন চোখে ডাক্তার লক্ষ করছেন সময়—পর্যটককে। সম্পাদক তাঁর ছ’নম্বর সিগারেটটার ডগায় চোখ পাকিয়ে তাকিয়ে আছেন। সাংবাদিক ঘড়ি হাতড়াচ্ছেন। বাকি সবাই একেবারে নিচ্চল।

দীর্ঘশ্বাস ফেলে উঠে দাঁড়ালেন সম্পাদক। ‘কী দুর্ভাগ্য—আমাদের, আপনি গল্প—লেখক হতে পারলেন না।’

‘আপনি তাহলে বিশ্বাস করেন নি?’

‘আরে মশাই—’

‘তাহলে করেন নি।’ আমার দিকে ফিরলেন সময়—পর্যটক। দেশলাইটা দিন তো... বিশ্বাস কি আমিও করেছি... কিন্তু...।’

হঠাৎ ওঁর চোখ পড়ল টেবিলের ওপর রাখা শুকনো সাদা ফুলদুটোর ওপর। তার পরেই আঙুলের গাঁটের প্রায় শুকনো কাটা ছেঁড়াগুলোর দিকে একদৃষ্টে তাকিয়ে রইলেন। ল্যাম্পের কাছে এসে ফুলদুটো নেড়েচেড়ে দেখলেন ডাক্তার।

বিড় বিড় করে ওঠেন তিনি।

সাংবাদিক বলেন, ‘একটা বাজতে চলল, এবার তাহলে বাড়ী যাওয়া যাক, কী বলেন?’

মনোবিজ্ঞানী বললেন, ‘অনেক ট্যান্ড্রি মিলবে এখন।’

ডাক্তার বললেন, ‘ফুলগুলো দেখতে কিন্তু অজুত। এগুলো নিয়ে যেতে পারি কি?’

ইতস্তত করেন সময়-পর্যটক, তারপর দ্বিধা কাটিয়ে স্পষ্ট বলেন, ‘নিশ্চয় না।’

‘সত্যি করে বলুন তো কোথেকে জোগাড় করলেন ওগুলো?’ সুখোলােন ডাক্তার।

দু’হাতে মাথা চেপে ধরেন সময়-পর্যটক। একটু চুপ করে থেকে মৃদুকণ্ঠে বললেন, ‘উইনা রেখেছিল আমার পকেটে। কিন্তু...কিন্তু এসব কি সত্যি না কল্পনা? সত্যিই কি আমি কোনোদিন টাইম-মেশিন বা তার মডেল তৈরি করেছিলাম? স্বপ্ন, না, পাগল হলাম আমি? নাঃ, মেশিনটা দেখতেই হবে আমাকে।’

চট করে ল্যাম্পটা তুলে নিয়ে করিডরের দিকে এগিয়ে গেলেন উনি, পিছু পিছু আমরাও গেলাম। ল্যাম্পের কাঁপা আলায়ে দেখলাম দেওয়ালের গায়ে খাড়া মেশিনটা, বিদ্যুটে স্থূল তার গড়ন, তামা আবলুখ, হাতীর দাঁত আর স্বচ্ছ কোয়ার্টজে চিকমিকে তার শ্রীহীন অঙ্গ। স্বপ্ন যে নয়, তা কঠিন ধাতুর রেলিং স্পর্শ করেই বুঝলাম, হাতির দাঁতের ওপর লেগেছে বাদামি ছোপ, এখানে সেখানে কাদার দাগ, নিচের অংশে ঘাস আর শ্যাওলার কুচি, একটা রেলিং বেকে গেছে। ল্যাম্পটা বেক্সির ওপর রেখে বঁকা রেলিংয়ে হাত বুলিয়ে বললেন সময়-পর্যটক, ‘স্বপ্ন নয় তাহলে। যে কাহিনী আপনাদের বললাম তার প্রতিটি অক্ষর সত্য।’ বলে ল্যাম্পটা তুলে নিয়ে আমাদের সাথে নিঃশব্দে ফিরে এলেন স্মোকিংরুমে।

বিদায় নেওয়ার সময় একটু ইতস্তত করে ডাক্তার বললেন, ‘আপনি দিনকতক বিশ্রাম নিন, অতিরিক্ত পরিশ্রম করছেন আজকাল।’ উত্তরে হা হা করে হেসে উঠলেন সময়-পর্যটক।

সম্পাদকের সঙ্গে একই ট্যান্ড্রিতে ফিরলাম আমি। ভদ্রলোক তো ‘ডাঃ মিথো’ বলে সব কিছু উড়িয়ে দিলেন। আমার পক্ষে কিন্তু অত চট করে কোনো সিদ্ধান্তে আসা সম্ভব হল না। গম্পটা যেমন আজগুবি আর অবিশ্বাস্য, বলার ভঙ্গি তেমনি বিশ্বাস্য যুক্তিসঙ্গত। ঠিক করলাম আবার দেখা করতে হবে সময়-পর্যটকের সাথে। এইসব কথা ভেবে সারা রাত ভালো করে ঘুমোতে পারলাম না আমি।

পরের দিন সকালে গিয়ে শুনলাম ল্যাবরেটরিতে রয়েছেন উনি। ল্যাবরেটরিতে গিয়ে কাউকেই দেখতে পেলাম না। টাইম-মেশিন একইভাবে দাঁড়িয়ে ছিল একপাশে, হাত দিয়ে আলতো করে ছুঁলাম লিভারটা। সঙ্গে সঙ্গে বাতাসে দুলে উঠল বিদ্যুটে মেশিনটা। চমকে হাত সরিয়ে নিলাম আমি। করিডর দিয়ে স্মোকিংরুমে আসতে আসতে সময়-পর্যটকের সাথে মুখোমুখি হয়ে গেলাম। ভেতর বাড়ি থেকে আসছিলেন উনি। এক কাঁধে ছোট্ট একটা ক্যামেরা, অপর কাঁধে একটা কাপড়ের ব্যাগ। আমাকে দেখে হেসে উঠলেন, ‘মেশিনটা নিয়ে খুব ব্যস্ত এখন, কী খবর আপনার?’

সুখোলাম, ‘কাল রাতে বিলকুল ধাক্কা মারলেন কি সত্যি বললেন, তাই জ্ঞানতে এলাম। সত্যিই কি আপনি সময়ের পথে বেড়াতে পারেন?’

‘পারি।’ আমার চোখে চোখ রেখে পরিষ্কার বললেন উনি। তারপর একটু ইতস্তত করে বললেন, ‘আধঘণ্টা সময় দিন আমাকে। ম্যাগাজিনগুলো রইল, পড়ুন। লাঞ্চ পর্যন্ত যদি সবুর করতে পারেন, সময় পথে সত্যিই ভ্রমণ করতে পারি কিনা, তার প্রমাণ

আপনাকে আমি দেব। এখন তাহলে আসি।’

বলে চলে গেলেন উনি। ল্যাবরেটরির দরজা বন্ধ হওয়ার শব্দ শুনলাম। যে কথাগুলো বলে গেলেন, তার অর্থ তখন অত খেয়াল করি নি। দৈনিক কাগজটা কিছুক্ষণ পড়ার পর হঠাৎ মনে পড়ল একটু পরেই একজন প্রকাশকের সঙ্গে দেখা করার কথা আছে। ঘড়ি দেখলাম, সময় আর বেশি নেই। ভাবলাম সময়-পর্যটককে বলে ভদ্রলোকের সঙ্গে আগে দেখা করে আসি।

ল্যাবরেটরির দরজার হাতলটা ধরামাত্র একটা বিস্ময়-চকিত চিংকার শুনলাম, শেষের দিকে অদ্ভুতভাবে ক্রীণ হয়ে এল শব্দটা আর শুনলাম ক্লিক শব্দের সঙ্গে সঙ্গে ঘটাং করে একটা আওয়াজ। দরজা খুলতেই এক বলক হাওয়া আমার পাশ দিয়ে বেগে বেরিয়ে গেল বাইরে, আর ভেতরে মেঝের ওপর ভাঙা কাচ পড়ার বন বন শব্দ ভেসে এল। সময়-পর্যটককে ভেতরে দেখলাম না। মুহূর্তের জন্যে বেগে ঘুরপাক খাওয়া তামা আর আবলুষের মাঝে যেন খুব আবছা প্রেতচ্ছায়ার মতো একটা মূর্তিকে বসে থাকতে দেখলাম। সে মূর্তি এত স্বচ্ছ যে তার মধ্যে দিয়ে পাশে বেঞ্চের ওপর রাখা ড্রইংয়ের সরঞ্জামগুলোও স্পষ্ট দেখতে পাচ্ছিলাম। কিন্তু চোখ রগড়েই দেখি ভৌতিক ছায়া অদৃশ্য হয়ে গেছে। টাইম-মেশিনও উধাও হয়ে গেছে। দেওয়ালের পাশে ছোট্ট একটা ধুলোর ঘূর্ণিপাক ছাড়া ল্যাবরেটরি একেবারে শূন্য। জানালার একটা কাচও দেখলাম ভেঙে এসে পড়েছে ঘরের ভেতর।

হতভম্ব হয়ে দাঁড়িয়ে রইলাম। আশ্চর্য একটা কাণ্ড ঘটল চোখের সামনেই, তবুও কিন্তু নিজের চোখ কানকে বিশ্বাস করে উঠতে পারলাম না। এমন সময়ে বাগানের দিকের দরজা খুলে মালী ঢুকল ভেতরে।

শুখোলাম, ‘উনি কি এদিক দিয়ে বাইরে গেলেন?’

‘না স্যার, এদিকে কেউ আসে নি।’

বুঝলাম সব। প্রকাশকের কথা ভুলে গিয়ে সময়-পর্যটকের জন্য বসে রইলাম আমি। প্রতীক্ষায় রইলাম আরও বিচিত্র কাহিনী শোনার, বিচিত্রতর নিদর্শন আর ফটোগ্রাফ দেখার আশায়। কিন্তু মনে হচ্ছে সারা জীবনেও আমার এ প্রতীক্ষা আর ফুরোবে না। সময়-পর্যটক উধাও হয়েছেন তিন বছর আগে—আর সবাই জানেন, আজও তিনি ফেরেন নি।

উপসংহার

সন্দেহ জাগে সত্যিই কি আর ফিরবেন উনি? হয়ত অতীতে ফিরে গিয়ে আদিম প্রস্তর-যুগের রক্তপিপাসু বুনো বর্বরদের হাতে পড়েছেন; না হয় তলিয়ে গেছেন ষড়িগোলা ক্রিটেশাশ সমুদ্রের পাতালগুহায়; নয়ত জুরাসিক আমলের অতিকায় সরীসৃপ আর কিঙ্কতকিমাকার সরিয়ানদের রাক্কুসে খিদে মিটিয়েছেন নিজেকে দিয়ে। এমনও হতে পারে উনি এখন প্লিসিওসরাসে ভরা কোনো ওলাইটিক প্রবাল দ্বীপে উদ্ভ্রান্ত হয়ে ঘুরে বেড়াচ্ছেন, অথবা ট্রায়াসিক যুগের নির্জন লবণ সমুদ্রের ধারে পথ ভুলেছেন। কিংবা আরও সামনের দিকে এগিয়ে এমন এক কাছাকাছি যুগে পৌঁছেছেন যেখানে মানুষ এখনও মানুষ, কিন্তু আমাদের যুগের সব সমস্যা সব প্রশ্নের সমাধান করে রামরাজ্য সৃষ্টি করেছে তারা। মানুষ তার সর্বশক্তি নিয়োগ করেছে যে সমাজের উন্নতি করতে, হয়ত একদিন সেই সমাজই হবে তার কবরস্থান। কিন্তু আমার কাছে ভবিষ্যৎ এখনও অজ্ঞানের গভীর অন্ধকারে ভরা—ঠাঁর কাহিনীই শুধু সামান্য আলো ফেলেছে এখানে সেখানে। হয়ত সে কাহিনী নিছক অলীক, কিন্তু তবুও আমার কাছে এখনও রয়েছে দুটি শুকনো ফুল—যে ফুল পৃথিবীতে এর আগে বা এখনও কোথায় জন্মায় নি।

১৯০৩ সালে যা ছিল আজগুবি ১৯১৬ সালে তাই হ'ল বিস্ময়!... ভাবিয়েছিল কম্পবিজ্ঞানী, বানিয়ে নিয়েছিল যুদ্ধবিজ্ঞানী... যুগপৎ বিস্ময় এবং আতঙ্কসঞ্চারী অত্যাশ্চর্য কম্পবিজ্ঞান কাহিনী...